



UNIVERSITÄTS-  
BIBLIOTHEK  
PADERBORN

# **Illvstrivm Scriptorvm Religionis Societatis Iesv Catalogvs**

**Ribadeneyra, Pedro de**

**Antverpiæ, M. DC. VIII.**

Illvstrivm Scriptorvm Religionis Societatis Iesv Catalogvs.

---

[urn:nbn:de:hbz:466:1-68452](https://nbn-resolving.org/urn:nbn:de:hbz:466:1-68452)

ILLVSTRIVM  
 SCRIPTORVM  
 RELIGIONIS  
 SOCIETATIS IESV  
 CATALOGVS.



BEATVS PATER IGNATIVS  
 LOYOLA, Parens atque insti-  
 tutor ordinis Clericorum Re-  
 gularium *Societatis IESV*, na-  
 tione Hispanus, patria Canta-  
 ber (cuius vitam admirandam quinque libris  
 complexi sumus) libellum *Exercitiorum spi-  
 ritualium* scripsit, magnitudine exiguum, fru-  
 ctu verò maximum, qui aduersus graues mul-  
 torum oppugnationes inuictus semper stetit,  
 semper stabit, auctoritate sacrosanctæ Sedis  
 Apostolicæ atque approbatione munitus.  
 Scripsit etiam librum *Constitutionum* decem  
 in partes distributum, in quo leges dat Socie-  
 tati, & absolutissimâ gubernationis formam  
 præscribit, tanto spiritu, tanta sententiarum  
 grauitate, verborum pondere, ordine, com-  
 prehen-

prehensione, vt non humana doctrina, sed diuinitus infusa videatur. Scripsit præterea *Epistolam de Religiosa obedientia*, ad Lusitanæ Socios ac filios, tam perfectam & omnibus expletam numeris, vt omnium præceptionum instar sit, quæ de obedientia traduntur. Obiit vir sanctissimus Romæ, pridie Kal. Augusti, Anno salutis M. D. LVI. ætatis LXV. confirmati à Sede Apostolica Ordinis XVI.

**A**CHILLES GAGLIARDVS patria Patauinus, vnâ cum Leonetto & Ludouico germanis fratribus, maximus ipse natu, ad vexillum CHRISTI conuolauit, nostramque SOCIETATEM ingressus est anno salutis millesimo quingentesimo sexagesimo, cum ætate, nobilitate, humanarum litterarum cognitione floreret, & in Academia Patauina magnam sui expectationem excitasset: grauiore deinceps disciplinas, Philosophicas nimirum, & Diuinas excoluit, atque etiam explicauit nostro in Romano Collegio, acutè ac pereruditè; insignisque & Philosophus & Theologus est habitus. Tum Roma Superiorum iussu Mediolanum commigravit, vbi sacram item Theologiam interpretatus est: domusque Professorum sancti Fidelis curam suscepit; quam, vt & domum Professorum Venetam, laudabiliter administravit. Scripsit hætenus

*Catechismum* Italicè, hortatu B. Caroli Borromæi Cardinalis Tit. sanctæ Praxedis Mediolanensis Archiepiscopi. Scripsit etiam Latinè librum

*De disciplina hominis interioris*, in quo & Iustificationem hominis à peccato, & tentationes, atque mili-

militiam iustorum, & progressum in gratia, & habituum malorum extirpationem, & mortificationem vitiosorum affectuum diligenter persequitur: quæ omnia ad *Viam* pertinent *purgatiuam*. Præterea omnium virtutum tractationem complectitur, quæ ad *Viam* spectant *illuminatiuam*: denique illa etiam exactè explicat, quæ *Via*, vt dicitur, *vnitiua* seu *mystica* propria sunt.

ADAMVS TANERVS, natione Germanus, patria Oenopontanus. Scripsit,

*De Verbo Dei scripto & non scripto, &, De Iudice controuersiarum fidei.*

*De bonorum operũ necessitate, utilitate, & meritis.*

*Relationem compendiariam de initiis, processu & fine colloquij Ratisponensis, habiti anno Salutis 1602. inter Catholicos Theologos, & Ministros hæreticos, oppositam vanis rumoribus, qui de hac ipsa re, opera & studio hæreticorum passim in vulgus sparsi sunt. Item,*

*Aduersus Agidij Hunnij calumnias. &*

*Defensionem Ecclesiastica libertatis cõtra Venetos.*

ADRIANVS ADRIANI, natione Belga, patria Antuerpiensis, vir valdè religiosus ac pius, qui Louanij antequam Societas haberet Collegium, nostrorum curam per multos annos administrauit, & sanctè vitam finiuit ipso Festo S. Luce, anno MDLXXXI. totius Academiae Louaniensis humeris elatus. Scripsit Flandricè,

*In orationem Dominicam, & libellum pium qui Mons spiritualis appellatur.*

Item tres tractatus omnibus Ecclesiasticis & secularibus perutiles, quorũ primus est *De vita actiua*, secundus *De bonis temporalibus*, & ipso corpore

mortali hominis, tertius *De operibus misericordie.*

Item libellum *De confessione.* &

*De inspiratione seu interna locutione Dei.* Qui duo Latinè, interprete G. Brunefio, Coloniae exierunt.

*De origine & progressu vite monastica.*

*De obedientia,* & quomodo subditus se gerere debeat erga Prælatum, & Prælatus erga subditum.

*De paupertate Evangelica.*

*De semel in anno, sæpiùs, & quotidie communicando,* & *de meritoria abstinentia à sacra communione.*

ADRIANVS BRVNVS natione Gallus, scripsit

*Relaxationem spiritus,* rythmis Gallicis in gratiam castæ poëseos studiosorum, & iuuentutis Catechismo informandæ.

ADRIANVS IUNGIVS natione Polonus, patria Plonscensis, florente adhuc ætate, anno salutis M. D. LXXII. mundo nuntium remisit, & nostræ se Societati addixit, in qua cum pietate sui que victoria egregiam eruditionem coniunxit. est enim helluo librorum, & in legendo scribendo que assiduus, & concionandi peritus artifex. Scripsit hæctenus,

*Artes & imposturas noui Euangelij Magistrorum.*

*Confutationem Epistolæ Ioannis Capij Pseudoministri,* primùm Lutherani, deinde Picarditæ seu Calviniani, ac demùm Anabaptistæ Samosatensiani, in qua potissimùm *De transubstantiatione panis & vini in Eucharistia sacramento & adoratione,* doctrina Catholica propugnatur, & vsus huius Sacramenti sub vna specie defenditur.

*Refutationem libelli aduersus Ministromachiam Stanislai Rescij,* à quodam Guiljelmo Oximensi scripti.

*Synopsis*

*Synopsis noui Euangelij*, seu doctrinam, de moribus, fructibus, characteribus, & horrendis atq; implacabilibus diffidiis Sectariorum huius temporis lib. 3. & hæc quidem Latine. Polonicè verò:

*Quinquaginta duarum questionum à Pseudoangelicis ministris in Polonia Iesuitis propositarum Analysis*, seu resolutionem in duas partes vel libros distinctam; in quorum priore centum quinquaginta sex luculenta illorum in eisdem questionibus mendacia, in posteriore antiquitas Catholicæ religionis demonstratur. Huic operi accessit *Refutatio libelli cuiusdam Calviniani aduersus sacras imagines*.

ADRIANVS DE WITTE, aliàs CANDIDVS, natione Belga, patria Antuerpiensis, vir non minus re quam nomine candidus, & cum aliis omnibus virtutibus ornatus, tum maximè morum suauitate amabilis. Scripsit,

Libellum qui inscribitur *Traiectus in calum*, seu, *Spiritale incundum monasteriolum*, quem P. Adrianus Adriani post mortem Auctoris euulgauit.

ÆGIDIUS GONZALEZ DAVILA, natione Hispanus, patria Toletanus, in opido Burojon natus est anno salutis M. D. XXXII. Eius mater cum Ægidium gestaret, visa sibi videre est ex vtero suo lucis radios erumpere, & circumquaque diffundi: quod cum marito retulisset, ille, qui insignis erat medicus & Astrologus, filium quem paritura erat, multorum filiorum patrem fore prædixit, idque rei probauit euentus. Adolescens enim imberbis adhuc, & decem atque octo dumtaxat annorum, cum literis nauaret operam Compluti, Societati se nostræ dedicauit, anno salutis M. D. LI. in qua vixit laudabiliter, vsque ad annum M. D. XCVI. ineunte, quo vix-

dum sexagesimum quartum ætatis ingressus, nostræ mortalitatis exuium Madriti reliquit xv. Ianuarij, non sine magno nostrorum atque alienorum dolore. Fuit enim vir, in quo nescias quid primùm admirere, ingeniumne, an morum suauitatem; eruditionem, an vitæ sanctimoniam; prudentiam in gubernando, an modestiam atque affabilitatem; asperitatem in se pœnitentiæ, an consuetudinis cū aliis iucunditatem. Sed cū ingenuis artibus omnibus excultus esset ÆGIDIVS, tum verò excellenti Antiquitatis obseruatione ac memoria pollebat. Religionum omnium sacrarum Regulas, Statuta, Constitutiones perlegerat, & habebat in promptu: Concilia omnia memoria tenebat: sacra summorū Pontificum Decreta ad vnguem nouerat: exquisitas ac minimè vulgares Patrum sententias cū paucis callebat, eorumque volumina diurna nocturnaq; manu versabat, si quando à grauioribus occupationibus esset otiosus. quod rarè ei contigit; nam vix à carceribus ad studiorum metam peruenerat, cū obedientiæ iussu coactus est studia intermittere, & gubernandi in se onus suscipere. In prouinciis enim Castellæ, Toleti, Baticæ atque Aragoniæ, tum Prouincialis tum Visitatoris munere functus est: Assistentis etiam apud P. Euerardum Mercurianū Præpositum Generalem: ad quod genus officij absens electus est ab vniuersa Cōgregatione generali, cū captus ÆGIDIVS ab hæreticis in Gallia teneretur, in quorum manus ac furorem Romam ad Congregationem generalē proficiscens inciderat, & tam grauius fuerat vulneratus, vt parum abesset ab extremo periculo. Atque vt paucis multa dicam, plurimum ÆGIDIJ religio, industria, doctrina, ac prudentia,

dentia, ad conseruationem atque propagationem contulit Societatis. Scripsit, sed non edidit,

*Præclaras In librum exercitiorum spiritualium B. P. nostri IGNATII Annotationes.*

*Item Explicationes nostrarum Regularum valde eruditæ & religiosas.*

*Instituti Societatis tum declarationem tum confirmationem.*

*Concilia generalia omnia exactè in Locos cõmunes redegit.*

ÆGIDIUS SCHONDONCHVS, natione Belga, patria Brugensis, Duacensi in Academia publicè professor, vertit studiorum Antuerpiæ præfectus,

*Sicam Tragicam soluta numeris oratione, ex Apologia P. Franc. Costeri aduersus calumnias Lugdunensium Batauorum in Societatem.*

Meditatur opus ingens, magnæque expectationis, *Admirandorum sæculi vnius.*

ALPHONSUS DEZA, natione Hispanus, patria Complutensis, Theologorum Scholasticorum nostro sæculo lumen: cum summa apud omnes esset expectatione, multaque excellentis ingenij in Academia Complutensi dedisset argumenta, spes omnes sæculi abrupit, & *herentis* (vt D. Hieronymi verbis utar) *in salo nauicula funem magis præcidit quàm soluit*, seque totum in securissimum Religionis portum intulit, nosterque factus est, anno salutis M. D. LVIII. Porro eadem in Complutensi Academia, viginti & eo ampliùs annos sacrâ Theologiam professus est: ac D. Thomam Aquinatem explanauit, tanto ingenio, iudicio, perspicuitate, argumentorum pondere, vt omnium sapientium sententia nulli Theologorum secundus videretur. Erat enim Diui



Thomæ sententiæ curiosus indagator, illustris interpres, acerrimus propugnator. Sed in ALPHONSO DEZA tam excellens eminebat Religio, tanta se efferebat atque omnes in partes effundebat virtus, vt in illo cum summo ingenio perfecta humilitas, cum perspicacissimo intellectu incensus certaret affectus; cum singulari doctrina admirabilis obedientia, & cum exquisita prudentia coniuncta esset sancta columbæ simplicitas. Denique cum illū omnes suspicerent, laudarent, in oculis ferrent; ipse solus se despiciebat, pro nihilo reputabat, omnium se pedibus subiiciebat. Quocirca & viuus tamquam doctrinæ & vitæ magister ab omnibus, etiam Magistris & Præceptoribus, habitus atque cultus est; & mortuus, ceu parens quidam deservit ab vniuersa Academia Complutensi anno salutis M. D. LXXXIX. quo vitam cum morte cōmutauit. Obiit xxiii. Ianuarij Toleti, cum Professæ domus nostræ gubernationem Præpositus sustineret, ac prudenter administraret, annum sexagesimum nondum ingressus. Quem in Catalogo nostrorum Scriptorum pono; quoniam, etsi eius scripta nondum exierunt in lucem, multos tamen reliquit discipulos & scriptores, qui campos suos ex illius fontibus irrigarunt; & ab ALPHONSO DEZA sapienter tradita, luculenter ipsi atque eleganter posteritati commendarunt. Extant ex DEZÆ Latina interpretatione Francisci Borgia Gandiæ Ducis pia opuscula.

ALPHONSVS MONTOYA, natione Hispanus, patria Ocaniensis, Diœcesis Toletanæ, annos natus viginti, Compluti Societatem nostram experit, & admissus est xiv. mēsis Maij, anno salutis M. D. LVI. Qui postquam ad nostri instituti normam fuit eruditus,

ditus, & omnibus disciplinis Theologo dignis ex-  
 politus, Burgis Logicam Philosophiamque Aristot-  
 telis professus est. Vir fuit per omnia moderatus at-  
 que excellenter doctus, sed in ea potissimum Theo-  
 logiæ parte, quæ in consultatione de moribus, &  
 cōscientiæ quæstionibus extricandis versatur, quam  
 & Murciae & Madriti cum laude docuit. Qui post-  
 quam Collegiorum Placentini & Complutensis  
 Rectoris munus obierat, Præpositus prouinciæ Ca-  
 stellæ factus Vice-prouincialis, in Collegio Sal-  
 manticensi sanctè animam Deo reddidit, anno sa-  
 lutis M. D. XC. ætatis verò 54. Reliquit,

*De votis Societatis insignem tractatum, in quo &*  
*Religiosorum votorum naturam enucleatè aperit,*  
*& contraria argumenta acutè refellit.*

ALPHONSVS PISANVS, natione Hispanus, patria  
 Toletanus, Philosophicis disciplinis excultus, ac  
 Medicinæ sciens, nostram complexus est Societa-  
 tem. Postea verò Romam anno salutis M. D. LIII.  
 venit, vbi Aristotelem præclare est interpretatus:  
 inde in Germaniam missus, in Ingolstadiensi ac Di-  
 lingenfi Academiis sacram Theologiam docuit; &  
 in Poloniam profectus est, vbi strenuam operam  
 Catholicæ Ecclesiæ nauans, aduersus nouatores he-  
 reticos, illam labefactare conantes, scripsit,

*Acta & Canones sacrosancti primi Oecumenici Con-*  
*cilij Nicani, appositis sanctorum Patrum testimo-*  
*niis, ad eorundem Canonum commendationem*  
*& interpretationem pertinentibus; addita etiam re-*  
*sponsione ad Capita Humonis Chies.*

Scripsit præterea *De continentia ac calibatu Apo-*  
*stolico, de Ieiunio* etiam; varios item atque eruditos  
*Tractatus de quæstionibus fidei controuersis, quos ex*

ſuis lectionibus collegit, & tamquam Theſes quafdam auditoribus diſputandas propoſuit.

Tandem legendi ſcribendique laboribus confectus, in ſenectute bona tranſlatus eſt ad meliorem vitam, anno ſalutis M. D. XCVII.

ALPHONSVS SALMERON, natione Hiſpanus, patria Toletanus, à puero ad extremam ſenectutē omnem in litteris ætatem conſumpſit. In Complutenſi Academia paruulus Latinam Græcamque linguas exactè didicit: inde in Academiam Pariſienſem profectus, Philoſophicas ac Theologicas diſciplinas diligenter excoluit; omniumq; Sociorum natu minimus, ſeſe ad B. P. noſtrum IGNATIVM ſocium adiunxit. Poſtea verò etate iam confirmatus, ac rerum cognitione auctus, vitæ ſuæ curſum feliciffimè tenuit. Maximas atque celeberrimas totius Italiae ciuitates cōcionibus ac ſacris lectionibus illuſtrauit; plurimas ac laborioſas peregrinationes Dei cauſa ſuſcepit. In ſuperiorem & inferiorem Germaniam, in Poloniam item, & Galliam, à ſummis Pontificibus miſſus eſt: in Hibernia etiam Nunciij Apoſtolicī munere functus. Synodo Tridentinae ſub Paulo III. ſub Iulio item III. ac ſub Pio IIII. ſedis Apoſtolicæ nomine interfuit, in qua & *Orationem* habuit *de ſancto Ioanne Euangelifta* pereruditam, & vt illorum Pontificum Theologus, maxima cum eruditionis opinione, & audiētium admiratione, ſententias dixit. Hæreticorum perpetuus hoſtis, quos diſputationibus, lectionibus, ac ſcriptis ſemper exagitauiſt ac fregit; Catholicæ fidei vbique propugnator acerrimus. Poſtremò, cū viribus exhaustus voce nō poſſet, ſtylo Dei Eccleſiæ prodeſſe non deſtitit, ſeſeque totum ad ſcribendum contulit; Collegium-

legiumque Neapolitanum ad eam rem elegit, quod ipse fundauerat, auxerat, ornauerat; & nobilissimam ciuitatem Neapolitanam, scintillis errorum sensim hæreticorum fraude excitatis, eiusque opera oppressis atque extinctis, imminentis pestis calamitate ac periculo liberauerat, illamque Societatis Prouinciam primus Præpositus Prouincialis administrauerat. Obiit Neapoli sapientissimus Pater, magno totius ciuitatis mœrore, Idib. Februarij, anno à Christo nato M. D. XCV. Vixit annos LXIX. menses quinque, dies quinque, ut in eius vita diximus: quã breuiter perstrinximus, & cum vita P. Iacobi Laynez secundi Præpositi Generalis coniunximus, Latinamque fecit And. Schottus. Scripsit,

*In Euangelia Tomos undecim, quorũ diuisio est:*

*Prolegomenon in uniuersam Scripturam. Tom. 1.*

*De incarnatione Verbi. Tom. 1.*

*De infantia & pueritia Christi. Tom. 1.*

*De Historia Euangelica. Tom. 1.*

*De sermone Domini in monte. Tom. 1.*

*De Christi miraculis. Tom. 1.*

*De Parabolis. Tom. 1.*

*De disputationibus Domini. Tom. 1.*

*De Sacrosancta Eucharistia & sermone Domini in cena. Tom. 1.*

*De Passione & morte Domini. Tom. 1.*

*De Resurrectione & Ascensione Domini. Tom. 1.*

*Item Commentariorum in Acta Apostolorum. Tom. 1.*

*Prolegomenon in Epistolas Pauli, & Commentariorum in Epistolam ad Rom. Tom. 1.*

*In utramque Epistolam ad Corinth. & in Epist. ad Galatas, Ephes. Philipp. Coloss. Thessal. Tom. 1.*

*In utramque Epistolam ad Timotheum, ad Titum, & Philemonem, & in Epist. ad Hebræos. Tom. I.*

*In septem Epistolas Canonicas. Tom. I.*

*Præterea Præudia in Apocalypsim.*

*Epistolas ad diuersos multas & varias.*

Hæc omnia in XVI. Tomos distributa typis mandata sunt Mantuæ Carpetanorum, prælo Ludouici Sanchez, finisque impositus anno salutis M. DC. II. & Coloniae typis Gymnici M. DC. IIII.

Præter hæc scripsit P. Alphonfus Salmeron *in Decem priora capita lib. Geneseos*, & multa alia controuersa contra hæreticos, sed præcipuè *De Indulgentiis, & De Purgatorio.* quæ tamen in lucem nondum prodierunt.

ALEXANDER VALIGNANVS, natione Italus, patria Teramnensis, insigni corporis proceritate, ætate florens, Iurisprudentiæ scientia instructus, Cardinalis Altemps Auditor, Societatem nostram expetiuit Romæ, anno salutis M. D. LXVI. in eamque à P. Francisco Borgia Præposito Generali (me præsentente) magnis precibus se admitti postulauit. Admissus est, probatus, & ad nostrum institutum conformatus, ac Theologicis litteris excultus, anno nostræ salutis M. D. LXXIII. à P. Euerardo Mercuriano (qui in generalatu P. Francisco Borgiæ successerat) in orientis solis Indiam missus est, ut Visitatoris munus in remotissimis illis Prouinciis obiret: ubi in hunc vsque diem perseuerat, magna nostrorum utilitate, populorum admiratione ac fructu, & Christianæ fidei propagatione. Perlustrauit namque Iaponenses Insulas, Chinam attingit; & totum illum longissimæ nauigationis tractum, qui inter Goam & Malacam interiacer, & Visitator & Præpositus

positus Prouincialis sæpenumerò peragrauit. Scripsit hæcenus,

*Præclaros Commentarios ad Iaponios, ceterasque India nationes Christianæ fidei mysteriis imbuendas.*

*Item Apologiam pro Societate IESV.*

ANDREAS EVDÆMO IOANNIS, natione Græcus, patria Cydonius, Romæ Philosophiam publicè professus est, linguę vtriusq; iuxta peritus, ac Theologus egregius, summa & ingenij acrimonia & iudicij præstantia præditus, edidit,

*Castigationem Lamberti Danei, Caluiniani Ministri, pro Bellarmini Card. Controuersis.*

ANDREAS FRVSIYS, natione Gallus, patria Parisiensis, cum matura iam esset ætate, atque encyclopædiam siue omnium disciplinarum orbem absoluisset, Romæ anno salutis M. D. XLI. Societatem nostram amplexus est. Vir fuit non minùs vitę probitate, quàm doctrinæ laude spectatissimus, Latinæ, Græcæ, atque Hebraicæ linguæ peritissimus, Medicinæ, Iurisprudentiæ, Theologiæ cognitione insignis, Mathematicis scientiis instructus, præstans Musicus, præclarus Orator, Poëta summus: Versus ex tempore fundebat elegantes, doctos ac peracutos, de quocumque proposito argumento; multaq; succisuis horis, velut aliud agens, oratione astricta numeris composuit, in quibus maximum elucet ingenium, & mira eruditio. In iis *Echo* est benè proluxa, ac supra mille versuum, *De Ecclesiæ calamitatibus* admiranda. Edidit,

*Theses collectas ex interpretatione libri Genesios, quem Romæ exposuit in Collegio Societatis IESV.*

*Affertiones item Theologicas tum ad primam partem*

tem

tem D. Thomæ Aquinatis spectantes, tum verò ad omnes libros veteris ac noui Testamenti.

Prodierunt etiam in lucem, arguta & docta eius in Hæreticos *Epigrammata*, typis excusa Coloniae apud Godofridum Campensem anno salutis M. D. LXXXI I. & apud Ioach. Trognesium Antuerpiæ.

*De copia item verborum & rerum* versibus scripsit, tacito tamen nomine. Multa ex Græca lingua in Latinam transtulit. Poëtas nonnullos Ethnicos lasciuos, in his Martiale repurgauit, vt legi ab adolescentibus sine noxa possint. Multorum collegiorum Rector fuit, denique anno salutis M. D. LVI. è carnis mortalis ergastulo ad cælestem patriam commigrauit, Romæ.

ANDREAS SCHOTTYS, natione Belga, domo Antuerpia, natus anno salutis M. D. LIII. ætatis xxxii. sacris iam Cæsaraugustæ initiatus, decursisque studiorum spatiis, Artium magister, & iustratis Academiis, Louaniensi, Parisiensi, Complutensi, ac Salamantina, Societati nostræ adscribi, quò Deo militaret, sponte postulauit, voti reus pro salute patriæ concepti; ingressusque postridie Non. Aprilis, ipso Paschatis festo, quod transitum Hebræis significat, anno Verbi incarnati M. D. LXXXVI. ex ædibus Antonij Augustini Archiepiscopi Tarraconensis, qui insequenti mense extremo vita decedens, in beatorum sedes commigrauit. SCHOTTYS iam Toleti triennio Græcas litteras professus erat, hinc Cæsaraugustam honoris gratia euocatur, postea Tarraconem: tirocinium, sæculo valere iussu, posuit Cæsaraugustæ, ac Valentia Edetanorum sacra studia tractauit, docuitque Socios Gandiæ ac Romæ triennium post Franc. Bencium. Scripsit hæctenus,

Com-

*Commentarium in Auctorem de Viris illustribus  
urbis Roma.*

*Notas in Aurelium Victorem, à se erutum, eiusq;  
Epitomen.*

*In Corn. Nepotem, seu Aemilium Probum De  
Gracia Imperatoribus.*

*In Pomponium Melam De situ orbis.*

*Procli Chrestomathiam de Poëtica, è Græco Lati-  
nam fecit, ac Scholiis illustravit.*

*Photij item Constantinopolitani Bibliothecam La-  
tinè reddidit.*

*Vitas comparatas Aristotelis ac Demosthenis, per  
Olympiadas ac Prætores conscripsit.*

*Vitam item Jacobi Laynez, ac Franc. Borgia, Ge-  
neralium Societatis Præpositorum, ex Hispanicis  
P. Ribadeneire Latinè dedit.*

*Laudationem funebrem in obitum Ant. Augu-  
stini v. c. l.*

*Notas item vberiores in Seneca Rhetoris Suaso-  
rias & Controuersias, expletis Græcis lacunis.*

Plurima Græcè Latineque è tenebris eruit, aliâ-  
que meditatur, dum viuit valetque.

ANDREAS VALLADERIVS, natione Gallus, pa-  
tria Parisiensis, Latinè reddidit *Expostulationem  
Apologeticam Lud. Richeomi, ad Henricum IIII.  
Regem Gallia, pro Societate, contra famosos libel-  
los inscriptos Ingenua & vera oratio, & Catechismus  
Iesuitarum.*

ANNIBAL CODRETTVS, natione Allobrox, siue  
Sabaudus, anno, ni fallor, salutis M. D. XLVI. Pa-  
tauij (vbi ego illum docentem cognoui) dum arti  
Medicinæ operam daret, Societati se nostræ addi-  
xit: postea humaniores litteras (quarum cognitione  
excel-



excelluit) multis in Collegiis nostris laudabiliter docuit: Prouincialis præterea Aquitaniæ Prouinciæ factus, multum laboris atq; operæ posuit in tuenda conseruandaq; Catholica religione. Scripsit

*Grammaticas institutiones: & ætate in senectutem præcipitata, obiit in Domino.*

ANNIBAL FIRMANVS, natione Italus, patria Fanensis, vir iam maturus institutum nostrum secutus est: & quamuis aduersa valetudine semper conflatus, aliquorum Collegiorum tamen Rector fuit; & scripsit Italicè,

*De iucunditate anime opus elegans, & alterum ad Vrbinatem Ducem, De vera animi magnitudine.*

ANTONIVS D'AUEROVLT, natione Belga, agri Atrebatensis, sacris iam initiatus, decursisque studiorum spatiis, Societati aggregari exoptauit: voti que compos, scripsit Gallicè primùm,

*Catechismum historicum, seu, vt ipse vocat, Flores exemplorum Christianæ doctrinæ accommodatos, ex S S. Patribus, Ecclesiasticaque historia, Tomis II. Duaci & Parisiis editos; meditaturq; nunc Latinè euulgare.*

ANTONIVS FOLCARIVS, ex oppido Sancti Spiritus, quod est in Comitatu Niceæ, prope Prouinciam. Scripsit Italicè,

*Vitam Sereniss. Eleonore Archiducissæ Austriae, Ducissæ Mantuæ.*

ANTONIVS MARIA PARENTVCELLVS, natione Italus, patria Sarzanensis, adolescens Christum nostra in Societate secutus est: ac postquam bonarum artium cognitione pectus compleuit, ter curriculum Philosophicum docendo confecit, magna nominis celebritate, mortuus est Romæ anno ata-

tis

tis supra quadragesimum. Reliquit in *Aristotelem* *Commentaria*, quæ ab eruditis valdè probantur.

ANTONIUS POSSEVINVS, natione Italus, patria Mantuanus, ætate maturus, & humanioribus litteris perpolitus, omnibus spretis emolumentis (quæ propter egregium ingenium, linguarum cognitionem, atque hominis industriam, & multa illi & magna proponebantur) Societatem nostram complexus est anno salutis M. D. LX. Postea varias prouincias & regiones perlustrauit, multas ac periculosas peregrinationes Religionis causa suscepit: in Galliis permultum hæreticis grassantibus restitit: in Sueciam, Poloniam, Moscouiam, à summis Pontificibus missus est, magnisque laboribus, magna & difficilia cum summis Principibus negotia Sedis Apostolicæ nomine transegit. Scripsit hætenus,

*Bibliothecam selectam* de ratione studiorum, ad omnes disciplinas, & ad salutem cunctarum gentium procurandam, xvii. libris comprehensam.

*Apparatum sacrum*: in quo de scriptoribus, interpretibus, ac versionibus veteris & noui Testamenti, de Synodis item ac Patribus Græcis ac Latinis agit: & multiplicem variamque eruditionem Ecclesiasticam persequitur.

*Notas diuini Verbi & Apostolica Ecclesia, fidei ac faciei*, aduersus responsum cuiusdam Dauidis Chytræi.

*Commentarios Moscouia.*

*De atheismis hæreticorum huius sæculi.*

*Indicium de quattuor Scriptoribus, scilicet, de Philippo Nua, Ioanne Bodino, Philippo Mornæo, & Nicolao Machianello.*

*Theologiam Catechetica* ad domesticos fidei instituen-

stituendos, vbi de pueris, & eorum scholis, ac Carichismum tradendi ratione agitur.

*Epistolam ad Stephanum Battorum, Poloniae Regem, aduersus Andream Volanum Lituannum, haeticum.*

*Epistolam de rebus Sueticis, Liuonicis, Mosconiticis, Polonicis, Transiluanicis.*

*Orationem habitam in funere Leonora Austriae, Mantuae Ducis.*

*Vitam & mortem Ludonici Gonzage, Ducis Nijuernensis.*

*Sermonem habitum in Prouinciali Synodo Aquilegiensi. Et haec quidem Latine. Italicè verò,*

*De sanctissimo sacrificio Missae, à tempore Apostolorum celebrato, & ad consummationem seculi celebrando, & defensionem eiusdem libelli contra Petrum Viretum, & tres alios haeticos.*

*Responsonem Regi Septemtrionali, qui in fide Catholica instrui voluit.*

*Militem Christianum.*

*Explicationem breuem Euangeliorum totius anni, sub nomine Nicolai Galerij, Coloniae Latine, & Brixiae Italicè excusam.*

ANTONIUS RVBEVS, natione Hispanus, patria Rodensis, adolescens, vnum & viginti annos natus, in Complutensi Academia ex turbulentis huius seculi fluctibus in nostrae Societatis portum appulsus est, anno salutis M. D. LXIX. Magnum hic acuti ingenij solidique iudicij specimen in studiis praebuit, atque eximios in litteris Philosophicis ac Theologicis processus fecit. Ex quo in Indiam occidentis Solis profectus, in Mexicana ciuitate (quae totius prouinciae nouae Hispaniae Metropolis & caput est)

Philo-

Philosophicas disciplinas docuit primùm, deinde sacram D. Thomę Theologiam vndecim annos doctè est interpretatus. Denique in Hispaniam reuersus, edidit in *Aristotelis Logicam Commentarios*, & in *libros Physicorum*, qui quidem hactenus exierunt in lucem: alios parat in reliquos Aristotelis Philosophicos libros.

ANTONIUS TORRES, siue TORRENSIS, natione Hispanus, patria ex oppido Gumiel, Burgensis Diœcesis, annum agens vicesimum secundum, est admissus in Societatem: in qua Philosophicas & Theologicas scientias didicit, & humanas feliciter docuit. Fuit vir præstanti virtute, & vite asperitate insignis. Humi super asserem diu cubuit: cilicinam vestem, ad populum verba facturus, induebat; animarum zelo ardens, homines rudes atque agrestes libentissimè erudiebat; ac bonis operibus plenus, Palentię decessit, anno salutis M. D. XCVI. ætatis verò LXII. Scripsit,

Tractatum admodum pium *De institutione Christiani hominis*, in quinque libros distributum.

ANTONIUS VELLESIUS, natione Lusitanus, Eborę studiorum Societatis Præfectus, eruditum euulgauit in *Emanuelis Aluari Grammaticam Commentarium*, exemplisque è probis auctoribus illustrauit.

ARNOLDVS SOPHORIVS, natione Gallus, patria Bearnensis, in Collegio Parisiensi sacre Theologię Professor fuit, vir insigniter doctus. Scripsit,

Opus accuratum *De locis noui Testamenti* ab hæreticis nostri temporis corruptis, sed quod, morte præuentus, euulgare non potuit.

## B.

**B**ALTHASAR ETZELIVS, natione Germanus, patria Bremensis; Societati pridem adscriptus, in Archiepiscopali Moguntino Collegio Linguae sanctae Professor, edidit *Florilegia*, seu Eclogas & Excerpta *Homiliarum xxxiii*. ex Homiliis partim editis, partim non editis, & ex Commentariis *Beati Ioannis Chrysostomi* Archiepisc. Constantinopolitani, Graeca ac Latina interpretatione adiecta. *Sermones* sunt sententiaeque selectae concionibus sane perutiles; quando SS. Patrum antiquorum dicta recentiorum operibus longè antecellunt.

BALTHASAR OSTHOVIMVS, natione Bohemus, vir fuit magni consilij animique, rerum Bohemicarum callentissimus, salutis patrie hominumque cupidissimus, laborum patientissimus. Vertit sua lingua,

Aureum libellum *Vincentij Lirinensis contra phanas novitates*.

*Dialogos S. Gregorij Magni*.

Librum item *De imitatione Christi*, siue *De contemptu mundi*.

*Epistolas Indicas* nostrorum Patrum.

Scriptit etiam librum *De institutione Christiana*, siue *De exhortatione ad virtutem*; sed qui haecenus lucem nondum aspexerit.

BARTHOLOMÆVS BRAVVS, natione Hispanus, patria ex oppido Martin Muñoz, Diocesis Abulensis, decem & octo annos natus, in numerum nostrorum adscriptus est: vir ad humaniores litteras docendas, & pietate pueros informandos, aptissimus. Scripsit haecenus,

De

*De conscribendis epistolis.*

*De arte Rhetorica.*

*De Syntaxi.*

*De Prosodia.*

*Progymnasmata.*

*Thesaurum Ciceronis.*

*Varia Poëmata.*

Singulari modestia, diligentia, ac dexteritate, Prouinciæ Castellæ seminario præst; & nostris erudiendis, & bonis litteris excolendis, vtilem nauat operã.

BARTHOLOMÆVS RICCIVS, natione Italus, patria Castrocardenensis, qui & Rector aliquot Collegiorum, & Prouincialis Præpositus prouinciæ Siculæ fuit. Italico idiomate scripsit,

*Instructiones* ( sic enim vocat ) *meditandi*, tres in partes distributas.

*Triumphum Iesu Christi crucifixi*, cum Iconibus Martyrum omnium, qui post Christum in crucem acti sunt, æri insculptis ab Adriano Collart Antuerpiæ.

BENEDICTVS HERBESTVS, natione Roxolanus, patria Leopoltanus, ætate maturus, & quadragesimum agens annum, noster Romæ factus est anno salutis M. D. LXXI. Fuit vir ad eò vitæ integritate suspiciendus, vt suo exemplo Principem quamdam feminam & Palatinam hereticam ad fidem Catholicam conuerterit, & oculos in se omnium animosq; pellexerit. In missionibus magnam vitæ partem, Verbum Dei disseminando, confessiones peccatorum audiendo, maximo cum fructu consumpsit. Scripsit olim,

*Institutiones scholæ Cracouiensis*, apud B. Virgineam Cracouię.

C 2

*Expli-*

*Explicationes Orationis M. Tully Ciceronis ad Quirites post reditum.*

*Explicationem selectarum Ciceronis Epistolarum.*

*Vitam Ciceronis, ex eiusdem scriptis collectam.*

*Periodicam disputationem natam ex Sophismate, à Magistro quodam Academia Cracouiensis propositam, an Grammatici periodos, membra, & incisa, sententia & Syntaxi distinguant, Oratores autem multitudine pedum ac numero?*

*De eadem quaestione libellum inscriptum *Aequus Iudex*, Dialogi forma.*

*Periodicas responsiones lib. v.*

*Computum Ecclesiasticum lib. duobus ante emendationem Calendarij Gregoriani editum.*

*Arithmeticam linearum.*

*Precationes Latino-Polonicas.*

*Orationem Synodicam in Synodo Diocesana Postnauię habitam.*

*Explicationem Eclogę Gregorij Samboritani.*

*Epistolas aliquot, quibus suum quemdam amicum in Ecclesiam Romanam iniquum, eidem Ecclesię restituit.*

*De Iubileo Epistolam Latinam.*

*Librum De Doctrina Christiana, per Dialogum.*

*Confutationem confessionis fratrum hereticorum, qui Valdenses seu Picarditę dicuntur.*

*Ceremoniarum Baptismi & Rosarij Beatiss. Marię Virginis expositionem.*

*Prodromum aduersus scriptum Iacobi Niemoreici, Sacramentarij Picarditę, quod edidit contra confutationem confessionis Picarditę, Polonicę.*

*Horarum Canonicarum Rationarium.*

*Gręci schismatis demonstrationem Chronologicam, Polonicę.*

*Epito-*

*Epitomen Computus Ecclesiastici*, cum quibusdam Grammaticæ Rudimentis. Sed BENEDICTVS HERBESTVS, exactis feliciter sancteque in nostra Societate XXII. annis, anno salutis M. D. XCIII. flexis humi genibus, mortuus repertus est.

BENEDICTVS PEREYRA, natione Hispanus, patria Valentinus, vix adolescentiam ingressus, animum appulit ad Societatem, & Valentie ad numerum nostrorum aggregatus est, anno salutis M. D. LII. Inde in Siciliam, mox Romam missus, in omni scientiarum genere diligenter se exercuit, eximiamque eruditionem consecutus est. Dicendi artem Romæ publicè docuit, Philosophiam Aristotelis enarravit, & quatuor penè Artium curricula docendo confecit, magna auditorum frequentia atque applausu. Ab humanis deinde ac Philosophicis disciplinis, ad diuinas & Theologicas gradum fecit. D. Thomam per multos annos interpretatus est, sacras Litteras explanavit; ubique doctus, ubique disertus, sui que simillimus. Scripsit hæcenus,

*Physicorum seu De principiis rerum naturalium* libros xv.

*Commentariorum in Danielelem Prophetam* lib. xvi.

*Commentariorum in Genesim* Tom. iv.

*De benedictionibus Patriarcharum* lib. i.

*Selectarum disputationum in sacram Scripturam* Tom. i. in quo cxxxviii. disputationes super librum Exodi explicantur.

*Selectarum disputationum in sacram Scripturam* Tom. ii. in quo cxxviii. disputationes super Epist. D. Pauli ad Romanos enodantur.

*Selectarum disputationum in sacram Scripturam* Tom. iii. in quo cxxciii. disputationes super



libro Apocalypsis Beati Ioannis Apostoli.

*Aduersus fallaces & superstiosas artes, id est, de  
Magia, de obseruatione somniorum, & de diuinatione  
Astrologica lib. III.*

In huius scriptis tantum apparet ingenium, tanta doctrina atque eloquentia, tanta rerum omnium comprehensio, vt superuacaneum sit lucernam solis lumini inferre.

BERNARDINVS REALINVS, natione Italus, patria Carpenfis, claruit adolescens Bononię bonarum litterarum tractatione, vbi & *Commentarium dedit in Epithalamium Pelei & Thetidis Catullianum.*

*Item Annotationum in varios auctores siluam.*

Pòst natu grandior Societati nostrę adscriptus, in Neapolitani regni vinea gnauiter pieque laborauit.

BERNARDINVS ROSSIGNOLIYS, natione Italus, Patria Ulmetanus, Diocesis Albensis in Subalpinis Italię; à teneris annis virtutem amauit, seque in Societatem dedit, in quo animum omnibus religiosę disciplinę exercitationibus excoluit, & scientiarum naturalium ac diuinarum cognitione ornauit. Postea ob singularem modestiam, maturiorisq; significationem prudentię, variis est Collegiis Præfectus, ac demum Prouinciis Romanę, Venetę, & Mediolanensi Prouincialis Prępositus: quod munus grauitur religiosęque obiuit. Scripsit,

*De disciplina Christiana perfectionis, pro triplici hominum statu, Incipientium, Proficientium, & Perfectorum, ex sanctis Scripturis & Patribus libros v. valdè eruditos, & ad instituendos potissimum viros Religiosos perutiles.*

*Item alterum Tomum De actionibus virtutum.*

BERNARDINVS STEPHONIVS, natione Italus,  
Romę

Romæ Poëticam & Eloquentiam annos plurimos professus, composuit *Crispam Tragædiam*, quæ ter Romæ exhibita cum applausu mirè placuit.

BLASIVS VIEGAS, natione Lusitanus, patria Eborensis, in Societatem nostram puer xv. annorum admissus est Eboræ, mense Martio, anno salutis M. D. LXIX. qui cum omnibus ingenuis artibus expolitus, tum Latine Græceque potissimum eruditus, humaniores litteras multos annos professus est. Deinde postquam in Academia Eborensi, magna cum excellentis ingenij, acris iudicij, atque exquisitæ doctrinæ opinione Sacras litteras explicasset, præclaros scripsit *Commentarios exegeticos in Apocalypsim Ioannis Apostoli*, qui viris eruditis valde probantur, & Concionatorum manibus teruntur. Cum autem lucubrationes etiam suas in Prophetas pararet, morte impeditus est. Obiit xxii. Augusti, anno salutis M. D. XCIX. magno sui relicto desiderio. Erat enim vir non ingenio tantum magno, facili, prompto, atque ad omnia parato, sed etiam placido, affabili, & benigno.

## C.

CAROLVS SAGERIVS, natione Gallus, primus Rector fuit nostri Burdegalësis Collegij. Scripsit doctos atque elegantes *in Epist. D. Pauli ad Ephesios Commentarios*. Scripsit etiam *de Institutione Sodalitatis, siue, (vt vocant) confraternitatis sanctissimi & venerabilis Sacramenti*.

CAROLVS SCRIBANIUS, natione Belga, patria Bruxellensis, maioribus tamen, quod nomen indicat, Italis Placentinis. Vixit in Societate annos vi-

ginti septem; Rector Collegij Antuerpiani, Philosophus ac Theologus. In humanioribus litteris quid possit, docet.

*Amphitheatrum honoris, aduersus Caluinistarum criminationes libris IV.*

*Ars mentiendi Caluinistica, nomine Romani Veronensis edita.*

*Et in Dominici Baudei Gnomas Commentarius.*

Hæc scripturum illius quædã anteludia; plura cum bono Deo, quã in Theologia, quã in humanitate sequens ostendet ætas.

CHRISTIANVS HALVERIVS, natione Germanus, patria Haluerensis, Romæ Societatem complexus est, anno salutis M. D. LVIII. in qua religiosè vixit, ac piè mortuus est Fuldæ, anno M. D. LXXXI. x. Ianuarij. Scripsit,

*Disputationes de fide Theologica, eiusque origine, ac certissima forma.*

*De vnus Ecclesie sanctæ Catholicæ & Apostolicæ origine, & numquam interrupto progressu.*

*De Domini nostri Iesu Christi morte, sepultura, resurrectione.*

CHRISTOPHORVS BROUVERIVS, natione Belgæ, patria Arnhemensis, anno salutis M. D. XXX. XI. Martij in Societatem nostram Coloniae admissus est, iuuentutem politioribus litteris expoliuit, Philosophiam etiam Treueris feliciter professus est. Antiquitatis Ecclesiasticæ tum profanæ eruendæ studiosus & felix; quo nomine à Card. Baronio Tomo Annalium Ecclesiast. x. mirificè aliquoties laudatur. Collegit magno labore ac studio, peragrata prouincia Treuerensi, excussisque omnibus archiuis,

*Anti-*

*Antiquitates Annalium Treuerensium, & Episcoporum Treuerensis Ecclesie suffraganeorum, ut Metensium, Tullensium, & Verdunensium.*

Euulgauit *Venantium Fortunatum*, à se Notis illustratum, ac nouis Tractatibus auctum. Rector fuit Collegij Fuldenfis.

CHRISTOPHORVS CASTRIVS, natione Hispanus, patria Ocaniensis, Diocesis Toletane, natus est anno salutis M. D. L. I. atque à puero Societatem nostram adamans, eam complexus est, Compluti Latinis ac Philosophicis imbutus litteris, anno M. D. LIX. Vir est bonarum artium litteris eruditus, in quibus dies noctesque indefesso versatur studio, Toletani Collegij Rector. Scripsit haftenus,

*Deipara Virginis Historiam*, cum auctoritatibus SS. Patrum, Latinè & Hispanicè.

*Commentarios in Ieremiam Prophetam.*

Sunt & in manibus, sed nondum limati, *Commentarij in Prophetas minores.*

CHRISTOPHORVS CLAVIVS, natione Germanus, patria Bambergensis, à prima adolescentia filius Societatis, cum alias scientias imbibit, tum verò Mathematicas avidissimè ac studiosissimè didicit, & magna cum laude Romæ professus est; tantumque felicitate ingenij atque labore assiduo profecit, vt non cum recentioribus tantum Mathematicis, sed etiam cum antiquissimis illis & peritissimis sit comparandus; quemadmodum præclara, quæ haftenus scripsit, monumenta aperte testantur. Ex quibus quæ ad manus meas peruenerunt, hæc sunt:

*In vniuersum Euclidem.*

*In Sphæram Ioannis de Sacrobosco.*

*Geometrica Practica.*

*Gnomices libri VIII.*

*De Horologiis.*

*Astrolabium.*

*Cursus Mathematicus.*

*Apologia Kalendarij Gregoriani.*

*Theodosij Spherica.*

*Castigatio Castigationis Iosephi Scaligeri, qua Kalendarium Gregorianum labefactare tentauit.*

*De Arithmetica Practica.*

*De finibus, & de lineis tangentibus.*

*Computus Ecclesiasticus.*

*Epitome de Horologiis.*

Quæ eius opera adeo probantur viris Mathematicarum disciplinarum scientia præstantibus, ut alij CLAVIVM nostri sæculi EVCLIDEM nuncupent; alij verò malle se à CLAVIO vituperari, quàm ab aliis laudari scribant.

CHRISTOPHORVS MADRIDIVS, natione Hispanus, patria ex oppido Daimiel Tolet. diœcesis, peractis Compluti Philosophiæ ac Theologiæ studiis, Romam anno salutis M. D. XL. profectus est, vbi apud Ioannem Dominicum de Cupis, sacri Collegij Cardinalium Decanum, Theologi officio per diu functus, cognita tandem atque reiecta mundi vanitate, sese B. Patris nostri IGNATII permisit potestati, eiusque consilio Societatem nostram amplexus est. Deinde apud P. Iacobum Laynem secundum Præpositum Generalem Assistens fuit, Romanam Professorum domum per multos annos gubernavit. Erat autem vir grauis ac prudens, eiusque consilium magni faciebat B. P. IGNATIVS. Scripsit perutilem ac doctum libellum *De frequenti vsu Eucharistia,*

*ristia*, aduersus eos, qui rem sanctissimam atq; ipsa experientia vtilissimam fucatis & adumbratis rationibus oppugnant. quamquam iam inter Catholicos, qui oppugnent, pauci sunt. res enim ipsa clamat. Ante quinquaginta verò annos, quo tempore CHRISTOPHORVS scripsit, re, vt videbatur, noua ac minùs comperta, erant permulti quibuscum decertandum fuit. Cessit è vita Romæ sexagenario maior, anno salutis M. D. LXXIII.

CHRISTOPHORVS ROSEMBVSCO, natione Germanus, varios *Tractatus cõtra hereticos*, in his contra Lucam Oslandrum, Germanicè scripsit; atq; ex Italico vertit *Itinerarium Principum Iaponiorum*, & multas *Epistolas Iaponicas*.

CHRISTOPHORVS A SACROBOSCO, natione Hibernus, Philosophiam in Italia, Sacrasque litteras Patauij cùm explanasset, in Britanniam Catholicos iuuãdi studio profectus, vincula & carceres passus, cum pestilentis cathedræ ministris sæpè disputans; liber à vinculis edidit in Belgio Antuerpiæ

*Defensionem Decreti Tridentini, & sententiæ Bellarmini de auctoritate Vulgatæ editionis.*

Item, *De inuestiganda vera Ecclesia.*

CHRISTOPHORVS STEPHETIVS *Orationem funebrem* à se habitam edi permisit.

CLAVDIVS A QVAVIVA, natione Italus, patria Neapolitanus, filius Ducis Atrij, in ipso ætatis flore xxv. annos natus, cùm politioribus iam tum litteris esset excultus, & sanctorum Patrum lectione instructus, & Pio QVINTO Pontifici Maximo à cubiculis, atque gratissimus, res suas seculum habere iussit; & omnia illius ornamenta, opes, dignitates, (quæ propter summam CLAVDII nobilitatem, modestiam,

destiam, ingenium, & principis gratiam, ipsi non dubia spe proponebantur) tamquam stercus arbitratus, nudus ad CHRISTI nudi Crucē confugit, & nostris addictus est Romę anno salutis M. D. LXVII. vicesima secunda Iulij, in ipsis feriis B. Magdalene. Deinde positis Religionis rudimentis, & grauioribus studiis confectis, tantus in CLAVDIO enituit virtutis splendor, tanta grauitas morum atque suauitas, tanta prudentia, vt Prouincia ipsi Neapolitana primū gubernanda demādaretur, postea etiam Romana. Quam Prouinciam dum optimē administrat, in Comitibus, quę habita sunt Romę anno Domini M. D. XXXI. magna electorum consensione, in locum P. Euerardi Mercuriani Prepositi Generalis quarti vitę functi suffectus est XIX. Februarij. Neque animos nostrorum Patrum, quo minū CLAVDIUM eligerent, retardauit aut illius ætas (nondum enim quadragesimum annum attigerat) aut Religionis temporis breuitas, vt Patribus & canicie & Religioso seruo venerandis ipsum præferrent, & in eius humeros vniuersę Societatis per totum terrarum orbem propagatę onus imponerent. Nec eos fefellit euentus: nam ita hanc tantam, tamq; laboriosam difficilemq; prouinciā sustinuit, vt siue prospera siue aduersa spectes, quę ipso clauum tenente multa & varia Societati nostrę acciderunt, electum à DEO esse credas; vt læta auget, tristia minueret, & per dubias ac turbulentas tempestates, DEO duce, nauem Societatis ad portum salutis dirigeret. Sed hæc (ne quid auribus dare velle videar) omitto. Scripsit Pater Generalis, tot negotiorum fluctibus pænē obrutus, quę ad eius gubernationem maximē pertinent;

*Episto-*

*Epistolas benè longas, & non minùs religiosas atque eruditas, ad vniuersam Societatem, de renouatione spiritus, & unione fraternæ charitatis.*

Industriâs item pro superioribus Societatis *ad curandos animæ morbos.*

CLAVDIVS DAVSQUEIUS, natione Belga, patria Audomaropolitanus, Theologus, rara Græcarum litterarum peritia, vertit è Græco sermone

*Basilij Seleuciensis Episcopi Homilias x l. Notisq; eruditè illustrauit.*

Expectantur eiusdem *Notæ in Q. Calabri παρρησιαστικῆς, & in Silium Italicum de Bello Punico secundo Notæ.*

CONIMBRICENSIS COLLEGI *Commentarij in Aristot. Vide mox Cosmas Magallanus.*

CONRADVS VETTER, natione Germanus, *Varios tractatus contra hereticos Germanicè edidit, tacito nomine.*

Vertit & in linguam Germanicam *Martyrologium Romanum, & Decem rationes P. Edmundi Campiani.*

CORNELIUS CROCYS, natione Belga, patria Amstelredamus, sacris in patria ritè operatus, & in iuuentute piè instituenda gnauiter occupatus, dum matrem vetulam alit, Societati, vt optaret, iuuenis adscribi non potuit: quam vbi extulit, nihil duxit antiquius, quàm vt Romam pedibus contenderet, & à B. P. Ignatio, etsi senex, receptus adscriptusque ceteris, ibidem sanctè in Domino quieuit. Scripserat antea Catholicæ Ecclesiæ commo aduersus hereticos ac potissimùm Anabaptistas in Batavia grassantes opuscula, vt illis temporibus, iucunda atque vtilia,

*De*



*De Ecclesia, seu de notis ac signis Ecclesia.*

*De Fide & Operibus.*

*Orationem de Christi vita.*

*Meditationes pias in Passionem Dominicam.*

Lusit item *Iosephi casti Comœdiam.* &

*Colloquiorum puerilium formulas.*

COSMAS MAGALLANVS, natione Lusitanus, patria Bracarensis, vix quattuordecim annos natus, Conimbricæ pridie Non. Julij anno M. D. LXVI. ad Societatem singulari DEI beneficio adductus, diu Rhetoricam docuit; studiis præfuit, quæstiones de moribus explicauit, & hoc ipso tempore sacram Scripturam Conimbricæ interpretatur. Scripsit *Japonensis Catechismi Tom. II.* & in *Epistolas Pauli ad Timotheum & ad Titum Commentarios* habet præ manibus. Iuuit ad hæc in

*Conimbricensis Collegij Commentariis in lib. Physicorum, de Cælo, de Anima, de Generatione & Corruptione, & in lib. Meteororum, & Ethica Aristotelis.*

CYPRIANVS SVAREZ, natione Hispanus, patria ex Ocaniæ oppido diœcesis Toletanæ, ætate matura, & vigesimum octauum agens annum, Societati se nostræ dicauit. Vir fuit candidi ingenij, prisca fidei, multæ ac variæ eruditionis, Latinis, Græcis atque Hebraicis litteris perfectè doctus, liberalibus artibus apprimè ornatus, sacrarum Scripturarum scientia probè instructus; & qui subtilitati in scholis disputandi, Conciliorum sanctorum Patrum, humanæ atque diuinæ Historiæ cognitionem adiunxerat. Is postquam diu Academiæ Ebo-rensensis & Collegij nostri studiis præfuit, atque in Complutensi sacram Theologiam professus est, tamquam rude donatus, atque emeritus miles, septuage-

ptuagenario maior Placentiæ diem suum sanctè obiuit, anno salutis M. D. XCIII. XIX. Augusti. Scripsit iuuenis,

*De arte dicendi*, libros III. breuissimos, sed elegantissimos. Scripsit etiam,

*Commentarios in Psalmos Davidis, & in Cantica Canticorum.* qui tamen typis nondum euulgati.

## D.

**D**IDACVS DE PANTOIA, natione Hispanus. Scripsit Hispanicè

*Narrationem Sociorum in Chinam penetrantium.*

DIONYSIVS VASQUEZ, natione Hispanus, patria Toletanus, adolescens XXI. annorum cum esset, & Latinis Græcisque litteris probè excultus, Compluti nomen CHRISTO Domino nostra in Societate dedit, anno salutis M. D. L. & maiores disciplinas postea feliciter didicit, & in Hispania, Italia, atque Germania inferiore Superioris partes egit, Patrisque Francisci Borgiæ, tum Commissarij in Hispania Generalis, tum Romæ Præpositi Generalis adiutor atque à secretis fuit. Denique in Hispaniam reuersus Toleti anno Domini M. D. XC. ineunte, ætatis secundo & sexagesimo, vitam cum morte commutauit.

*Martyrologium Romanum*, Gregorij XIII. Pontificis Maximi iussu editum, è Latina lingua in Hispanam transtulit.

EDMYN-

## E.

**E**DMVNDVS AVGERIVS, natione Gallus, patria Trecentis, ex ephelis vix excesserat, cum Romæ ad portum appulit Societatis; in qua litteras humaniores docuit. Poëta & Orator excellens, ingenio, memoria, iudicio valens. Hic in Galliis multa & miranda patravit pro fidei Catholicæ defensione. Turonensis, Tolosani, Lugdunensis Collegiorum Rector fuit, ac Prouinciæ Aquitanæ Præpositus Prouincialis. Primarias illius Regni ciuitates concionibus illustravit, maximè Lutetiam, Burdigalam, Tolosam, Lugdunum: Principibus viris in honore fuit, Henrico III. Regi Galliæ etiã carissimus. Lugdunensem ciuitatem, peste corporali & spiritali propter hæreses grauissimè laborantem, tum vigilantia atque industria, tum doctrina atq; consilio, ab interitu propemodum vindicauit. Captus aliquando ab hæreticis, & ad laqueum damnatus; dum ad patibulum ducitur, neci mirabiliter à DEO ereptus est. Capti enim admiratione EDMVNDI eloquentiæ, & commiseratione tacti, iuuenis tunc ætate atque ingenio præstantis, parcendum illi esse hæretici existimarunt, sperantes ad suas ipsum partes adduci posse. Scripsit,

*Catechismum Gracè, Latine, & Gallicè, ad refutandos Calvinistarum errores valdè vtilem, atque eruditum; quem plurimi legentes, vel in fide Catholica confirmati, vel ab hæresibus liberati sunt: quemque locis SS. Patrum integrè notatis, Franc. Antonius noster illustravit. Scripsit & Gallicè AVGERIVS De Sacramentis.*

*De Baptismo & Confirmatione.*

*De*

*De Eucharistia.*

*De Sacrificio Missæ.*

*De Sacramento pœnitentiæ, & extrema vnctionis.*

*De Matrimonio.*

*Theſaurum precum pro vniuscuiusque ſtatu.*

*Epistolam contra Petrum Viretum pro Societate IESV, Gallicè.*

*Militarem institutionem, qui Pedagodus inscribitur, Gallicè.*

Denique ex Gallia, propter intestina & plusquam ciuilia patriæ bella, in Italiam profectus, Nouocomij mortuus est, anno salutis M. D. XC.

EDMUNDVS CAMPIANVS, natione Anglus, patria Londinensis, Martyr Christi inclytus, & nostri sæculi clarissimus. Puer cum esset, humanioribus litteris imbutus est Londini: adolescens in Oxoniensi Academia, grauioribus etiam disciplinis perpolitus; vbi ex consuetudine condiscipulorum infectus, & hæreticorum persuasionibus circumuentus, Diaconum ab impostoribus & pestiferæ sectæ ministris se ordinari passus est. Postea verò ad expiandum scelus à se commissum Anglia egressus, in Duacensi Anglorum Catholicorum Seminario aliquamdiu commoratus, sacram Theologiam egregiè didicit, & Magistri lauream accepit. Neque hoc contentus, animum ad Societatem nostram appulit, vt se totum in salutem suorum ciuium impenderet, & hæreticos suo ipsorum gladio iugularet. Quamobrem Romam profectus est, atque in Societatem admissus, anno salutis M. D. LXXIII. inde in Germaniam amandatus, ibique rudimentis Religionis positus, aliquot annos Pragæ Philosophicas disciplinas docendo, & Latinè concionando, con-

D

sum-

sumpsit. Demum in patriam anno salutis M. D. xxc. summi Pontificis Gregorij x i i i. iussu reuertit: vbi mirum quantum profecerit, quot hæreticos ad meliorem mentem reuocarit, quot Catholicos vacillantes in fide confirmarit, quot fortes in aciem pugnamque eduxerit, vitæ exemplo, excellenti doctrina, ingenij acumine, agendi dexteritate, disputandi subtilitate ac robore. Ex quo in magnum hæreticorum odium incurrit: à quibus omnibus vestigiis perquisitus, tãdem ex insidiis captus est. Sed tentatus eius animus, cùm neque promissis neque terroribus cederet, neque altercationibus cum hæreticis sapiùs habitis vinci posset; neque tormentis dilaniatus, se de proposito Catholicæ Religionis colendæ deduci pateretur; tamquã perduellionis reus ad supplicium damnatus est. Itaque raptatus, suspensus, semiuiuus de furca deiectus, corde spiranti adhuc euulso, pudendis abscissis, in ignem visceribus coniectis atq; combustis, pius ab impiis, sanctissimus vir à nefariis Regina Elizabethæ Consiliariis, in patria sua, vniuerso spectante populo, bonis gementibus, hæreticis gaudentibus, & constantiam eius admirantibus, pro Catholica Religione, & summi Pontificis suprema potestate, immanissimè maectatus est, anno salutis M. D. xxci. Kalendis Decembris. Scripsit EDMUNDVS CAMPIANVS elegantissimos *De Hibernia insula Commentarios.*

*Epistolas* item & *Orationes* nonnullas ornatissimas, in quibus & *de M. Tullij imitatione* venustè disseruit.

Aureum libellum, cui titulus est:

*Rationes decem, quibus fretus certamen aduersariis obtulit in causa fidei* EDMUNDVS CAMPIANVS è  
Socie-

*Societate nominis IESV presbyter.* In hoc perexiguo libello vix credi potest, quàm multa fidei dogmata paucissimis verbis perstringat, quanta eloquentia, ingenij vi & perspicacia, quanto rerum coaceruatarum numero ac pondere obruat aduersarios.

Martyrium CAMPIANI Gallicè conscriptum, itemq; Latinè à Gulielmo Estio Batauo, S. Th. Duacensi in Academia Doctore Regio, circumfertur.

EDMUNDVS HAIVS, natione Scotus, vir fuit valdè religiosus, prudens atque eruditus: qui Præpositus Prouincialis Franciæ prouinciam gubernauit, & Assistentis apud P. Claudium Aquaiuam Præpositum Generalem munere functus est Romæ, in eoq; munere decessit è vita. Scripsit contra hereticos, maximè Calvinistas, librum cui Titulum fecit, *Contrarietates Caluini.*

EDWARDVS SANDIUS, natione Lusitanus, patria Olyssiponensis, in Professorum domo sancti Rochi ad nostros aggregatus est: facultatem Oratoriam in Collegio Conimbricensi feliciter docuit, ac multis magnisq; pro Christo in Lusitania susceptis laboribus, in orientis Solis Indiam nauigauit, Collegiiq; Machao Chinæ adiacentis Rector fuit. Inde in interiora terræ, zelo fidei Christianæ propagandæ delatus, multisq; Gentium ad veritatem conuersis mortuus est. Scripsit *Itinerarium quattuor Iaponensium Principum*, qui fidei nostræ Sacramentis imbuti, magno Religionis Christianæ colendæ incensi desiderio, è Iaponia soluentes, anno salutis M. D. XXCIV. in Lusitaniam appulerunt, & per Hispaniam Romam profecti, Christianorum Regum Iaponensium nomine, Pontifici Maximo obedientiam obtulerunt: à quo benignissimè accepti, & li-

beralissimè remunerati sunt. Inde Italia obita, in patriam renauigantes, nouo miraculo incolumes omnes peruenerunt, magna suorum ciuium admiratione, Christianorum gaudio, & Christi gloriæ amplificatione; ac tandem omnium rerum, quas viderant, cognita atque reiecta vanitate, quatuor Iaponenses Principes felicissimè sua legatione perfuncti, nostram Societatem in patria sua ingressi sunt. In suo autem *Itinerario* EDVARDVS regiones ac prouincias recenset quas peragrarunt, nationum mores describit quas lustrarunt: triumphos pingit quibus per Italiam excepti; munera denique refert, quibus à magnis Principibus donati sunt.

EMANVEL ACOSTA, natione Lusitanus. Scripsit *Commētarium de gestis à Societate in India Oriētali*: què Latinū in sermonē Io. Petrus Maffeijs cōuertit.

EMANVEL ALVAREZ, natione Lusitanus, patria ex Maderę insula, pridie Non. Iunij anni salutis M. D. XLVI. in nostrorum numerum adscriptus est; qui, cum eximia vitæ integritate prudentiaque præstaret, Rectoris Collegiorū Conimbricensis, Ebo-rens, Olyssiponensis, Præpositi etiam professæ domus S. Rochi munere functus est. Sed cum non minùs tum ceteris omnibus, tum verò humanioribus potissimùm litteris excelleret, qua erat (humilitate caritateque præditus) in formanda ad pietatem iuuentute, & ad Latinam, Græcam atque Hebraicam linguam instituenda expoliendaque, plurimos annos impendit. Scripsit,

*Libros de Arte Grammatices* valdè præclaros, qui doctis viris mirificè probantur, quos & Commentariis postea copiosè Antonius Velleius Lusitanus & ipse illustrauit.

Demum

Demum bonorum operum plenus, in Collegio Eborensi vitam cum morte commutavit anno salutis M. D. LXXXII. 30. Decemb.

EMANVEL PIMENTA, natione Lusitanus, patria ex oppido Scalabe, vulgò *Santaren*, Diocesis Olyssiponensis, Eboræ in Societatem cooptatus est xxx. Aprilis, anno salutis M. D. LVIII. ætatis XVI. Studiis nostrorum tum Eboræ tum Conimbricæ præfuit; Artem dicendi, ceterasque politiones summa cum laude docuit; Concionatoris & Confessarij partes egit: denique omnis norma & tamquam speculum virtutis fuit, & Eboræ feliciter obdormiuit in Domino Kalendis Octob. anni salutis M. DC. III. Tomos duos reliquit *varia Poëmata* continentis, in quibus magnum elucet ingenium, atque stylus elegantissimus diuite fluit venâ.

EMANVEL SA, natione Lusitanus, patria Interamnenensis, ex oppido Villa de Conde, ad Societatem aggregatus est anno (ni fallor) salutis M. D. XLVI. in ipso flore adolescentiæ: quo ex tempore per totos quinquaginta annos mirabiles in virtute & in litteris fecit profectus, bonitate naturæ, ingenij magnitudine, animi contentione, assiduitate studij. In omni disciplinarum genere diligentissimè versatus est: Aristotelicas disciplinas & Gandiæ & Romæ exposuit. Quæstiones Theologicas D. Thomæ in Collegio Romano enodavit: Diuinas litteras est interpretatus. Ex cathedra discipulos docuit: de superiore loco ad populum verba fecit. Nullum denique prætermisit litterarię exercitationis genus, quod magna religione, doctrina, industria, non coluerit. Scripsit,

*Scholia breuia quidem, sed erudita, in quattuor*

D 3

*Euan-*



*Euangelia*, ex selectis Doctorum sacrorum sententiis collecta, quam verè *auream catenulam* possis appellare. Scripsit etiam,

*Notationes in totam Scripturam sacram*, quibus tum omnes ferè loci difficiles, tum variæ ex Hebræo, Chaldæo, & Græco lectiones mira breuitate explicantur; opus concisum quidem & cōtractum, sed magnis laboribus atque indefesso studio elaboratum ac perfectum. Scripsit præterea,

*Aphorismos casuum conscientia.*

Postremò Arronę Mediolanensis Diocesis, in probationis domo (quò se, vt Deo liberiùs vacaret, abdidit) sanctissimè, prout vixit, mortuus est xxx. Decembris, anno salutis M. D. xcvi. septuagenario maior: cui morienti Beatissimã MARIAM virginem & B. P. nostrum IGNATIUM apparuisse, dièmq; obitus prænuntiasse, fama est.

EMANVEL DE VEGA, natione Lusitanus. Scripsit,

*Aliquot Opuscula de sacrosancta Eucharistia, & contra hereticos Arrianos Transyluaniã deuastantes.*

EMERIVS DE BONIS, natione Italus, B. P. nostro IGNATIO adhuc viuente, ad nostram se Societatem adiunxit, & plurimos annos concionibus ad populũ habendis vtiliter transegit. Scripsit Italicè,

*Librum de statu Religionis.*

*De sanctissimo Sacramento. &*

*De ratione confitendi, & audiendi sacrificij Missæ.*

## F.

**F**ERDINANDVS IAEN, natione Hispanus, Compluti cùm vir iam tum esset, & professione Theologus, ad Societatem nostram animum conuertit, in eamq; admissus est: deinde Romam profectus in caelestem patriam commigravit, anno (ni fallor) salutis M. D. LXX. Scripsit,

*Questionem quotlibeticam de concordia Genealogie CHRISTI Domini secundum Matthaeum & Lucam.*

FEDERICVS BARTSCIVS, natione Prutenus, patria Braunsbergensis, Romæ cùm esset, in ipso ætatis flore, anno salutis M. D. LXXII. diuortium fecit cum seculo, & CHRISTVM crucifixum & nudum nudus ipse nostra in Societate secutus est. Vir autem factus propter eximias virtutes, excellentemque doctrinam, Regi Sigismundo atque Polonia primatibus carissimus fuit; imò ipsis etiam hæreticis gratus & admirandus, quos vitæ integritate ac morum affabilitate sibi deuinxit, vt faciliùs ad CHRISTVM adduceret. Aliquot in Polonia Collegia diu ac laudabiliter gubernauit. Vice-prouincialis etiam Præpositus Lituaniæ fuit. Edidit sub nomine *Federici Brussii Theologi Responsonem beneuolam & Christianam, que refutat Orationem Andree Volani*, Lituanos à lecta Zwingliana ad fidem Catholicam conuersos, ad pristinos errores reuocare conantis. Scripsit etiam Germanicè libellum, cui titulus est:

*Speculum Iesuitarum contra Danielem Cramerum, Lutheranum Pseudo-ministrum.*

D 4

Nuper

Nuper etiam Cracouia apud Polonos dedit,  
*In Euangelia Aduentus sequentesq; Dominicas ad  
 Quadragesimas Commentationes* potissimum aduer-  
 sus hæreticos.

FERDINANDVS GVERRERO, natione Lusitanus,  
 patria Almodouuarensis, scripsit sua lingua,

*Indiarum orientis solis annalem historiam annorum  
 M. DC. IV. & M. D. V. libris IV. quorum prior conti-  
 net res Iaponicas, alter Chinicas, tertius Indicas,  
 quartus Æthiopicas.*

FERDINANDVS RABELLVS, Ioannis Rabelli fra-  
 ter, natione Lusitanus, patria ex oppido Prato, Dice-  
 cesis Lamecensis, in domo Professorum Olyssipo-  
 nensi se CHRISTO in Societate sacrauit xx. Maij,  
 anno salutis M. D. LXII. ætatis xv. Aristotelicas di-  
 sciplinas professus est. Theologicas in Academia  
 Eborensi per multos annos feliciter explicauit; e-  
 iusque Academiae Cancellarius, & Portuensis Col-  
 legij Rector fuit. Scripsit,

*De obligatione Iustitiæ & Charitatis.*

FRANCISCVS ALBERTINVS, natione Italus, pa-  
 tria Neapolitanus, volumen edidit hac ἐπιγραφή,

*Corollarium Theologicum.*

FRANCISCVS ANTONIVS, natione Lusitanus,  
 patria Olyssiponenſis, xxiii. annos natus, Iuris  
 ciuilibus scientia instructus (quam duobus annis in  
 Academia Conimbricensi professus fuerat) atque  
 aliis etiam ingenuis artibus expolitus, in Societa-  
 tem se tradidit, anno salutis M. D. LVIII. Exinde ex  
 Hispania in Sardiniam nauigauit, vt Sacerentis  
 Societatis Collegij (quod omnium primum in ea  
 insula est constitutum) iaceret fundamenta: quo in  
 munere, atque in excolendo agro illo rudi ac senti-  
 bus

bus obfeto, præclare fe gessit. Ex Sardinia in superiore Germaniam traiecit, vbi plurimos annos multum posuit operæ studiiq̄ue in Catholica fide conseruanda tuendaq̄ue. Namque Maria Augusta sanctissima femina, nostræq̄ue Societatis amantissima, eo familiariter vfa est: à qua deinde ad Catholicum Regem Philippum germanum fratrem missus in Hispaniam rediit, & ipsi deinceps Mariæ (quæ etiam in Hispaniam venerat) vsque ad obitum, obsequium suum per alios viginti & amplius annos præstitit. Docuit in Societate Theologiam moralem duobus annis, fuitq̄ue Magister tironum. Sed quoniam superstes adhuc in Collegio Madritano est, nihil amplius de eo dicam. Scripsit hæctenus Latine in *Edmundi Augery Catechismum* Commentarios, ex sacrae Scripturæ & sanctorum Patrum sententiis contextos, & ad refellendos Caluinistarum errores maximè appositos. Scripsit etiam Hispanicè *De Sacrosanctæ Missæ sacrificio* lib. IV.

*De milite Christiano* lib. II.

Conuertit præterea ex Latino in Hispanicum sermonem *Sixti Papæ sententias xxx. Dorothei, Nili, Isaia, Abbatum libros ad spiritualia documenta.*

FRANCISCVS ARIAS, natione Hispanus, patria Hispalensis, vir iam matura ætate sese ad nostram Societatem adiunxit: Philosophiæ ac Theologiæ studiis excultus, in Collegio nostro Triguorenfi Theologiam de moribus quattuor annos, non sine laude professus est, cuius Collegij & Gaditani item habenas rexit. Scripsit materna lingua, singulari ingenio, exquisita eruditione, eximia religione ac prudentia, librum

*De Profectu spirituali*, in quo de oratione, ac

mortificatione, vtilissima præcepta tradit. Item,

*De Imitatione CHRISTI*, Tom. III. in quibus diuinas CHRISTI Saluatoris nostri virtutes piè admodum doctèque explicat, & omnibus imitandas proponit.

*Tractatum* item *de fœditate ac gravitate peccati*. Qui Tractatus iam magno Ecclesiæ militantis bono trans Pyrenæos Latinè & Gallicè transcriptus legitur. Fuit vir cùm varia eruditione tum vitæ integritate admirandus; religiosæ paupertatis amans, obedientiæ tenax, salutis proximorum cupidus, sui contemptor egregius, mortificationis studiosus, quam magis moribus quàm verbis docuit; denique indefessus operarius CHRISTI, pro cuius gloria XLIV. annos strenuè in Societate nostra laborauit: atque ætatis anno LXXII. feliciter obdormiuit in Domino, Hispali XXI. Maij, anno salutis M. DC. V. non sine magna opinione sanctitatis; concurrentibus ad eius funus populis, ac multis lacrymis beati viri memoriam prosequentibus, ac de eius vestibis certatim aliquid auferre conantibus.

FRANCISCVS BENCIVS, natione Italus, patria ab Aquapendente, egregius Poëta & Orator insignis, vt auditor antea M. Antonij Mureti, enutritus iuuenis in Societate. Eleganti vir ingenio, & humanioribus studiis, quasi quodam naturæ impetu editissimus. Edidit,

*Annularum litterarũ de rebus Societatis* Tom. IV.

*Orationum ac Poëmatum* Volumina duo.

*Quinque Martyrum ex Societate IESV in India poëma*. Atque hæc quidem exierunt in lucem. Sed manuscriptos reliquit præclaros in omnes ferè M. Tullij Ciceronis Orationes, & in eiusdem atque  
Aristo.

Aristotelis Rhetoricam Commentarios.

Denique in Collegio Romano, vbi permultos annos artem dicendi feliciter docuerat, excessit è vita, anno salutis M. D. XCIV. atatis LII.

FRANCISCVS BONALDVS, natione Gallus, scripsit Gallicè *Praxim spiritualem*, seu *Institutionem Christianam*.

Item in *Aue maris stella* libellum, cui titulus, *Stella mystica*, quem Latinum fecit Franc. Dulcken, Carthusianæ familiæ in Vbiis monachus.

\* FRANCISCVS BONAVENTVRA, natione Hispanus, patria Segobiensis, adolescentulus ad nostros additus est, anno salutis M. D. LXVI. Vir fuit cum aliis litteris egregiè eruditus, tum maximè Theologicis quæstionibus, quæ ad mores referuntur; qui postquam studiorum suorum spatia decurrit, sacram Theologiam & Compostellæ & Salmanticæ professus est, atque Legionensis Collegij habenas moderatus: sed morbis conflictatus, & viribus exhaustus, dum cælum mutat, & temperatiorem regionem ac benigniorem quærit, ad imbecillam tuendam valetudinem, in Toletana nostra Professorum domo, breui nobis morte ereptus est xv. Ianuarij, anno salutis M. D. XCII. magna Societatis ac Reipub. iactura. Scripsit, sed non emisit,

*In extrauagantem Gregorij XIIII. que incipit: Ascendente Domino*, (in qua Pontifex institutum Societatis declarat, & denuò confirmat) pereruditam explicationem. Item,

*Traçtatus aliquot Moralium quæstionũ* insignes.

FRANCISCVS BORGIA, natione Hispanus, patria Valentinus, sæculi nostri decus, & specimen sanctitatis, spreto Gandiæ Ducatu, & amplissimis honoribus,

ribus, opibus, deliciis, clientelis, ac familiae suae ornamentis, CHRISTI paupertate ditior, & ignominia honoratior, singulari DEI vocatione & impulsu in recens natae & nondum cognitae atque explicatae Societatis obsequium se tradidit, anno salutis M. D. XLVII. aetatis XXXVII. Cardinalitiam dignitatem, à Iulio III. Pontifice Maximo sibi oblatam, constantissime repudiavit. Eiusdem Societatis in Hispania Commissarius generalis fuit, Romae bis Vicarius, ac demum Praepositus ordine tertius Generalis; quod munus officij septem annos & tres menses sanctissime gessit. Sed cum ex longa & laboriosa, ad Hispaniarum, Lusitaniae, Galliarum Reges Legatione (qua iussu Pij Quinti Pontificis Maximi cum Cardinale Alexandrino functus fuerat) in Urbem, itineris laboribus confectus, aeger ac paene exanimis rediisset, pridie Kal. Octobris sanctissime excessit è vita, anno salutis M. D. LXXII. aetatis vero suae LXII. propemodum expleto. Scripsit Hispanicè, antequam saeculo nuncium remitteret, *Opuscula* quaedam valde utilia, ad formandos mores ac profectum spiritus pertinentia; quae typis excusa habentur in manibus, ex quibus haec sunt:

*Sermo de verbis illis Lucae xix. Cum appropinquaret IESVS vidit civitatem, & fleuit super illam.*

*Tractatus cui nomen est, Operum Christiani speculum.*

*Collyrium spirituale.*

*De preparatione ad sacram Communionem.*

*Exercitatio spiritualis, ad sui cuiusque cognitionem.*

*Tractatus de Cantico trium Puerorum, quod incipit; Benedicite omnia opera Domini.*

Reli-

Reliquit præterea in *Threnos Ieremie* præclaras lectiones, sed inexpolitas.

*Meditationum* item in *Euangelia*, quæ per annum Dominicis ac Festis diebus in Missa leguntur, Tomos I I.

Item *Tractatum peregrinum de ratione concionandi*. Hunc And. Schottus, cum eiusdem Borgiæ vita, Latinè reddidit; cetera Alphonsus Deza Theologus. Plura de clarissimo & laudatissimo Viro non addimus, quoniam eius Vitam quattuor libris comprehendimus.

FRANCISCVS COSTERIVS, natione Belga, patria Machliniensis, viuentē adhuc B. P. nostro I G N A T I O, anno M. D. LII. Romam venit adolescens, & in Collegio nostro Romano bonis artibus perpolitus est. Inde reuersus in patriam, Philosophiam Colonix & Theologiam non sine laude docuit. Tum Præpositus Prouincialis Rheni & inferioris Germaniæ, Prouincias illas prudenter administravit; ac vitæ exemplo, magna doctrina, prælectionibus, concionibus, scriptis fidem Catholicam pro virili parte sustentavit, & multos à recta via aberrantes, ad portum salutis reduxit. De illius sinceritate, candore animi, modestia, pietate in DEVM, deuotione in beatissimam Virginem MARIAM, in proximos charitate, sui neglectu, aliorum æstimatione, & susceptis pro Religione Catholica laboribus, alij fortasse plura FRANCISCO mortuo prædicabunt, nos viuenti adhuc parcimus. Scripsit hæcenus Latinè quidem hæc,

*Enchiridion Controuersiarum contra hereticos*, sæpius auctum.

Item *Apologeticum* pro prima, secūda, & tertia parte

Con-



*Controuersiarum*, contra Franciscum Gommarum  
Caluinianum.

*Libellum Sodalitatis B. MARIE Virginis*, qui ante  
dictus : *Institutio ad pietatem Christianam*, ad  
Congregationem B. Virginis Annunciatae.

*Meditationes quinquaginta in vitam B. MARIE  
Virginis.*

*Meditationes item alias quinquaginta in Passio-  
nem DOMINI.*

*Item in precationem Salve Regina, & Hymnum  
Aue maris stella.*

*Responsonem ad Analyticam assertionem Andreae  
Calliae Caluinistae contra Enchiridion Controuer-  
siarum.*

*Declarationem Fidei contra haereticos Hollados.*

*Responsonem ad Lucae Osiandri stolidam Refu-  
tationem octo Catholicarum propositionum.*

*Refutationes duas Responsonis P. P. Coci, ad  
ipsum quinq; Propositiones.*

*Conciones uberes in Dominicis anni & Festa. La-  
tinè, & Belgicè: qua lingua etiam sequentia exierunt;  
Catechismus breuior, & prolixior alter.*

*Demonstratio Catholicae Religionis, cum breui Re-  
sponsonem ad centum mendacia haereticorum antitheseon.*

*Apologia Catholica ad haereticum libellum Gasp.  
Greuinchouij.*

*Apologia secunda ad Greuinchouium.*

*Apologia pro supradicta Demonstratione contra  
haereticum libellum Gasparis Greuinchouij: cum  
Epistola ad Ordines Hollandiae, ac Responsonem ad sen-  
tentiam Senatus Leydensis contra Petrum Pan, qui  
fingitur à Iesuitis inductus ad mortem Comiti  
Mauricio inferendam.*

*Tracta-*

*Tractatfa de Indulgentiis.*

*Aduersus Responfionem Petri Cock.*

*Epiftola ad Greuinchouium.*

Item contra Iacobum Molanum *Apologia duæ.*

*Refutatio* VIII. Oppositionum ignoti hæretici Calviniftæ.

*Refponfo de feptem Apoftatis.*

*Scholia* in ea Bibliorum loca, quæ ab hæreticis rapi in Controuerfiam folent, Belgicè meditatatur.

FRANCISCVS GOMETIVS, natione Hispanus, patria ex oppido Fregenal; quod ad radices montium Marianorum firum, Prouinciæ eft quam vulgò *Estremaduram* vocant. Hic postquam eximio ingenio, excellenti memoria, indefeffo studio Philofophicas atque Theologicas litteras feliciter didicit, & hortatu Ioannis Auilæ præftantiffimi sanctitate atque doctrina viri feliciter Cordubæ profeffus eft, annos natus xxxv. feffe nostris adiunxit, eodem Ioanne Auila auctore, anno falutis M. D. LIX. Post ingreffum in Societatem, vix dici potest quantos in omni genere virtutis processus fecerit, quo fpiritu ea inter fe copulauerit, quæ maximè diuerfa videntur; insignem nimirum eruditionem, cum admirabili humilitate; fingularem prudentiam, cum rara simplicitate; morum eximiam grauitatem, cû summa lenitate; studium orationis, cum operibus caritatis; fui denique per omnia contemptum, cum præclara existimatione, quam de illo omnes habebant, domestici, exteri, magni, parui, docti, indoctique. Multos annos nostro in collegio Cordubensi magna cum laude D. Thomam interpretatus eft; ad illumque, tamquam ad oraculum, non solùm ex vniuerfa Bætica, sed ex remotioribus etiam Prouinciis,

cuis,

ciis, quæstiones de moribus, & variarum ac difficultium rerum consultationes referebantur. Deniq; cum sanctitate atque eruditione floreret, maximaq; omnium admiratione, ac Rectoris munere fungeretur; immatura morte ereptus nobis est vir sapientissimus, in ipsis feriis D. Thomæ Apostoli XXI. Decembr. anno salutis M. D. LXXVI. ætatis LII. magno omnium mœrore ac luctu, prosequentibus eius funus Episcopo, clero, Inquisitoribus, Religiosis, Nobilitate, atque vniuersa Cordubensi ciuitate. Reliquit GOMETIVS multas lucubrationes, quæ lucem hætenus non aspexerunt, sed in Bibliotheca nostra Cordubensi asseruantur.

FRANCISCVS PLANTEDIVS, natione Italus, librū *Dionysij Carthusiani de quattuor nouissimis lingua vernacula loquentem* fecit.

FRANC. REMONDVS, natione Gallus, patria Diuionensis, in Italia studiis claruit, Societatiq; aggregatus, venusta pangit *Epigrammata*, quæ & lucem variis in locis aspexerunt. *Orationes* adhæc sacras vnà euulgauit. Cumq; Philosophiam Romæ, sacras verò litteras Patauij professus sit, P. N. Generalis auctoritate curriculum Philosophicum litteris consignandum suscepit. Parentem habuit & Iurisconsultum egregium, & Senatorem Regium Burdigalæ; qui sermone populari *de Antichristo*, deq; *fabula Papissæ Ioannæ*, ac denique *de hæresibus nostri sæculi* doctè in primis scripsit ac piè, cum ingenti legentium admiratione.

FRANCISCVS RIBERA, natione Hispanus, patria ex oppido Castellæ Villacastin, vir fuit egregiè doctus ac pius: primùm in Salmaticensi Academia optimis Præceptoribus operam dedit, in Collegium  
deinde

deinde sancti Iacobi Zebedæi ab Alphonso Fonseca Archiepiscopo Toletano erectum cooptatus est; postremò atatis anno xxxiii. probè scientiis excultus ac Doctor Theologus in Societatem admisus est. Sed cùm eadem Societas sacrę Scripturę scholas Salmantice habere statuisset, Riberam tamquam idoneum Præceptorem, & Latinę, Græcę, atque Hebraicę linguę cognitione præstantē, ei muneri præfecit; quod quidem, exquisita eruditione cum pari religione coniuncta, permultos annos obiuit. Erat enim ingenio excellenti, iudicio acri, tenaci memoria, sanctorum Patrum lectione atque obseruatione instructus, singulari modestia, animi candore, deiectione, ceterisque religiosis virtutibus cumulatus. Scripsit insignes *in duodecim Prophetas Minores Cõmentarios*, sensum eorũdem Prophetarũ Historicũ & Moralem, sæpè etiam Allegoricum complectentes. quod opus in compendium redactum *Commentarios historicos selectos* inscribunt.

*Commentarios item in sacram B. Joannis Apostoli & Euangelistę Apocalypsim.*

*In Epistolam item B. Pauli ad Hebręos.*

*De templo Salomonis, & his quę ad templum pertinent, lib. v.*

*Theresę Carmelitarum excalceatarum parentis & fundatricis vitam Hispanicè persecutus est. Obiit Salmantice, anno salutis M. D. xci. ætatis lvii.*

FRANCISCVS RODRIGVEZ, natione Hispanus, librum *Hieronimi Plati De bono statu Religiosi* Hispanicè reddidit.

FRANCISCVS SCRIBANVS, natione Hispanus, patria Valentinus, cùm esset genere, ingenio, vitę integritate nobilis, & humanis Diuinisque litteris

E

probè

probè excultus, & in Academia Complutenſi Doctoris Theologi lauream, atque in patria Canonatum Valentinum cōſecutus, magna omnium admiratione anno ſalutis (ni fallor) M. D. LXXVII. omni ſæculi vanitate reiecta, ad CHRISTI vexillum conuolauit, vt in noſtræ Religionis paupertate inueniret, quod mundi diuitiæ præſtare non poſſunt. Viuit adhuc: itaq; nihil de illius virtutibus dicam. Rectoris Collegij noſtri Valentini munere functus eſt: Sacras litteras magna cum laude explanauit. Scripſit Hispanicè,

*De quattuor Nouiſſimis Diſcuſſus* (ſic enim vocantur) pietate, eruditione, breuitate, ac perſpicuitate eximios, & ad formandos diuini verbi declamatores appoſitos.

FRANC. SAVHINVS, natione Italus, edidit *Orationem funebrem*, in obitu Io. Franciſci Aldobrandini habitam.

FRANCISCVS SCVDERIVS, natione Hispanus, patria ex oppido de la Parra, Diœceſis Conchenſis. Vir fuit pietate & animarum zelo laudabilis, qui XXIII. annorum cùm eſſet, ingreſſus eſt Societatem, in qua magna cum religioſæ vitæ modeſtia atque ædificatione vixit, vſque ad ætatem LXVII. annorū, in qua piè mortuus eſt. Scripſit Hispanicè, *Vitam S. Iuliani Conchenſis Episcopi*.

FRANCISCVS SOLERIVS, natione Gallus, *Vitas P. Jacobi Laynez ſecundi, & P. Franciſci Borgia tertij*, Præpoſiti Generalis noſtræ Societatis, à P. Petro Ribadeneira Hispanicè conſcriptas, in Gallicum ſermonem tranſtulit, vt & libellū eiufdem *De Tribulatione*. Prætereà,

*Franc. Aria de imitatione B. Maria. &*

*De*

*De Mortificatione. ac,*

*De Oratione mentali. item,*

*Martyrologium Romanum.*

FRANCISCVS SVAREZ, natione Hispanus, patria Granatensis, prima ætate vix exacta, DEO se in Societate sacrauit; & per omnes disciplinarum humanarum atque diuinarum gradus ad culmen Sapientiæ ascendit. Philosophicas scientias publicè docuit, Theologicas Pinciæ, Romæ, Compluti, Salmanticæ doctissimè professus est, & nunc denique Conimbricæ proficetur, vbi primarię Theologiæ cathedrę magna cum laude præest. Atque his publicè legendi multorum annorum non contentus laboribus, animum ad ea scribenda transtulit, & in vulgus publicanda, quæ summo ingenio, acri iudicio, maximo studio, diuturna lectione, & accurata meditatione collegerat. Itaque multa in hunc usque diem scripsit, doctorum virorum iudicio eruditissima. Ex quibus hæc sunt,

*In Metaphysica Aristotelis Tom. II.*

*Opusculorum Tom. I. in quo hæc tractantur:*

*De concursu, motione, & auxilio DEI, lib. III.*

*De scientia DEI futurorum contingentium lib. II.*

*De auxilio efficaci I.*

*De libertate diuina voluntatis.*

*De remissione meritorum.*

*De Iustitia DEI.*

*Commentariorum ac Disputationum in tertiam partem D. Thomæ priorum XXVI. questionum eius partem expositionem complectentium Tom. I.*

*Commentarior. ac Disput. in III. partem D. Thomæ secundus Tomus, Mysteria vitę CHRISTI, & vtriusque aduentus eius, accurata disputatione cõtinentiũ.*

*Commentariorum in tertiam partem D. Thomæ, Tom. III. qui est De Sacramentis in genere, de Baptismo, de Confirmatione, de Eucharistia, ac de Sacrificio Missæ.*

*Commentariorum in tertiam partem D. Thomæ Tom. IV. qui continet ab LXXXIV. quæstione vsque ad finem, cum Disputatione de virtute Pœnitentiæ.*

*Adduntur deinde Disputationes de clambus, ac Sacramento Pœnitentiæ.*

*De Extrema vntione.*

*De Purgatorio.*

*De Suffragiis & Indulgentiis.*

*Disputationum de Censuris in communi, Excommunicatione, Suspensione & interdicto, item de Irregularitate, Tom V. additus ad tertiam partem D. Thomæ.*

*Item in primam partem D. Thomæ Commentarios adornauit.*

Et quoniam modestissimus atque sapientissimus Pater in viuis adhuc est, nihil de illius virtutibus dicam.

FRANCISCVS TOLETVS, sanctæ Romanæ Ecclesiæ Cardinalis, natione Hispanus, patria Cordubensis, vir fuit doctissimus, & cum aliis, tum verò Philosophicis ac Theologicis litteris ornatissimus. Hic postquam Philosophiæ Cathedram Salmanticiæ tenuit, & publicè Aristotelem est interpretatus, anno salutis M. D. LVI. I. sæculo nuncium remisit, & in Nouitiorum Societatis domum Simancam commigrauit, vbi probatus est, & ad normam nostræ Religionis formatus. Exinde Romam venit, & in Collegio nostro Romano per multos annos docuit: primùm quidem Artium cursum (vt vocant) siue Aristotelicam disciplinam; deinde D. Thomæ Theo-

Theo-

Theologiam; tum varias & multiplices, atque implexas de moribus quæstiones, magna sapientiæ opinione explicauit. Postremò à Pio v. Pontifice Maximo anno salutis M. D. LXIX. accersitus est, vt in Sacro Palatio Cõcionatoris munus obiret, quod tanta cum laude præstitit, vt per totos xxiv. annos apud Pium ipsum Quintum, Gregorium XIII. Sixtum Quintum, reliquosque succedentes Pontifices, in Apostolico Palatio, maximo Cardinalium, Prælatorum, Oratorum, & clarissimorum virorũ concursu, verba fecerit; & auditorum animos in admirationem adduxerit, non vlla verborum elegantia, sed sententiarum grauitate, reconditæ doctrinæ excellentia, ordinis dispositione, ingenij perspicuitate ac magnitudine. Quo etiam tempore Pænitentiaræ (sic enim vocant) siue casuum Conscientiæ Prætorij, & sanctę Inquisitionis Consiliarius fuit. In Poloniam, & in Germaniam, tum superiorẽ, tum inferiorẽ, missus à Sede Apostolica est, propter causas publicas Ecclesiasticas, quas feliciter transegit. Demum anno salutis M. D. XCII. magno mærore Societatis, extimescentis ne aliis hoc exemplo aliqua ad ambitionem fenestra aperiretur, à Clemente VIII. Pontifice Maximo in sacrum S. R. E. Cardinalium Collegium cooptatus, & ad summum gratiæ fastigium euectus, triennium tantummodò superuixit, & Romæ xiv. Septembris anno salutis M. D. XCVI. vita decessit. Scripsit Franciscus Toletus antequam esset Cardinalis,

*Introductionem ad Logicam.*

*In Logicam Aristotelis.*

*In octo lib. Physicorum.*

*In lib. de Generatione & Corruptione.*

E 3

In



*In lib. de Anima.*

*In Euangelium D. Ioannis.* Atque hæc quidem sui ingenij monumēta viuens edidit, & in omnium manibus sunt. Alios item reliquit Commentarios:

*In Duodecim capita Euangely D. Luca.*

*In Epistolam ad Romanos.*

*Summam casuum conscientie.* Quæ post eius obitum exierunt in lucem: quibus accesserunt eiusdem Cardinalis *Sermones xv. in Psalmum primum & trigessimum, & in duo Epistola ad Romanos loca Tractatus.* Reliquit præterea *Concionum Tomos aliquot, sed impolitos, & quibus extrema desit manus.*

FRANCISCVS TYRRIANVS, natione Hispanus, patria Legionensis. Vir omni disciplinarum genere excellens, Philosophus ac Theologus eximius, Græcæ lingue peritia atque exquisitarum & reconditarum litterarum cognitione cum paucis cōferendus, curiosus Antiquitatis indagator, diligentissimus in bibliothecis latentium & cum tineis blattisque luctantium voluminum Sanctorum Patrum atque acerrimus inuestigator. Itaque celeberrimas totius Italiae & maximè insignes bibliothecas penè omnes peruolutauerat, excusserat, & quasi helluo librorum deuorarat, præcipuè verò Græcorum, & vulgò ignotorum auctorum. Cùm autem non vulgaris doctrinæ opinione floreret, ac plurimis editis libris sui admirationem commouisset, & suam in Concilio Tridentino, missus à summo Pontifice, cum reliquis Theologis sententiam dixisset, præcipitata ætate, ac senio penè confectus, ceruicem suavi Domini iugo Romæ subiecit, anno salutis M. D. L X V I. ipso Natalitio Domini ac Redemptoris nostri die; & veteranus iam atque emeritus miles, no-  
uam

nam tiro militiam suscepit, & cum nouitiis nostræ Societatis CHRISTI vexillum sequi constituit: quod & fecit singulari humilitatis, modestiæ, atque obedientiæ exemplo. Scripsit antequam admissus esset in Societatem libros pereruditos; ex quibus sunt,

*De Summi Pontificis supra Concilium auctoritate.*

*De actis Nicenæ Synodi, deque Canonibus, quæ eiusdem Synodi esse feruntur: & de Septima ac multiplici Octaua Synodo.*

*Dogmaticum de electione diuina.*

*Dogmaticum de iustificatione.*

*De residentia Pastorum.*

*De dogmaticis characteribus Verbi Dei lib. IV.*

*De commendatione perpetua administrationis Ecclesiarum vacantium, & de residentia Pastorum extra conuicia sua.* Opuscula item varia:

*De votis monasticis.*

*De inuiolabili Religione votorum Monasticorum.*

*De cœlibatu.*

*De Matrimoniis clandestinis.*

Et hæc quidem ante ingressum in Societatem. Post ingressum verò scripsit,

*De Hierarchicis ordinationibus Ministrorum Ecclesie Catholice, aduersus Schismaticas vocations Ministrorum & Superintendentium hæreticorum.*

*Aduersus Magdeburgenses Centuriatores, pro Canonibus Apostolorum, & pro Epistolis Decretalibus Pontificum Apostolicorum lib. V.*

*Aduersus capita disputationis Lipsicæ prioris posteriorisque Andrea Freyhubij de Ecclesia, & de ordinationibus veterum Ministrorum Ecclesie, lib. IV.*

*Apostolicarum Institutionum de Catholica doctrina Clementis Romani lib. VIII. adiunctis ad finem*

xxcv. *Canonibus Apostolorum*, ipsomet FRANCISCO interprete, è Græco cum Scholiis & obseruationibus, ad cōfirmanda dogmata Orthodoxa contra hereticos; typis Plantinianis, & Græcè Venetiis cum Scholiis.

*Canones Concilij Niceni LXXX. ex Arabico in Latinum conuersi & recogniti.*

*Sancti Diadochi Episcopi in vetere Epiro Illyrici Capita c. De perfectione spiritali in Latinum translata ab eodem TURRIANO.*

*Sancti Nili Capita c. l. de Oratione ad DEVM, eodem interprete.*

*Item Joannis Carpathij Cyparissiotæ Capita hortatoria.*

*Eiusdè TURRIANI Tractatus de sanctissima Eucharistia duo, contra Andream Volanum Polonum Caluini discipulum.*

*Apologeticus contra Boquinum Bituricensem sectæ Zwinglianæ, qui nomen Societatis IESV calumniabatur.*

*De Ecclesia Catholica & eius Pastore Episcopo Romano, aduersus nugatorias cauillationes Antonij Sadeellis, libri v. in quibus varij ac multiplices errores illius refutantur.*

*Epistola ad Episcopum Laodicensem de Reditibus Ecclesiasticis, & de ratione eis vtendi.*

*Epistola de definitione propria Peccati originalis, ex sancto Dionysio Arcopagita, & de Conceptione beatissimæ Mariæ Virginis.*

*Epistola contra Vbiqueistas & Arrianistas.*

*Responsio Apologetica pro domo Lauretana, ad Capita Petri Pauli Vergerij heretici.*

*Versio aliquot Græcorum Patrum è Græco in Lati-*

Latinum, quos partim in Annales Ecclesiastes illustrissimus Baronius Cardin. partim in antiquas Lectiones Henricus Canisius V. C. retulit. Optandum itaque maximè, existere aliquem typographum diligentem, qui omnia TVRRIANI ordine in classes distributa Tomo vno & altero, bono Ecclesie simul euulgaret.

Denique cum ad extremam peruenisset ætatem, Romæ scribens, sanctè mortuus est, ipso beatissimæ Virginis MARIÆ Præsentationis die: idq; non sine aliqua ipsius Virginis in FRANCISCVM TVRRIANVM beneuolentiæ significatione. Nam cum PIVS V. Pontifex Max. ex Breuiario festum *Præsentationis* tamquam minùs antiquum expunxisset, TVRRIANVS noster ex recondito illo suo Antiquitatis penu vetustissimos auctores & Græcos & Latinos deprompsit, eorumque testimoniis probauit Festum *Præsentationis* diem, veteribus atque sanctissimis Patribus & olim cognitum, & laudibus celebratum. Itaque exquisita eruditione, industria, diligentia, & maxima in B. Virginem deuotione perfecit, vt festus dies iam abolitus, in vsum denuò reuocaretur, atque Ecclesie Catholicæ restitueretur: quam eius pietatem sanctissima Virgo gratam habuit, & (vt par est credere) in ipsomet festo die, quem ipse tanto conatu defenderat, vt ad felicioram vitam commigraret, suis precibus impetrauit, anno salutis M. D. LXXXIV.

FRANCISCVS XAVIER, natione Hispanus, patria Nauarrus, vir planè Apostolicus, & sæculi nostri lumen. Adolescens studiorum gratia à parentibus Parisiensem in Academiam missus est, vbi Philosophicas & Theologicas disciplinas egregiè didi-

cit, Philosophicas etiam publicè professus est. Quo tēpore B. P. N. IGNATIO eiusdem cubiculi socio familiarissimè vsus, huius XAVERIVS virtutis & sanctimonie admiratione ita captus est, vt se illius potestati permitteret, & ad constituendā Societatem, Collegam adiungeret. Deinde exactis studiis, Gallia relicta, peragrata Italia, vbique perfectæ humilitatis, suiq; victorie impressis vestigiis, à PAVLO III. Pontifice Max. Ioannis III. Lusitaniæ Regis rogatu in orientis Solis Indiam ablegatus est: vbi incredibile est quos labores tulerit, quas molestias deuorarit, quot populos Euangelij luce perfuderit, quàm multos filios CHRISTO pepererit, quàm turbulentis tempestatibus iactatus, quantis miraculis & viuus & mortuus nobilitatus sit. Goënsi in ciuitate (quæ Regia & Lusitanici in Oriente caput Imperij est) Religionem Christianam, Collegio Societatis exædificato, stabiliuit. In Commorini ora cxi. Ecclesias constituit. Malacam & ad pietatem erudiuit, & precibus tutatus est. Malucas insulas perlustrauit. Truculentos Mori insulæ habitatores ac Barbaros mansuefecit. In Iaponem primus cælestis Doctrinæ lumen inuexit. Multos Reges idololatrias CHRISTI iugo subiecit. Denique in latissimi Chinesis Regni (quod CHRISTI armis expugnare parabat) aditu sanctissimè vitam profudit, secunda die mensis Decembris, anno salutis M. D. LII. ætatis LV. Porro submissio animi, DEI caritas, animarum zelus, magnanimitas, fortitudo, patientia, perpetuum orationis studium, vitæ asperitas, Euangelicæ paupertatis amor, ceteræque omnes virtutes tantæ tamque eximiæ in FRANCISCO enituerunt, vt oratione vix explicari, nedum ornari posse videantur. Pauca  
nos

nos sanctissimi viri virtutum ornamenta in libro De vita B. P. nostri I G N A T I I breuiter perstrinximus, & Horatius Tursellinus è nostra Societate, sex libris editis Xauerij mores, vitam, obitum, miracula luculenter litterarum monumentis commendauit; idque postea præstitit Ioannes Lucena Lusitanus decem libris, materna lingua, è nostra item Societate. Scripsit FRANCISCVS *Quatuor libros Epistolarum* admirabiles, cælestem spirantes spiritum, & diuinæ prudentiæ refertissimos, qui ab eodem Horatio in Latinam linguam ex Hispana conuersi, in manibus sunt.

FRONTO DVCÆVS, natione Gallus, patria Burdigalensis, vir eruditus, Theologus, & totius Antiquitatis cognitione maximè nobilis. Scripsit,

*Collectanea in Clementem Alexandrinum* suppresso nomine. Item,

*Sancti Antonij Abbatis Melissas, seu Sermonum, & Locorum communium* libros duos, qui Tomo v. Bibliothecæ sanctorum Patrum habentur, ad Græcorum Doctorum fidem reuocauit, atque Annotationibus illustrauit: vt & *Maximi sententias* ibidem restituit.

*Notas in prima capita D. frenæi.*

*Opuscula quinque D. Gregorij Nysseni, & xxx. Homilias D. Chrysostomi,* è Græco in Latinum vertit. Et nunc *Opus Homiliarum omnium Chrysostomi* Græcè & Latine meditatur.

*Duas item Gregorij I I. Pont. Max. Epistolas ad Leonem Isauricum.* de quibus Cardinalis Baronius Tom. 9. Annalium Ecclesiast. honorificè mentionem faciens, *Accepimus,* inquit, *ipsas Græcè scriptas in Bibliotheca Cardinalis Lotharingia, inde depromptas,*

*promptas, atque in lucem editas à viro insignis doctrinae ac pietatis Duceo Frontone Societatis IESV Professore, qui & easdem in Graecum translatas restituit Latinitati. Hæc ille.*

Gallicè quoque exhibuit *Inuentarium*, vt vocat, eorum, quæ falsò de *Eucharistiæ Sacramento* citarat Plessius secta Calvinianus.

FVLVIVS ANDROTIVS, natione Italus, patria Picenus, cùm esset Ecclesiæ Camarinensis Canonicus Societatem nostram amplexus est, in qua duos alios germanos fratres habuit, Hortensium qui Tiburtini, & Curtium qui Patauini Collegij Rector fuit: ipse verò FVLVIVS Ferrariensis Collegij habenas per diu rexit, sanctèque in eo cessit è vita. Scripsit materna lingua *De frequenti communione.*

*Meditationes perutiles de Passione Domini. Item, De Institutione Viduæ.*

FVLVIVS CARDVLVS, natione Italus, patria Narniensis, in Collegio nostro Patauino humanioribus litteris cùm vacaret, nostrorum exemplo commotus adolescens viginti fermè annorum, se illis socium adiunxit, anno salutis M. D. XLVI. Deinde grauiores disciplinas didicit, Poëta & Orator clarus euasit, atque Romæ nostro in Collegio permultos annos artem dicendi & Poësim præclare docuit; & vergente in senium ætate, piè vita functus est. Reliquit, non tamen edidit,

*Orationes multas in Cardinalium conuentu habitas, & Poëmata varia. Scripsit etiam,*

*Historiam de inuentione sanctorum Martyrum Abundij & Abundantij, ac de Translatione facta Romæ in ædem Farnesianam Societatis IESV. Item, Passionem sanctorum Martyrum, Getulij, Symphoro-*

*phorosa, ac septem filiorum*: quam Notis & digressionibus illustravit, de *Tiburis* opidi antiquitate differens eruditè.

## G.

**G**ABRIEL VASQUEZ, natione Hispanus, patria Belmontanus, vir magni ingenij, assiduæ atq; exquisitæ lectionis, & in peruestigandis atq; eruedis sanctorum Patrum reconditis sententiis summæ diligentie. Hic adolescentulus cum esset, & xviii. tantum annos natus, Compluti se nostræ Societati addixit, & in Philosophicis atque Theologicis disciplinis diligenter exercuit. Sed cum ingenio atque eruditione præstaret, & in Collegiis Ocaniensi & Madritano primùm doctrinæ suæ rudimenta posuisset, postea in Collegiis nostris Complutensi & Romano sacram D. Thomæ Aquinatis Theologiam professus est, maxima auditorum admiratione ac fructu; in qua quidem præclara functione xxix. ampliùs annos contriuit. Complutensem Academiam prælectionibus, disputationibus, responsionibus, scriptis etiam illustravit. Scripsit enim,

*De cultu Adorationis* lib. iiii.

*Disputationes duas contra errores Felicis & Elipandi de adoptione & seruitute CHRISTI, in Concilio Francfurdiensi damnatos.*

*Commentariorum in primam partem D. Thomæ* Tom. duos.

*Commetariorum in primam secundæ D. Thomæ* Tom. vnum. Atq; hæc quidem ipso viuente in lucem edita sunt, sed cum secundum Tomum in primam secundæ D. Thomæ, & tres alios Commentario-  
rum



rum Tomos in tertiam partem paratos haberet, vt prelo subiiceret, ecce immatura mors GABRIELEM nostrum repente nobis eripuit XXIII. Septemb. anno salutis M. DC. IIII. ætatis LV. magno nostris atq; studiosis omnibus sui relicto desiderio; & cunctorum ordinum Religiosis viris, disciplinarum Professoribus, Doctoribus, Canonicis, Ecclesiastico atque Seculari magistratu, vniuersa deniq; Complutensi Academia, funus illius prosequentibus. Et quidem meritò: nam præter eximiam, exquisitam, & reconditam eruditionem, summumq; ingenium & iudicium, vir fuit vitæ integritate singulari, candore animi atque sinceritate admirabilis, paupertatis amans, obedientiæ tenax, ambitionis omnisque fastus contemptor egregius; vt in illo virtus cum doctrina, obedientia cum ingenio, pietas cum sapientia certasse videatur. Sed GABRIEL VASQUEZ, etiam mortuus, in hominum memoria æternum viuet; atque præclaris ingenij doctrinæq; monumentis iam editis, breuique edendis, à sacrae Theologiæ cãdidatis magna cum laude perpetuò celebrabitur. Post eius mortem, *Tomus alter in primam secundam D. Thomæ* exiit in lucem.

GASPAR ASTETIVS, natione Hispanus, patria Salmanticensis, XVIII. annos natus Societatem nostram ingressus, in eaque litteris probè excultus est. Vir fuit planè religiosus, & ad iuuenum studiosorum animos ad virtutem excitandos, magnæ dexteritatis atque industriæ. Itaque vt quibus voce profuerat, stylo etiam prodesset; scripsit,

*De tribus statibus.*

*De Educatione Puerorum.*

*Catechismum ad rudes.*

*Libel.*

*Libellum precationum.*

Sexagenario maior ad cælestes sedes Burgis migravit.

\* GASPAR FERDINANDVS, natione Hispanus, patria Toletanus, P. Francisci Borgiae assiduus comes, atque à Sacris confessionibus fuit. Vir planè religiosus, litteratus, ac morum suauitate amabilis: qui post multas & longas peregrinationes, post varias gubernandi prælegendique curas, demum in patriam reuersus, anno salutis M. D. LXXV. mense Octobri, Toleti vita functus, in cælum, vti speramus, translatus est. Scripsit,

*De Dialectica.*

*De statu & officio Cardinalium S. Romanae Ecclesiae lib. III.*

*De Immortalitate anime.* & alia nonnulla, quæ hæctenus typis mandata non sunt.

GASPAR LOARTE, natione Hispanus, patria Methymnensis. Vir pius iuxta & doctus, grandis iam natu, & Doctor Theologus, & in pietatis officii benè versatus, auctore Ioanne Auila, viro Apostolico, cuius discipulus fuerat, Societatem concupiuit, & in eam admissus est, anno salutis M. D. LII. Postea Romam profectus, & ab ipso B. P. nostro IGNATIO probè institutus, Collegiorum nostrorum Genuensis & Messanensis regendorum prouinciam sustinuit: denique in Hispaniam rediit, & Valentiaë annis grauis, & bonis operibus plenus, anno salutis M. D. XXCII. mortuus est. Scripsit,

*De Afflictorum consolatione.*

*Meditationes in Passionem Domini, & Rosarium B. Mariae.*

*Exhortationes vitæ Christianæ.*

*Remem-*

*Remedia contra septem Peccata mortalia.*

*Tractatus sanctarum peregrinationum, & de stationibus & indulgentiis in eis.*

*Admonitiones Sacerdotum.* Quę eius opera, Latino, Hispanico, Italico, & Gallico idiomate, aliqua etiam Germanico, excusa circumferuntur.

GASPAR SANCHEZ, natione Hispanus, patria Granatensis, postquam Philosophicas & Theologicas litteras in Societate didicit & professus est, totum se ad verbum DEI populis prædicandum contulit, in eoque munere per xxx. & eo amplius annos in Batica, in Curia Regia, & Toleti felicissimè versatus est. Erat enim vir, præter eximiam morum integritatem & doctrinam, acuto ingenio, graui iudicio, optima memoria, rara prudentia, solitudinis amans, quietis appetens, & in diuinis Scripturis assiduè legendis meditandisque mirum in modum exercitatus, & ad permouendos sententiarum grauitate ac proprietate verborum auditorum animos efficax in primis & robustus. Qui demum Toleti, dum ad populum de loco superiore verba facere non desistit, tamquam fortis miles in pugna armatus occubuit, anno salutis M. D. xci. ætatis LVIII. Porro ex Concionibus GASPARIS SANCHEZ tumultuariè scriptis, & in aduersariis repertis, opera *Francisci Labata* nostræ item Societatis Theologi *Tomii duo Concionum* prodierunt in lucem, & tum in Hispania, tum in Italia typis excusi, GASPARIS SANCHEZ nomine circumferuntur.

GASPAR alter SANCHEZ, natione Hispanus, patria Nauatrus, ex oppido Cascante, duos de viginti natus annos, post liberalium artium studia noster fit. Vir est sui contemptor, animarum salutis zelo

zelo ardens, instituti Societatis perstudiosus ac tenax; qui totam pænè vitam in pueris ad pietatem formandis, & litteris excoliendis miro humilitatis & Reipub. iuuandę studio contriuit. In quorum vsum aptissimum librum *Ciceronianarum Phrasium* euulgauit.

GEORGIVS EBERHARDVS, natione Germanus, scripsit,

*De voluntate Dei.*

GEORGIVS SCHERER, natione Germanus, patria Suescensis, prope Oenipontum Comitatus Tirolensis, in ipso adolescentię flore xx. circiter etatis anno Societatem nostram complexus est; in qua mirum quantos in virtute atque doctrina progressus fecerit. Græcas atque Hebraicas litteras, Dialecticam etiam, docuit per x l. annos summa cū laude; nec minore fructu concionatus est. Vir impiger, pietate insignis, laboribus patientissimus, atque mira eloquentia, qua valet plurimū, tum voce, tum stylo, ad permouendos animos. Collegium Vienneuse rexit, Vice-prouincialis munere functus est. Scripsit Germanicè,

*Tomos duos Variorum Opusculorū contra heretic.*

*Postillam itē in Euangelia, de Tempore & Sanctis.*

*Rationes decem instituti Festi ac processionum Corporis CHRISTI.*

*In fabulam Papissæ Ioannæ.*

GREGORIVS DE VALENTIA, natione Hispanus, patria Methymnensis, ab ipsa pænè infantia educatus est in Societate, & ad optimam Religionis normam institutus. Vbi verò animum liberalibus disciplinis cohonestauit, & probitatis suę specimen præbuit; in Germaniam missus est, vt sacram Theologiam

logiam nostris in Collegiis explicaret, & furentium hæreticorum impetum retardaret, iacentesque Catholicos excitaret atque erigeret: quod tam cumulatè præstitit Dilinge primùm, deinde Ingolstadij post Hieronymum Torrensem, prælectionibus, disputationibus, congressibus, scriptis denique, vt omnium Catholicorum animos sibi deuinxerit, & quæ maxima laus est, in odium hæreticorum incurrit. Omnibus enim aduersariis, contra quos scripsit, silentium imposuit. Scripsit,

*Pro Societate aduersus admonitionem Smidelini Lutherani.*

*Analysim fidei Catholicæ lib. viii. comprehensam; in quibus simul de Ecclesia, de Romano Pontifice, de Scriptura, de Traditionibus, de Conciliis disputat.*

*De sanctissima Trinitate lib. v. in quorum postremo pestilens quidam liber, in Polonia editus, confutatur.*

*De vera CHRISTI Maestate & presentia, contra Lutheranos Ubiqueistas lib. i v. cum Epistola Francisci Turriani de eodem argumento, ad auctorem scripta.*

*De rebus controuersis ad materiam Sacramentorum pertinentibus lib. xviii.*

*De numero Sacramentorum nouæ legis lib. i.*

*De efficacia Sacramentorum nouæ legis lib. i.*

*De Baptismo paruulorum lib. i.*

*De reali presentia CHRISTI in Sacramento Eucharistia, & de conuersione panis & vini in corpus & sanguinem CHRISTI, lib. i v. contra Calvinistas.*

*De eodẽ argumento lib. alios iiii. in quibus continetur Examen & refutatio præcipui mysterij doctrine*

*Arine*

doctrinæ Calvinistarum, cum Responsione ad obiectiones Antonij Sadelis & Fortunati Greellij.

*De legitimo usu Eucharistiae in altera tantum specie* lib. 1.

*De sacrosanctæ Missæ sacrificio* lib. 11. contra Lutheri, Kemnitij, Herbrandi, & aliorum Sectariorum doctrinam.

*De contritione ex pœnarum timore concepto* lib. 1.

*De Necessitate confessionis* lib. 1.

*De satisfactione* lib. 1.

*De ordinis Sacerdotalis & Episcopalis discrimine* lib. 1.

*De indissolubili vinculo Matrimonij* lib. 1.

*De Idololatria* lib. v. in quibus cultus sacra Eucharistiae, & Sanctorum, & sacrarum Imaginum ac Reliquiarum, aduersus Sectariorum contumelias defenditur.

*De diuersis aliis materiis cõtrouersis* lib. x. nempe,

*De peccato originali* lib. 1.

*De officio proprio CHRISTI Mediatoris ac Redemptoris* lib. 1.

*De vera ac falsa differentia veteris & nouæ Legis, contra fundamentum Lutheranae & Calvinianæ doctrinæ* lib. 1.

*De Gratia, Iustificatione, & Meritis* lib. 1.

*De Predestinatione & reprobatione* lib. 1.

*De statu & votis Religiosorum hominum* lib. 1.

*De Cœlibatu* lib. 1.

*De potestate legis humane, presertim Ecclesiasticæ,* lib. 1.

*De Efficacia excommunicationis Ecclesiasticæ* lib. 1.

*De indulgentiis* lib. 1.

*De purgatorio* lib. 1.

*Commentarium in primam partem D. Thomæ.*

*Explicationes in primam secundæ D. Thomæ.*

*Disputationes in secundam secundæ D. Thomæ.*

*Disputationes in tertiam partem D. Thomæ.*

In hisce Commētariis siue Disputationibus, ita sty-  
lum VALENTIA noster temperavit, vt solidam atq;  
reconditam D. Thomæ doctrinam explicet, nimias  
& spinosas subtilitates circumcidat; & modum il-  
lum scribendi scholasticum & scabrosum, in faci-  
liorem atque elegantiozem commutat; vt & Catho-  
licos illarum Nationum magis ad legendū D. Tho-  
mam hac veluti illecebra alliciat, & hæreticos ab  
eiusdem S. Doctoris doctrina abhorrentes, ac præ-  
fractos, si fieri potest, emolliat. Denique reuocatus  
sapientissimus Pater Romam, vita, doctrina, præle-  
ctionibus, atque etiam disputationibus coram Cle-  
mente Octauo Pontifice Maximo, & Cardinalium  
grauissimorumque virorum confessu, floruit: sed  
ex continuis studiorum laboribus, ac nimia cōten-  
tione, morbum contraxit; & Neapolim ad recupe-  
randam valetudinem profectus, magno sui bonis  
omnibus relicto desiderio, piè sancteque mortuus  
est, anno salutis M. D. C. I I I. xxv. Aprilis, ætatis  
verò L I V. Cui hoc Cenotaphium gratitudinis  
ergo Collegium Theologicum Ingolstadiense po-  
suit.

GRE-

GREGORIVS DE VALENTIA

E SOCIETATE IESV

METHYMNENSIS, HISPANVS,

S. THEOLOGIAE DOCTOR,

INTER THEOLOGOS SVI TEMPORIS

NULLI SECVNDVS,

PARISIIS VEHEMENTER EXPETITVS,

A STEPHANO REGE POLONIAE DIV POSTVLATVS,

PRÆCLARVM HVIVS ACADEMIÆ DECVS;

IN QVA ANNOS XXIIII. COMMORATVS CVM

S. THEOLOGIAM SEDECIM ANNIS CONTINVIS,

MAGNO AVDITORVM PLAVSV ET FRVCTV,

FÆCVNDISSIMAQ. ERVDITIONIS PROPAGATIONE,

DOCVISSET, ATQVE INTERIM IN OMNI CON-

TROVERSIARVM RELIGIONIS GENERE CONTRA

HÆRETICOS QVAM MVLTOS COMPLVRIBVS

LIBRIS EDITIS NVMQVAM NON VICTOR EGREGIE

DIMICASSET, VNIVERSAMQ. SCHOLASTICAM

THEOLOGIAM QVATTVOR COMMENTARIORVM

TOMIS, COMMEMORABILI OPERE, ILLVSTRASSET,

IMMORTALEM NOMINIS SVI GLORIAM ADEPTVS,

ANNO M. D. XCVII. SVPERIORVM SVORVM

VOLVNTATE ROMAM AVOCATVS EST.

F 3

CVMQ.



CVMQ. ILLIC PARTIM S. THEOLOGIÆ PROFESSOR  
PARTIM SVPREMVS IN COLLEGIO SOCIETATIS  
STVDIORVM MODERATOR ALIQVAMDIV CLA-  
RISSIMVS VIXISSET,

DEMVM ASSIDVIS LABORIBVS FRACTVS,  
ET INVETERATA CONSVMPVIS ÆGRITVDINE,  
NEAPOLI, QVO VALETVDINIS CAVSSA  
ÆGER CONCESSERAT,

E VIVIS SEMPER VICTVRVS EXCESSIT,  
XXV. APRILIS, ANNO M. DC. III. ÆTATIS LIV.

GVILIELMVS BAYLVS, natione Gallus, vir Græ-  
cis atque Latinis litteris impensè eruditus, Poëta  
insignis, ac concionator egregius. Scripsit,

*De arte Grammatica Græcorum.*

*De accentibus, & de syllabarum quantitate Græ-  
corum.* Denique,

*De Græcorum dialectis.*

GVILIELMVS BROCHÆVS, natione Belga, Lim-  
burgi natus, in Societatem admissus est Romæ, an-  
no salutis M. D. LI. III. Maij. Obiit Treueris, an-  
no M. D. LXXXIII. XXIX. Februarij. Scripsit,

*Disputationes de Orationis vi ac necessitate.*

*De Sacramentis nouæ Legis.*

*De tribus bonorum operum generibus.*

*De Oeconomia verbi.*

*De lege & de libertate Christiana.*

*De veritate corporis CHRISTI in Eucharistia.*

HEN-

## H.

**H**ENRICVS BLISSEMIYS, natione Germanus, patria Coloniensis, annos natus xv. in nostrorum numerum adscribi voluit, & impetrauit: deinde & ad nostrum institutum conformatus, & bonis litteris feliciter institutus est. Itaque Pragæ Sacram Theologiam cum laude docuit, & Collegij Pragensis & Græcensis Rector fuit, & totius etiam Prouinciæ Austriæ Præpositus Prouincialis. Edidit librum

*De communione sub una specie. item,*

*De Ecclesia militante, contra Herbrandum.*

Migravit è vita Græcij, anno salutis M. D. LXXXVI.

**H**ENRICVS ENRIQVEZ, natione Lusitanus, patria Portuensis, à prima ætate nostræ se Religioni sacrauit, in Philosophicis ac Theologicis disciplinis perfectè eruditus, eas etiam in Collegiis nostris Cordubensi ac Salmaticensi magna doctrinæ opinionione publicè professus est. Scripsit hæcenus,

*Summa Theologiæ moralis* Tomos III. in quibus paucis verbis rerum quasi summam perstrinxit, & tamquam textum proponit Lectori. Deinde Annotationibus vberioribus enucleat, & auctorum testimoniis copiosius confirmat. quibus Tomis tribus hæc continentur:

*De Sacramentis in genere.*

*De Baptismo.*

*De Sacramentis Confirmationis, & extrema Vnctionis.*

*De Pœnitentia.*

*De Clauibus Ecclesiæ.*

*De Indulgentiis.*

*De sanctissima Eucharistia.*

*De Missæ sacrificio.*

*De Sacramento Ordinis.*

*De Matrimonio.*

*De Censura excommunicationis.*

*De Suspensione & interdicto.*

*De Irregularitatis impedimento.*

*De fine Hominis.*

*De Pontificis potestate & electione.*

*De Censuris Pontifici reservatis.*

*De Concilij auctoritate.*

*De Legibus.*

HENRICVS PUTZIVS, natione Belga, patria Marcoduro, Menapiorum oppido ortus, & Matthiæ Putzij germanus frater, sub vexillo Societatis militare cœpit XXI II. Decēbris, anno M. D. XXCVI. vitamque reliquit Colonie VI. Aprilis, anno M. D. XCVI. Fuit, sicut Matthias eius frater, raro atque excellenti ingenio. Scripsit *Tragœdiam Iosue*, aliaq; nonnulla, carmine eleganti.

HENRICVS SAMERIUS, natione Belga, patria Luxemburgensis, Historie Ecclesiasticæ ac temporum in supputando peritissimus, edidit Antuerpiæ, *Chronologiam sacram ab orbe condito, usque ad CHRISTVM natum*, confutatis multorum ad hanc diem calculis.

HENRICVS SOMMALIVS, natione Belga, patria Dinantensis, agri Eburonum, vir in eruendis castigandisque sacrorum auctorum scriptis diu multumque versatus, edidit,

*Fasciculum diuini amoris atque deuotionis, ex SS. Patrum scriptis collectum.*

Emen-

Emendauit etiam ad veteres membranas,

*D. Augustini Confessionum lib. xiiii.*

Eiusdem *Meditationes, Soliloquia, & Manuale.*

*B. Anselmum de excellentia B. M. Virginis. item, Similitudinum eius librum atque Epistolas.*

*Thomæ de Kempis Opera.*

Eiusdem *Thomæ de Kempis libellum De imitatione CHRISTI*, ex auctoris autographo typis Plantiniani sæpiùs recusum.

*Alberti Magni Paradisum, seu De virtutibus, Scholiis illustrauit: dabitque & Albertum M. de vitiis, hæctenus ineditum.*

HERIBERTVS ROSWEYDVS, natione Belga, patria Ultraiectinus, Philosophiam & Theologiã professus, dedit *Fastos Sanctorũ*, quorũ vitæ manuscriptæ in Belgio, cum *Actis Præsidualibus sanctorũ Taraci, Probi, & Andronici*. Specimen operis ingētis, quod vtinam inchoatum ad exitum perducere queat feliciter, Tomis nimirum xvi. de vita CHRISTI ac VIRGINIS, Sanctorumque in Ecclesia Catholica; siue temporum quo floruerunt habita ratione, siue mensium, quibus coluntur; post Aloisium Lipomanum ac Laurentium Surium, benè de Ecclesiastica historia meritos.

Præterea *Arnobium & Minucium Felicem*, à se Commentario illustratos, adhuc premit.

\* HERMANNVS THYRÆVS Nouesij in Vbiis natus est, anno salutis M. D. xxxii. Deinde cùm Romæ Collegij Germanici ex primis esset alumnus, Societatem nostram expetiuit, & in eam à B. P. N. I G N A T I O admittus est, anno salutis M. D. lvi. xxvi. Maij. Roma Ingolstadiũ profectus, ea in Academia aliquot annos docendo posuit. Tum propter

egregiam prudentiam cum insigni religione coniunctam, ad alios gubernandos destinatus, Collegij Treuirensis & Moguntini Rector fuit, Archiepiscopis illarum ciuitatum mirum in modum gratus, à quibus ad magnas res gerendas adhibebatur. Prouinciæ item Rhenanæ Præpositus Prouincialis fuit. Tandem Moguntia apoplexia propè sexagenarius extinctus est xxvi. Octobris, anno salutis M. D. xci. magno totius ciuitatis luctu. Scripsit Latinè & Germanicè librū *De Religionis libertate*. Collegit & *Sex millia dubiorum de Confessione Augustana, & duo millia irregularitatum*, quibus Lutherani prædicantes implicati tenerentur. Sed vterque fœtus in lucem propter mortem parentis editus non est.

HIERONYMVS FLORENTIA, natione Hispanus, patria Complutensis, à parentibus pietate insignibus procreatus, & ab ipsa infantia educatus est ad pietatem. Itaque pueritiæ vix annos egressus, exemplum Ioannis Florentiæ germani ac natu maioris fratris secutus, Societatem nostram Compluti complexus est, anno salutis M. D. LXXXI I. Augustinum Florentiam, fratrem omnium minimum, suo itidem exemplo incitans, vt fratrum vestigiis insisteret; quod postea fecit, cum & ipse nobis additus est. Deinde HIERONYMVS excellenti ingenio, rara memoria, magna animi contentione, politiores litteras ac seueriores disciplinas didicit, & professus est. Philosophiæ cursum (vt vocant) peregregiè docendo confecit, multosque ingeniosos atque vtilis discipulos habuit in Societate, Sacram etiam Theologiam, atq; illam potissimum, quæ rationes rerum exquirat, & veritatem ad calculos reuocat, & omnibus

bus vestigiis indagat, cum laude est interpretatus. Sed cum aliis HIERONYMVS FLORENTIA rebus præstat atque excellit, tum maximè dicendi facultate, cum ex loco superiore ad populum verba facit, & auditorum animos sententiarum grauitate, verborum casta elegancia, vocis dulcedine & claritate, vel deterret à vitiis, vel ad virtutes impellit. Quamobrem dum concionatur, & præconis Euangelici partes agit, maximo populi concursu, attentione, admiratione, ac vitæ emendatione vbique auditur. Exierunt in lucem aliorum operâ, atque habentur in manibus, *duæ* illius *Orationes funebres*: quarum altera persecutus est exequias funeris Garziæ Loaysæ Archiepiscopi Toletani, qui Compluti excessit è vita; altera, Marię Augustæ virtutes laudesque recensuit, cum sanctissimæ atque omnium memoria clarissimæ Principi, nostro in Collegio Madritano, tamquam benignissimæ matri nostri mærentes parentarent, ac pia illius funeri iusta persoluerent.

HIERONYMVS NATALIS, natione Hispanus, patria Balearis, siue Maiorica insula natus. Vir fuit omni disciplinarum genere excultus, Latinæ, Græcæ, atque Hebraicę linguæ peritissimus: qui dum ad Concilium Tridentinum proficiscitur, atate iam prouecta & confirmata, anno salutis M. D. XLVI. sese Romę ad nostram Societatem adiunxit. Huius opera multum B. P. N. IGNATIVS, ac sequentes Præpositi Generales, in propaganda ac gubernanda Societate vsi sunt. Erat enim vir peracri iudicio, perfecta obedientia, rara prudentia, & ad res conficiendas vigilantia, diligentia, efficacitate singulari: quam ob rem Prouincialis, Assistentis, Commissarij,

rij, Vicarij Generalis officijs præclare functus est: & demùm Romæ in Nouitiorum domum sancti Andree se contulit, vbi senectute confectus, pueris & adolescentibus nostris tironibus magno exemplo atque incitamento ad omnem virtutem fuit; & plenus dierum ac bonorum operum, in ipso glorioso Domini nostri Resurrectionis die vitam cum morte cõmutauit, anno salutis M. D. LXXXI. ætat. LXXVI.

Quamuis autem variis semper grauissimisque negotiis fuerit districtus, & gubernationis laboribus implicatus, scripsit tamen peregregias *Annotationes ac meditationes in Euangelia*, quæ in Sacrosancto Missæ sacrificio per totum annum leguntur: quas eximiis & admirandis Imaginibus in æs à summis artificibus Antuerpiæ insculptis, rem totam representantibus, exornauit. Magnam hoc in opere Hieronymus præ se fert pietatem, eruditionem, Sacrarum litterarum intelligentiam, atque Euangelicæ historiæ cognitionem. Excusus est liber Antuerpiæ apud Martinum Nutium, anno salutis M. D. XCIII. & Plantinianis typis, anno M. DC. VII.

HIERONYMVS PLATVS, natione Italus, patria Mediolanensis, nostrum Romæ institutum suscepit, cum esset adolescens, forma, ingenio, modestia, morumque suauitate præstans. Postquam verò animum bonarum litterarum cognitione compleuit, P. Claudius Aquaiua Præpositus noster Generalis eius opera vsus est in Latinis litteris scribendis: quam Prouinciam dum egregiè sustinet, & Nouitiorum, qui in domo professi versantur, curam gerit; ad caelestem patriam euocatus est, anno salutis M. D. XCII. ætatis circiter XLVI. Scripsit,

*De Bono status Religiosi* lib. III. pietate atque erudi-

eruditione refertos. Item,

*De Cardinalis dignitate & officio, ad Flaminium  
Platum Cardinalem, fratrem.*

HIERONYMVS PRATVS, natione Hispanus, patria Baëcensis, à pueritia nutritus, & bonis artibus eruditus in Societate, in Cordubensi collegio Sacras litteras magna cum laude est interpretatus, & Romæ anno salutis M. D. XCVI. piè excessit è vita.

Et

IOANNES BAPTISTA VILLALPANDVS, natione Hispalensis, Patria Cordubensis, vir doctus, & architectus insignis, vnà cum HIERONYMO PRATO scripsit *Explanationes in Ezechielem, tribus Tomis distinctas*. Tomo primo continentur Commentarij HIERONYMI PRATI, in priora XXVI. capita Ezechielis. Tom. II. *Explanationes IOANNIS BAPTISTÆ VILLALPANDI*, in reliqua eiusdem Ezechielis capita. Tomo III. *Apparatus urbis ac templi Hierosolymitani, Commentariis & imaginibus illustratus*, eiuldē IOANNIS BAPT. VILLALPANDI studio cum eodem HIERONYMO PRATO collato. Vtrumque autem in vnum coniunxi, quoniam vterque simul operam Ezechieli illustrando nauauit, & mutuas operas tradidit.

HIERONYMVS RIPALDA, natione Hispanus, patria ex ciuitate Tiruel, anno salutis M. D. LI. ætatis verò XV. Compluti animum appulit ad Societatem, & in ea piè educatus ac probè eruditus, plurimis locis Superioris munere functus est. Scripsit hæcenus,

*Modos suauis agendi cum DEO. Præterea,  
Libellum breuē quidem illū Doctrinæ Christianæ,  
sed appositum ad pueros erudiendos & formandos  
ad pietatem.*

HIE-



HIERONYMVS TORRES, natione Hispanus, patria Catalaunus, ex oppido Momblanc, ætatem vix primam egressus nostræ se obtulit Societati, moxq; Romam missus est anno salutis M. D. LIII. Romæ verò cursus aliquot Artium, vt vocant, docendo confecit, & Aristotelicas scientias auditoribus explicauit. Inde in Germaniam obedientiæ iussu se cõtulit, vt Theologiam in Academia Ingolstadiensi post Alphonsum Pisanum, nostræ item Societatis Doctorem Theologum, publicè exponeret, & pro virili passim grassantium se furori hæreticorum obiceret: quod & præstitit magna religione, diligentia, eruditione. Sed cùm ex *Confessione* Lutheranorum *Augustana*, tamquam ex infecto & pestilente fonte, plurimos animaduerneret errorum manare riuulos, videretque hæreticos omnibus in Colloquiis, Disputationibus, Lectionibus, vbique crepare, in ore semper habere D. Augustinum, & sanctissimum Patrem, atque Ecclesiæ Catholicæ lumen, quasi secum sentientem in medium proferre, & verissimis ac sapientissimis eius sententiis aliorum detortis, falsa absurdaq; dogmata stabilire; faciendum sibi existimauit, vt *Augustinum* à calumniis hæreticorum vindicaret, & veritatis luce illorum tenebras depelleret, clauum, vt est in Prouerbio, clauo trudens. Quapropter,

*Confessionem* edidit *Augustinianam*, ex omnibus D. Augustini operibus magno studio atque labore collectam, & Augustanæ confessioni opposuit, ceu pestifero veneno præsentissimum antidotum: quo in opere duo egregiè præstat; alterum quòd Catholica dogmata mirificè probat & confirmat, refutatque hæreticorum errores ex Augustino; alterum quòd

quòd locos ipsius Augustini vel malè intellectos, vel maliciosè detortos, atque ab hæreticis deprauatos, ad amissim reuocat, atq; sincerè interpretatur. Duplex hinc commodum extitit. Multi enim per Germaniam prauis hæreseos opinionibus imbuti, legentes *Augustinianã* HIERONYMI nostri *Confessionem*, *Confessionem Augustanam* detestati sunt; emergentesque ex cæno illo, in quo miserè iacebãt, sese ad Catholicæ fidei portum receperunt. Dein Catholici doctores eius incitati exemplo, *Confessiones* dedere *Ambrosianam*, *Hieronymianam*, ac *Cyprianam*. Scripsit etiam TORRES contra *Bidembacchium* hæreticum, & in prioris *Epistola Pauli ad Timoth. Caput primum*. Viuit adhuc HIERONYMVS, idcirco nihil de eius virtutibus dicam.

HORATIUS TYRSELLINVS, natione Italus, patria Romanus, in ipso adolescentiæ flore Societatem nostram expetens, assecutus est; & cùm aliis tum humanioribus potissimùm litteris excultus, illas permultos annos in Collegio Romano docuit: Collegij etiam Florentini ac Lauretani Rector fuit. Scripsit,

*De Vita B. Francisci Xauerij* lib. VI.

*Epistolarum eiusdem Francisci* lib. IIII. quas in vnum corpus collegit, atque eleganter ex Hispano sermone Latinas fecit.

*Compendium Grammatices Emanuelis Alvarez.*

Item, *Varia Poëmata & Tragœdias sacras.*

Ad hæc, *Orationem funebrem in mortem GREGORII XIII. Pont. Max.*

*Lauretane Historia* lib. V. Item, libellos duos, alterum, *De vsu particularum Latini sermonis*; alterum, *Nomenclatorem vocum Latinarum.*

Sed

Sed HORATIVM alias ingenij sui lucubrationes meditantem, postquam per duodeviginti annos Romanam iuventutem ad verum Eloquentiæ iter instituit, inuida mors sustulit; & ad diuos, vti speramus, transtulit, anno salutis, ni fallor, M. D. XCIX. ætatis supra sexagesimum. Erat religione, animi submissione, modestia, affabilitate, mansuetudine, ceterisque virtutibus supra modum amabilis. Præter hæc, quæ prælo mandata in vulgus emanarunt, reliquit &

*Historiam ab orbe condito ad nostra tempora, maxima perspicuitate ac simplici elegantiâ conscriptâ.*

*Commentarios præterea in omnes fermè Ciceronis de arte Oratoria libros, & in Orationes eiusdem.*

## I.

**I**ACOBVS ALVAREZ DE PAZ, natione Hispanus, patria Toletanus, sacrae Theologiæ ac Diuinarum litterarum in Peruano regno hodieque Professor, scripsit,

*De Vita spirituali, eiusq; perfectione, lib. v. Lugduni excusos.*

Quòd autem etiamnum degat, eò laudibus superfedeo.

**I**ACOBVS ANTONIVS MARTHA, natione Italus, in orientis Solis Indiam ex obedientia profectus, magno zelo, nec minore fructu multos annos posuit in gentium illarum animis excolendis, feliciterque cessit è vita. Scripsit,

*De quatuor temporibus anni.*

**I**ACOBVS GRETZERVS, natione Germanus, patria diœcesis Constantiensis, admodum adolescens  
Societa-

Societatem ingressus, in ea Græcæ Latinæque lingua, Philosophiæ item atque Theologiæ operam dedit. Deinde humaniores litteras Friburgi, Philosophicas Ingolstadij professus est. Nunc verò Theologus Societatis nostræ pereruditus, Sacras litteras in eadē Academia Ingolstadiēsi proficitur. Scripsit,

*De Cruce Tomos duos.*

*Grāmatica Græca libros III. egregiè elaboratos.*

*Apologiam in quinque libros distributam pro vita B. P. IGNATII Societatis IESV fundatoris, à Petro Ribadeneira conscriptam, aduersus calumnias cuiusdā Christiani Simonis Lithi Miseni Cauinistę.*

Alios item quinque libros *Apologeticos pro eadem Vita*, aduersus iteratas calumnias eiusdem Calvinistę; quos inscripsit, *Lithus Misenus Calvinista.*

*Affertionē præterea Apologia Gallicana ad Christianissimum Galliæ Regem Henricum quartum, ab eiusdē Lithi Miseni criminationibus vindicata.*

*Epistolam Græcam eiusdem Simonis Lithi, cum pharmacis ob Iesuitarum in Galliam reuocationem, & admonitione de miraculosis in venerabili Sacramento apparationibus ad eundem Misenum.*

*Panegyricum Misenicum.*

*Stigma frontis Misenica.*

*De subterraneis animarum receptaculis contra sectarios, præsertim Vbiqueistas, qui vt cælum, ita infernum ponunt vbique.*

*De sanctissima Trinitatis mysterio: præsertim,*

*De processione Spiritus sancti à Patre & Filio.*

*De Romano Catholica doctrina & controuersiarum Religionis indice.*

*Eiusdem Responsum ad Theses Hunnianas recognitum.*

G

Destra-

*De destructione Labyrinthi Hunniani, quæ Papiſticum inſcripſit; de Scriptura, de Perſona CHRISTI, de officio CHRISTI Redemptoris & Mediatoris.*

*Libros duos de more & iure prohibendi, cõburendi, & caſtigandi libros noxios & hæreticos.*

*Apologeticum aduerſus Introductionem in artem Ieſuiticam Gabrielis Lermei Caluiniſtæ.*

*Historiam ordinis Ieſuitici Eliæ Haſenmilleri, editam à Polycarpo Leiſero, correctã & refutatam.*

*Honorarium Polycarpicum.*

*Prædicantem vapulantem.*

*Augurationem Doctorem.*

*Indicium de norma & normato.*

*Paracletum Lutheranum, ad Lithum Caluiniſtam cum monſtrantiis, &c.*

*Banium & Mæuium, ſeu de Fidei iudice & norma: cum Portiuncula ellebori pro pædotriba Wittebergenſi & Miſeno Caluiniſta.*

*De modo agendi Societatis lib. I I. oppoſitos libello anonymo & famoſo. Accessit Vindicatio locorum quorũdam Tertullianicorum à peruerſis Franc. Iunij Caluiniſtæ deprauationibus.*

*De cognatione & affinitate.*

*De Iuſtificatione.*

*De Sacris peregrinationibus lib. I V.*

*De Supplicationibus lib. I I.*

*De ſpontanea diſciplinarum & flagellorum Cruce lib. I I I.*

*De Cruce ſpirituale librum ſingularem, cum ſpicilio pro libellis De ſpontaneis diſciplinis.*

*Exercitationum Theologicarum lib. V I.*

*Demonſtrationes fidei, ex communibus ſentiendi loquendi que formulis auctas.*

*Defen-*

*Defensionis Controuersiarum Rob. Bellarmini volumen primum.*

*Considerationes ad Theologos Venetos, de immunitate Ecclesiastica.*

*Ad Theologos Venetos Responſa quedam.*

*Orationes & quæſtiones de Luthero.*

*Versionem è Græco in Latinum Commentarij*

*S. Gregorij Nyſſeni in Inſcriptiones ſue Epigraphas Pſalmorum, vnaque Orationum Leonis Imperatoris.*

Item,

*Anaſtaſij Sinaitæ Ducem viæ, ſeu ὁδὸν, Latine reddidit.*

Præter hæc, quæ in vulgus exierunt, ſcripſit etiam *Comœdias nonnullas ſacras eruditas, & maxime pias, quæ hætenus excuſæ non ſunt, neque etiam Verſio XII. librorum Sancti Gregorij Nyſſeni contra Eunomianos pro Sancto Baſilio fratre ſuo, quam habet præ manibus.*

IACOBVS LAYNEZ, natione Hiſpanus, patria ex oppido Caſtellæ Almazan. Vir fuit omnibus numeris abſolutiſſimus, ingenio maximo, iudicio acerrimo, excellenti memoria, prudentia ſingulari, innocentia & vitæ ſanctimonia admirandus, modestia, affabilitate, manſuetudine, morum ſuauitate, ſupra quàm dici poteſt, amabilis. Primis litteris Seguntia & Soria imbutus eſt, Dialecticis ac Philoſophicis Compluti; vbi lauream etiam Magiſtralem eſt adeptus, Lutetia Pariſiorum ſeſe reformandum, ac veluti recoquendum aliis præceptoribus & Philoſophis tradidit, vt quæ inchoata & minus perfecta ſibi videbantur, expoliret ac perficeret. Quibus ſtudiis abſolutis, ad diuinas ſe Scientias penitus dedit, maximaq; animi contentione in S. Theo-

logiam incubuit, summusque Theologus euasit. B. P. nostri IG N A T I I constituendę Societatis socius inter primos & adiutor fuit. Per Italiam penę totam Verbum D E I ingenti auditorum concursu, admiratione, fructu disseminauit. Instituendorum Collegiorum nostrorum B. P. IG N A T I O ipse auctor fuit: utque multa præcipuis in ciuitatibus Italiae erigerentur Collegia, eius potissimum opera atque labore perfectum. Sacram Cardinalitiam dignitatem, ei à PAVLO IV. Pontifice Max. oblatam, repudiavit. Illo verò Pontifice mortuo, ac Sede Apostolica vacante, duodecim Cardinales ex vniuerso illo sacro Collegio lectissimi, in ipsum extra conclauem Romę agentem sua suffragia contulerunt, quò Pontifex Maximus fieret. B. P. IG N A T I O ad meliorem vitam translato, tum Vicarius, tum Præpositus Generalis, Societatem octo annos & dimidiatum rexit, quo tempore mirabiliter est propagata. In Galliam anno salutis M. D. LXI. à P I O Quarto Pontifice Maximo cum Hippolyto Estensi Cardinale Legato ad restringendum, si posset, incendium ab hæreticis excitatum amandatus, in publico totius Regni conuentu, Theodorum Bezam, Petrum Martyrem, aliosque nefarios hæreticorum antesignanos exultantes in mendacio, maxima sententiarum & verborum grauitate homo Hispanus, & hospes, repressit, frenauit, ac mutos reddidit. Ad Synodum Tridentinam ter profectus est, à PAVLO III. IVLIO item III. & P I O IV. missus, & tamquam Sedis Apostolicę Theologus, quid in quaestionibus propositis videretur grauissimè doctissimeque disputa- uit, & primum inter Theologos locum tenuit. Sub P I O verò IV. cùm Præpositus Societatis esset Ge-  
nera-

neralis, inter Patres, qui non solùm censendi ius haberent, sed etiam definiendi, & sedit, & sententiam tulit, tanta illius sacri Confessus approbatione, admiratione, acclamatione, vt omnium iudicio & consensu Theologorum princeps indicaretur. Concilio Tridentino feliciter absoluto, Romam reuertit; vbi morbo ex immoderatis studiis, vigiliis, laboribus contracto, cursum suum consummauit, & maximo nostris & alienis sui desiderio relicto, sanctissimè mortuus est x i x. Ianuarii, anno salutis M. D. LXV. ætatis LIII. vt diximus in libro quem de eius vita conscripsimus. Scripsit IACOBVS LAYNEZ, vel potius scribere aggressus est,

Libros x i i. *De Providentia*, quos adumbratos tantùm atque inexpolitos reliquit.

*Prolegomenon in uniuersam Scripturam* lib. i.

*De Trinitate* lib. i i i. magis elaboratos ac perfectos. Scripsit præterea,

*Indicem*, & tamquam siluam & materiem omnium ferè *illustrium sententiarum*, quæ passim apud sanctos Auctores (quos omnes perlegerat) reperiuntur; qui quidem vice locupletissimi Thesauri, & quasi omnium Doctorum promptuarium esse potest. Item,

*De Cambiis.*

*De Usuris.*

*De pluralitate beneficiorum.*

*De fuce & ornatu mulierum.*

*De Regno DEI.*

*De usu calicis.* & alia permulta, quæ ad Fidei dogmata in Concilio Tridentino tractata, vel explicanda vel confirmanda pertinent. Sed per grauissimas concionandi, Sacras litteras interpretandi,



disputandi cum hæreticis, peregrinandi, & gubernandi, ac perpetuas occupationes, hæc limare, & alia felicissimi sui ingenij atque exquisitæ eruditionis monumenta relinquere IACOBO non licuit.

IACOBVS LEDESMA, natione Hispanus, patria ex Cuellar Castellæ oppido. Vir fuit ingenij & doctrinæ magnitudine nobilissimus. In Complutensi Academia Philosophicas & Theologicas scientias didicit, in Parisiensi expoliuit, in Louaniensi perfecit, & ad fastigium perduxit, in omni litterarum atque disciplinarum genere, exquisita quadam ratione excelluit. Grammaticen, Rhetoricen, Dialecticen, Philosophiam siue de Natura siue de Moribus, Mathematicas scientias, atque omnium reginam Theologiam planè comprehenderat. Hac tanta rerum cognitione ac supellectile instructus, institutū vitæ suæ cursum, Louanij anno salutis M. D. LVI. magna hominum admiratione abruptit; & quas habebat honoris & dignitatis spes magnas abiicit, atque ex seclularium sapientium Academiis, in CHRISTI sese scholam transtulit, & discipulus nostra in Societate factus est; vt ea disceret mysteria atque intelligeret, quæ Pater cælestis sapientibus ac prudentibus abscondit, & reuelat paruulis. Deinde Romam iter instituit, vbi vix credas quanti fecerint eruditissimi quique Patres, cùm IACOBI LEDESMÆ ingenium, iudicium, doctrinam (quem non discipulorum, sed Preceptorum Magistrum appellabāt) tum maximè humilitatem, obedientiam, charitatem, sui contempionem, aliorum æstimationem, ceterasq; virtutes quæ in illo sic eminebant, vt tantum sapientiæ splendorem, quantus in ipso erat, clarissimis sanctimonix radiis superare, & quodammodo

modò obruere viderentur. Romæ controuersas de Fide Quæstiones cõtra hæreticos enodauit. Dium Thomam explicauit, Romani Collegij studiis præfuit, dubitationibus de moribus & Conscientiæ quæstionibus respondit, atque in ipso Iubilei anno, qui GREGORIO XIII. summo Pontifice celebratus est, cum maximus ex vniuersi orbis Christiani prouinciis Romam fieret concursus, & ingens peregrinorum turba conflueret, ne Confessarij nostri à confessionibus audiendis distraherentur, & variis conscientiæ quæstionibus dissoluendis implicarentur, vnus IACOBVS constitutus est, qui omnium vices subiret, & singulorum peregrinorum dubitationibus satisfaceret; quod dum egregiè præstat, & innumeri illum interrogant, & continuis consultationibus fatigant; dum omnibus studet respondere, nullumque à se inauditum dimittere, nato in capite apostemate, breui vir optimus & doctissimus, magno nostrorum dolore, ad tranquilliorẽ vitam translatus est, anno eodem Iubilei M. D. LXXV. ætatis verò plus minùs LV. aut LVI. Multa scripsit,

*De Dialectica, eiusque tradendi Methodo, lib. I.*

*Ethicen siue Philosophiam & Theologiam de moribus Tom. I.*

*Controuersarum quæstionũ aduersus hæreticos Tomum I. quæ tamen hætenus, quod sciam, lucem non aspexerunt. Exstant verò:*

*De Missa vulgari lingua non faciendâ, aduersus hæreticos liber singularis.*

*Doctrina Christiana. &*

*De modo Catechizandi lingua vulgari.*

*Grammaticæ Institutiones Latinè.*

IACOBVS PANTOIVS, natione Hispanus, scripsit

*De Religionis processu apud Chineses*, ad Ludouicum Gusmannum Societatis nostræ presbyterum, id Gallicè etiam apud Atrebates euulgatum.

IACOBVS PONTANVS, natione Bohemus, sed in Germania educatus. Vir in humanioribus potissimum litteris exercitatissimus, quique illarum studium ferè nostræ Societatis in Germania primus excoluit, & plurimos erudiuit discipulos, ac suo exemplo & cohortatione vt illos excolerent, incitauit. Scripsit,

*Progymnasmatum Latinitatis, siue Dialogorum, volumina quatuor*; in quibus omnia ferè quæ in consuetudinem vsuque communè incidunt, puro Latinoque sermone complexus est. Item,

*Institutiones Poëticas.* Item,

*Florida*, hoc est, Carmina sacra.

*Comœdias* prætereà aliquot *sacras*, quæ nondum prodierunt in lucem. Item,

Præclaros atque vberes *Commentarios in vniuersum Virgilium.*

Prætereà, edidit à se è Græco versum in Latinâ linguam, *Ioannem Cantacuzinum*; qui quatuor libris, bella inter Andronicum suum & Nepotem gesta, elegantissimè descripsit.

*Georgij Phranza Chronica Orientis imperij.*

*Philippi Solitarij Dioptram, & Nicolai Cabasila Vitam CHRISTI.*

*Simeonis Iunioris Orationes XXIII.*

Item,

*Simeonis Episcopi Thessali de Diuino Templo, & ascetica.* Item,

*Theophylacti Simocata historiam de Mauricio Imperatore.* Item,

Com-

*Commentaria in Prophetas minores B. Cyrilli Alexandrini.* Item,

*Dialogos quosdam de Spiritu & Carne.*

Meditatur in Ouidij Nasonis ea poemata, quæ tutò legi possint, *Commentarium.*

IACOBVS SIRMVNDVS, natione Gallus, patria Aruernus Ricomagensis, vir est totius antiquitatis curiosus inuestigator, & Latinè Græcèque impensè doctus. Scripsit quæ auidè ab omnibus expectantur,

*Commentaria in Sidonium Apollinarem Aruernū.*

Vertit è Græco in Latinum complures *Orationes SS. Patrum* numquam antea excusas, easque notis illustravit. Item,

*Vitam sanctissimi viri Pauli anachoreta* admirandam, hæctenus Latinis incognitam, ex antiquo Græco Codice Sfortianæ bibliothecæ, Latinitate donavit. De qua Baronius Card. Tom. x. Item,

*Vitam & præclaras res gestas Sancti Niconis* Græcè conscriptas, ex eadem Bibliotheca Sfortiana acceptas, in Latinum transtulit. Qui quidem *Nicon Armenus* genere fuit, & Cretensium ac totius penè Orientis Apostolus, & sanctitate, prædicatione, ac miraculis floruit, circa annum salutis DCCCCLX, teste eodem Card. Baronio Tomo x. Item,

*Petrum Siculum* Latinum fecit, qui aduersus Manicheos egregium edidit *Commentarium* ad Archiepiscopum Bulgariae. Item,

*Epistolas quasdam Theodori Studite.* Porrò de SIRMVNDO honorificè meminit idè Cardinalis Baronius Tom. VIII. & Tom. IX. *Hæc, inquit, Latinitate donavit IACOBVS SIRMVNDVS Societatis IESV professor, inter nostri sæculi primos viros disertus merito adnumerandus.*

IACOBVS SZAFARNIVS, natione Polonus, anno salutis M. D. LXXIV. habitum nostræ religionis suscepit, ac multis annis egregius Concionator fuit, & cum laude Superioris munere functus est.

Vertit Polonicè *Vitam B.P. nostri I G N A T I I*, à P. Petro Ribadeneira Latine conscriptam.

IACOBVS VANGROVITIVS, natione Polonus, anno salutis M. D. LXVI. Romæ in Nouitiatu rudimenta posuit, fuitq; Polonię prouinciæ Vice-prouincialis. Scripsit,

*Postillas in Euangelia.*

IACOBVS VIVECVS, natione Polonus, patria Vagobrecensis, adolescens nomen CHRISTO dedit in Societate, anno salutis M. D. LXIII. Deinde vitæ integritate prudentiæque laude eluxit, Latinis, Grecis atque Hebraicis litteris probè excultus, & scientiarum cognitione expolitus, trium Collegiorum Rector Poloniæ etiam atque Transyluaniæ Præpositus Vice-prouincialis fuit. Scripsit multa materna lingua ad refutandos potissimum hæreticos, & Catholicos in fide confirmandos. Ex quibus hæc sunt:

*Iudicium quorundam Catholicorum de confessione Sedomiriensi hæreticorum Sacramentarium.*

*Conciones in Dominicis & Festis diebus per totum annum*, quibus titulum fecit, *Postilla maior* in duas partes distincta, cum *Apologia eiusdem contra Gregorium Ternouium Sacramentarium.*

*Conciones breuiores Dominicorum & Festiuorum dierum per totum annũ*, seu *Postilla minor*. Quæ utraq; postillæ teruntur manibus parochorum.

*De Purgatorio liber.*

*Dialysis assertionum Iacobi Niemoretij.*

De

*De Ecclesia, doctrina Catholica, cum responsione ad obiectiones Iacobi Niemoreti.*

*Horarias preces B. MARIE Virginis in linguam Polonicam transtulit.*

*Vitam & doctrinam CHRISTI Saluatoris nostri, ex quatuor Euangelistis à Iansenio collectam, in Polonicam linguam vertit. Et quoniam hæretici nihil habent antiquius, quàm vt sacras Scripturas, tamquam communes Ecclesiæ fontes inficiant, deprauatis translationibus corrumpant, vt qui ex illis biberint, venenum hauriant; vt huic malo IACOBUS occurreret, *Nouum testamentum* iuxta vulgatam editionem similiter Polonicè transtulit, additis argumentis singulorum Caputum, & Annotationibus ad marginem, & Scholiis, seu Interpretatione Orthodoxa eorum locorum, quæ hæretici ad sua dogmata confirmanda impiè detorquent, & eorum item quæ ad stabiliendam Catholicam fidem faciunt.*

*Psalterium item Davidicum, cum similibus argumentis & Scholiis contra hereticos.*

Denique *Biblia vniuersa, iuxta vulgatam editionem* Polonicè reddidit; quæ, IACOBO VIVECO ad meliorem vitam translato, edita Cracouiæ sunt, anno salutis M. D. XCIX. iussu & sumptibus Stanislai Kankomij Archiepiscopi Gnesnensis Poloniæ primatis. Latine verò exiit in lucem *Defensio Sacrificij Missæ sacrosancti, aduersus Franciscum Stancarum.*

*Libellus item pro diuinitate CHRISTI D. N. & Spiritus sancti.*

Obiit diem suum bonus atq; eruditus Pater Cracouiæ, anno salutis M. D. XCVI I.

IGNATIUS AMANDVS, natione Gallus, Theologus

gus, *Epistolas* edidit contra Danielem Chamierum Calvinianę doctrine apud Allobroges ministrum.

IGNATIVS BALSAMON, natione Gallus, scripsit *Ascetica* quędam Latinę, quę & Gallico ac Belgico sermone leguntur. Item,

*Meditandi ac precandi modum*, Gallicę.

IGNATIVS MARTINEZ, natione Lusitanus, patria ex oppido Gouea Dięcesis Conimbricensis, ad nostram se Societatem adiunxit VIII. die Aprilis anni salutis M. D. XLV I I. Hic sacrę Theologię Doctor ac Philosophicis disciplinis apprimę excultus, in Academia Eborensi primus Aristotelis libros explanauit, & cursum, quem vocant, perlegendo confecit, Regi quę Sebastiano à sacris concionibus fuit. Postea Roma ex Congregatione generali in patriam rediens, totos XVI. annos, pueris, pauperibus, rudibus, seruis, militibus, Christiana doctrina imbuendis, & ad pietatem formandis, magna charitate, magno spiritus ardore consumpsit. Erat enim morum integritate, humilitate, sui neglectu, sæculi contempione, Dei atque proximorum charitate suspiciendus. Itaque omnibus Dominicis atque Feriatis diebus semel atque iterum concionabatur ad plebem in carceribus, & ad triremes damnatos, & verbis ardētibus ad detestationem peccatorum inflammabat. Sed dum aliorum salutem vt consulat sibi non parcat, in morbum incidit, & contempta vita mortali immortalem ac sempiternam consecutus est. Eius corpus Conimbricę pridie Kal. Martij anni salutis M. D. XCV I I I. sepulturę mandatum est incredibili hominum concursu, luctu, laude. Scripsit vir tantus *Quatuor tractatus* Lusitanicę valde pios & vtilis.

IOAN.

IOAN. ANT. VALTRINVS, natione Italus, patria Senensis, candidi vir ingenij, modestæque eruditionis, Sacras Romæ litteras decurso studiorum curriculo publicè professus, scripserat adolescens, dum Eloquentiam profiteretur, sibi, vt aiebat, & Musis, *De re militari veterum Romanorum* lib. v. ab ipsis etiam æmulis laudatos: quos olim sibi ablatos intuitu typis euulgatos inaudiuit.

*Annus ad hæc litteras Societatis anni M. D. XXCI. & M. D. XXCI I. Superiorum iussu conscripsit.*

IOANNES AQUAPONTANVS, natione Britannus, scripsit suppresso nomine,

*De persecutione Anglicana.*

IOANNES ARNBVSTERSVS, natione Germanus, patria Franco, siue ex Franconia, Societati se dedit admodum iuuenis, anno salutis M. D. LXXII. Qui Spiræ linguam Græcam, poësin, & politiores litteras (quibus ab initio delectatus est) aliquot annos professus, atque in eisdem studiis mortuus est anno salutis M. D. C. III. XXVII. Martij.

Extat *Oliuetum Spirense* rogatu Canonicoꝝ Spirensium editum; & sine nomine eius, *In mortem Danielis Archiepiscopi Moguntini varia comploratio, & successoris VVolfangi gratulatio.*

IOANNES AZOR, natione Hispanus, patria Murcianus ex oppido Lorca, à teneris, quod aiunt, vnguiculis, studiis deditus, & in nostra religione pænè educatus, in omnibus honestis disciplinis continenter versatus est, quas etiam præclare auditoribus enucleauit; & Compluti & Romę Diuinas litteras, & D. Thomę Theologiam, multos annos professus est, magno ingenio, excellenti memoria, assidua lectione, & egregia linguarum peritia. Scripsit,

*Rerum*



*Rerum Moralium seu Casuum cōscientia* Tom. III. valdè eruditos; quorum tamen tertius nondum lucem aspexit. Fuit vir non minùs candore animi ac vitæ integritate, quàm varia atque eximia eruditione insignis: qui Complutensis Collegij nostri Rector fuit, & magno doctis viris ac bonis omnibus sui relicto desiderio, annis grauis, laboribus fractus, meritis cumulatus, vitam cum morte Romæ commutauit, xix. Febr. anno salutis M. DC. III.

IOAN. BAPT. PERVSCVS, natione Italus, dedit, *Historicam narrationem de Rege Mogoratico & regnorum Iaponiæ conuersione*, ex litteris annuis M. D. XCII. M. D. XCIV. & M. D. XCV.

IOANNES BAPTISTA ROMANVS, natione Ægyptius, patria Alexandrinus, vir fuit pietate singulari & ardentissimo animarum zelo, pro quibus multas & benè longas peregrinationes suscepit, labores magnos sustinuit, varia salutis discrimina adiuit, persecutiones grauissimas passus est. Denique Romæ cessit è vita, anno salutis M. D. XCI. Scripsit, *Doctrinam Christianam* Italicè, cum iconibus mysteriorum fidei. Item,

*Catechismum lingua Hebræa, Arabica, & Maronitica.*

IOANNES BAPTISTA VELATVS, natione Italus, patria Pedamōtanus ex castello cui nomen est Creuacora, adolescens à B. P. N. IGNATIO in Societatem Romæ admissus est, & ad pietatem institutus. Deinde bonis litteris excultus, litteras humaniores in Societate docuit. Superioris sæpè & Concionatoris munere per diu functus est, & in senectute bona propè octogenarius quieuit in pace, anno salutis M. DC. I. Scripsit Italicè,

*Intro-*

*Introductionem ad vitam Spiritualem & perfectionem Christianam*, pro singulis statibus, conjugatorum, continentium, viduarum, virginum, & Religioforum, cum *Practica spirituali* communi omnibus.

IOANNES BAPTISTA VILLALPANDO, natione Hispanus, patria Cordubensis. Vide supra *Hieronymus Pratus*.

IOANNES BONIFACIVS, natione Hispanus, patria Ciuitatensis ex oppido Sancti Martini del Castanar, annum agens xviii. sese ad Societatis institutum applicauit, & cum ingenio atque eruditione præstaret, & in splendidioribus se disciplinis laudatè posset exercere; non vulgi trutina, sed prudentium virorum statera rem æstimans; maluit se ad pueros moribus formandos litterisque erudandos dimittere, quàm speciosa minusque utilia sectari. Quamobrem x l. propemodum annos docendis pueris impendit, magna charitate, magna industria, magno fructu; eius enim opera atq; institutione factum est, vt permulti eius discipuli, reiecta sæculi vanitate, habitum sacrarum religionum induerint, aliique prætereà multi vitam Christiano homine dignam traduxerint, magno Reipubl. bono. Scripsit BONIFACIVS,

*De Christiana institutione iuuentutis.*

*De Sapiente fructuoso.*

*Epistolas & orationes varias.*

*De vita & miraculis B. Mariæ Virginis.*

IOANNES BORDES, natione Gallus, patria Burdigalensis, scripsit Gallicè librum cuius titulus est,

*Les vrais abus des pretendus abus de la Messe: pour responce à B. Deloque ministre de Castel geloux.*

De

*De Sacrificio Missæ contra Calvinum.*

IOANNES BVSÆVS, natione Belga, patria Nouiomagensis, adolescens in ipso ætatis flore, atque vicesimum annum agens, Kalendis Iulij anni salutis M. D. LXIII. Societatem nostram complexus est. Deinde ad nostrum institutum conformatus, primum litteras humaniores ac Philosophicas docuit, tum Romæ Theologiam didicit, in qua eos fecit progressus, quos postea docendo & scribendo ostendit. Nam & sacram Scripturam, & Theologiam, quæ via & ratione philosophatur, & quæstiones de moribus, annos fermè duos & viginti Moguntia, ubi adhuc floret, professus est; innocentia ac sapientia opinione clarus. Edidit quæ sequuntur:

*Disputationem Theologicam de Ieiunio & delectu ciborum contra hereticos.*

*Disputationem de persona CHRISTI aduersus Vbiquitarios.*

*Apodixin Theologicam pro ritu orandi Rosarium B. MARIÆ Virginis, xx. propositionibus comprehensam.*

*Rosarij Hyperaspisten, hoc est, depulsionem cauillationum, quibus Calvinista quidam Heidelbergensis eiusmodi Apodixin frustra obscurare conatus est.*

*Disputationem Apologeticam pro Calendario Gregoriano contra Iacobum Herbrandum Doctorem Lutheranum Tubingensem.*

*Disputationem de descensu CHRISTI ad inferos, aduersus decretum libri concordie Lutheranorum.*

Item, *Apologeticam disputationem de persona CHRISTI, cauillationibus Stephani Gerlachij Vbiquistæ oppositum.*

Item,

Item, *Refutationem duplicem cavillationum à Stephano eodem obiectarum.*

*Responſionem ad Theſes Theologorum Lutheranorum Magdeburgēſium, de Miſſa Pontificia, & Cœnæ Dominicæ profanatione.*

*Diſputationem Theologicam de Baptiſmi neceſſitate, & de Baptiſmo Constantini Magni.*

*Paradoxa x x x. Gaſparis Schruenckfeldij Hæreſiarchæ, de toto CHRISTO DEO & homine, in ſtatera ſacræ Scripturæ, SS. Patrū, & Rationis expenſa. Ad hæc in lucem eruit,*

*Anaſtaſium Bibliothecarium de ſummis Pontificibus, numquam antea excuſum.*

*Cui adiuncti ſunt Luidibrandi Ticinenſis Diaconi (vel potiùs alterius) opusculum De ritu Romanorum Pontificum. Item,*

*Abbonis Floriacenſis Epitomen, ex Anaſtaſij historia excerptam.*

*Hincmari Rhemenſis Episcopi Epistolæ nōnullas numquam editas.*

*Vitam ſancti VVigberti ſocij ſancti Bonifacij Archiepiſcopi Moguntini, & B. Aupertij Bingionum Ducis.*

*Opera Petri Bleſſenſis Bathoniensis in Anglia Archidiaconi correctæ, & notationibus illustrata.*

*Et Joannis Trithemij opera de Eccleſiaſticis Scriptoribus. Et utriuſque Appendicem.*

*Idem Pater IOANNES BVSÆVS ex Italica lingua in Latinam vertit varia Indica, Iaponica, & Chi-nenſia.*

*Vincentij Bruni Tres Tomos Meditationum.*

*Fulvij Androtij opuscula De frequenti Communione, & De paſſione Domini.*

H

Reſpon-

*Responsionem Bellarmini ad Doctorem Theologum de censuris contra Venetos.*

*Gasparis Loartis de Mysteriis xv. Rosarij.*

*Francisci Arie tractatus, De imitatione B. VIRGINIS, De profectu spiritali, dissidentia sui, & mortificatione.*

\*IOANNES COVILLONIVS, natione Belga, patria Insulensis, vir si quis alius candidus, sincerus, pius, eruditus, qui anno (ni fallor) M. D. XLIII. Louanij se nostris adiunxit, & in Lusitaniam profectus, in Collegio Conimbricensi, ac Romano, & Ingolstadij in Germania item, Philosophicas atque Theologicas disciplinas professus est, & in Concilio Tridentino Alberti Ducis Bauariae nomine interfuit, ac sententias cum aliis Patribus dixit, & pie vita functus est, anno Domini M. D. LXXXI. Reliquit

*Assertiones in Epistolam priorem D. Pauli ad Corinthios, quam Romae interpretatus est, & in Psalmos Quaestiones.*

IOANNES DAVID, natione Belga, patria Cortracensis, gubernandi munere Cortraci, Bruxellis, & Gandavi claruit, dicendique venustate, & inuentionis solertia, iconibus scripta sua pleraque cum admiratione spectantium illustrat. Edidit autem,

*Veridicum Christianum, seu, de Fidei Christiana capitibus, Latine ac Belgice.*

*Occasionis Typum.*

*Paradisum sponsi & sponsae. in quo*

*Messis Myrrhae & Aromatum, siue, De Instrumentis ac mysteriis Passionis CHRISTI. &*

*Pancarpium Marianum, siue, De B. M. VIRGINIS laudibus gestisque.*

Et haec quidem omnia cum iconibus prodire in Plan-

Plantiniana officina. Belgicè verò scripsit,  
*Aluearium*, aduersus Philippum Aldegundum  
 Caluinianum.

*Araneum Hereticum.*

*Labyrinthum hereticorum.*

*Viridarium Rituum ac Cereemoniarum Ecclesie.*

*Oeconomum Christianum cum Spongia vitiorum.*

*Sortem sapientie.*

Item libellum qui inscribitur, *Lapis Lydius.*

IOAN. DECKERIVS, natione Belga, è Flandria  
 oriundus; Neapoli haustis quondam disciplinis sa-  
 crarum Litterarum ac Scholasticę Theologię, Dua-  
 ci & Louanij Grudiorum easdem publicè profes-  
 sus, scripsit,

*Exercitium Christiane pietatis.*

Gręcij verò in Austria docens, *Velificationem*, seu,  
*Theoremata de anno ortus ac mortis CHRISTI con-*  
*trouerso*, deque vniuersa CHRISTI in carne *Oecono-*  
*mia*. daturus breui & Tomos aliquot

*De sacra Chronologia, seu Temporibus.*

IOANNES DOMINICVS CANDELA, natione Si-  
 culus, patria ex oppido sancti Philadelphi, ingres-  
 sus est Societatem, anno salutis M. D. LXIII. ata-  
 tis XXII. qui postquam per XX. annos concionato-  
 ris partes egit, ac trium Collegiorum & Professę  
 domus Panormitanę curam habuit, & Nouitiis no-  
 stris ad Religionem formandis operam impendit,  
 Prouincię Sicilię præfuit. Scripsit,

*Librum De Virginitate*, in tres tractatus distin-  
 ctum, videlicet,

*De Bono Virginitatis.*

*De statu Virginitatis.*

*De moribus Virginum.*

IOANNES DVRÆVS, natione Scotus, scripsit libellum in quo *x. propositiones Edmundi Campiani* eruditè propugnat, & aduersus calumnias hæreticorum defendit, potissimum contra Wittakerum ministrum.

IOANNES FERDINANDVS, natione Hispanus, patria Toletanus, vir singulari eruditione & pietate, Græcas litteras professus est Toleti antequam CHRISTO in Societate nomen daret: deinde tanta auiditate ac studio sacram Theologiam arripuit, haussit, perdidicit, vt in Hispania, & Romæ, & in inferiore etiam Germania, illam publicè explanaret; & Hispanica, & Latina, & Italica lingua concionibus habendis, vehementer populum commoueret ad pietatem. Erat enim silentio, lectioni, orationi omnino deditus, & à confabulationibus & communi hominū consuetudine alienus, nisi si quid ad ipsorum utilitatem transigendum esset. Itaque assidua oratione ac familiaritate cum Deo viuebat; & sanctarum Scripturarum lectione, tamquam cælesti manna pascebatur: Dei zelo animarumque salutis vsque adedò ardebat, vt in Germania inferiore, cum in exercitu Regis Catholici Philippi Secundi iuando milites versaretur, in apertum se nonnumquam discrimen coniceret, & in eas se angustias sepe inferret, vt ab hostibus vndique tormentis telisque missilibus appetitus, vix posset euadere, absque miraculo. Idque ea tantummodò ratione, ne milites in fossa faucij, atque animam agentes, sine confessione peccatorum è vita decederent. Multas habuit diuinas illustrationes, quibus mirificè à DEO recreabatur. Obitus sui diem presensit ac præsignificauit, & Palentia sanctè decessit è temporali ista  
atque

atque ærumnosa vita, ad sempiternam illam atque felicissimã, in qua DEVS videtur sicuti est, anno salutis M. D. XCV. IX. die Martij, ætatis suæ LIX. quorum XL. vixit in Societate. Scripsit,

*Diurnarum Scripturarum iuxta sanctorum Patrum sententias locupletissimum Thesaurum*, tribus Tomis distinctum: in quo per singulas dictiones, ordine Alphabeti litterario, Parabolæ, Metaphoræ, Phrasæ, & difficiliora loca totius sacrae Scripturæ declarantur. Ex tribus his Tomis primus exiit in lucem, & typis mandatus est. Secundus omnino absolutus prælum expectat. Tertio inchoato & ad fastigium panè perducto finem FERDINANDO imponere morte intercepto non licuit.

IOAN. FRANC. CARETTONIVS, natione Italus, patria Romanus, edi permisit à se habitam.

*Orationem de CHRISTI MORTE.* Item,

*Annua Societatis litteras*, anni M. D. XCIII.

IOANNES GABRIEL BISCIOLA, natione Italus, patria Mutinensis, annum agens XVII. cum fratre *Lalio Bisciola* natu minore Romæ à B. Patre nostro IGNATIO in Societatem admissus est, anno salutis, ni fallor, M. D. LV. postea humanioribus, Philosophicis, atque Theologicis litteris eruditus, & aliquot Collegiis præfectus, præclara religionis, modestiæ, prudentiæ vbique documenta præbuit, seq; verum IGNATIÏ filium præstitit. Scripsit,

*Epitomen decem Tomorum Annalium Card. Baronij*, magno labore, iudicio, ac Reipub. bono. Nam cum breuitate perspicuitatem coniunxit, & selectissima quæque, & ad Ecclesiasticæ historiæ cognitionem vtilissima, ita decerpit, collegit, & in vnum opus redegit, vt viri eruditi, qui à lectione *Anna-*



*lium Card. Baronij*, propter eorum immensitatem, pænè deterrebatur, facillimè possint opus ingens in compendium contractum, absque temporis iactura percurrere.

IOANNES GIBONVS, natione Anglus, patria Wintoniensis, propter insignem probitatè ac scientiam à GREGORIO XIII. Pont. Max. Canonicatu Bonnenfi in Vbiis donatus, omnibus diuitiis & honoribus, CHRISTI ignobilitatem ac paupertatem prætulit; & anno salutis M. D. LXXVII. Societatem nostram ingressus est Treueris, vbi sanctè Theologiæ Doctor & Professor, & Collegij Societatis Rector fuit. Scripsit,

*Disputationem de Sanctis.*

*Confutationē virulentæ disputationis Georgij Schon Calviniani Professoris in Academia Heidelbergensi, qui conatus erat docere Pontificem Romanum esse verum Antichristum.*

*Disputationem De communionē Eucharistia sub vna specie.*

*Concertationem Ecclesie Catholice in Anglia aduersus Caluino-papistas & Puritanos sub Elizabetha Regina, in tres partes diuisam.*

Vir fuit verè humilis, suavis moribus, zelo ac charitate feruens, qui in monasterio Himmelrodensi, quò salutatum monachos amicos suos venerat, anno salutis M. D. XXCI. III. Decembris piè cessit è vita.

IOANNES HAIVS, natione Scotus, scripsit Scoticè & Gallicè,

*Interrogationes ad Sectarios predicantes.*

*Apologiam illarum, Gallicè.*

*Antimonium ad Responfa Beza, Gallicè.*

Latinè

Latinè verò scripsit, *Disputationum lib. 11. contra  
Ministrum Anonymum.*

*Scholia breuia in Bibliothecam sanctam Sixti Sen-  
nensis*, in Lugdunensi editione.

Collegit ac vertit *Iaponicas ac Peruanas Sociorum  
Epistolas*, editas typis Nutij.

Obiit Mulsiponti XXI. Maij anno M. DC. VIII.  
quo anno & Carolus III. Lotharingæ Dux, de  
nostris benè meritus, decessit.

IOANNES HAIVS SERVIVS, natione Belga, pa-  
tria Hannonius, Philosophiam Duaci, Sacrasque  
litteras publicè professus, gubernandi munus diu  
tenuit. Edidit Duaci Belleri typis,

*Concordiam IV. Evangelistarum*, cum SS. Patrum  
Græcorum Latinorumque in eamdem sententiis.

IOANNES HARLEMIVS, natione Batauus, patria  
Harlemensis. Vir in sacris Scripturis peregregiè  
versatus, quas & ex Hebræa lingua Louanij apud  
suos interpretatus est. Scripsit,

*Indicem Biblicum*, breuitate exiguum, utilitate  
maximum.

IOANNES HESIVS, natione Belga, patria Syluæ-  
ducensis, XIV. Ianuarij anno salutis M. D. LXII.  
Coloniæ nostris adscriptus est. Hic in Prouincia  
Rheni strenuum se Societati ministrum exhibuit.  
Nam Coloniæ ter Philosophiæ docendæ, Herbipo-  
li Theologiæ nonies, obeundæ Prouinciæ adiunctus  
comes & Consiliariis tribus Præpositis Prouincia-  
libus, assiduam atque vtilissimum laborem impen-  
dit. Rectoris officium bis Emericæ Clitorum, Pro-  
uincialis semel obiit. Constantiâ animiq; magni-  
tudine tanta præditus, vt Embrica cum suis ab hæ-  
reticis cedere iussus, neque minis, neque terroribus,

neque hostium exercitu se de mentis constantia deduci passus sit, perstiteritq; hæreticis inuitis ac frementibus in ciuitate. Scripsit, vel perfecit potius,

*Opus Petri Busæi, qui Catechismum P. Petri Carnisij sanctorum Patrum auctoritatibus locupletauit.*

Illustrauit etiam *Cæsarij Heisterbachensis exempla;* & vt visiones quæ in illis referuntur, confirmaret, benè longam Præfationem adiecit.

IOANNES LORINVS, natione Gallus, patria Aui-nionensis, vir doctus, & qui Sacras litteras cum laude professus est. Scripsit,

*Commentarios in Acta Apostolorum, & in Ecclesiastem, & Sapientiam Salomonis.*

IOANNES LVCENA, natione Lusitanus, patria ex oppido Trancofo Diœcesis Vifensis, in Collegio nostro Conimbricensi, puer xv. annos natus ad Societatem admissus est, ipso die Natalitio D. N. I. E. S. V. CHRISTI, anno salutis M. D. L. X. V. Deinde Philosophicis atque Theologicis litteris excultus est, magnamque bonarum artium scientiam consecutus. Aristotelicas disciplinas Eborësi in Academia professus est. Sed cum aliis rebus L. V. C. I. E. N. A. excelluit, tum maximè Oratoria facultate. Itaque de loco superiore ad populum verba faciens, admirabili hominum concursu, plausu fructuque audiebat. Quo in concionandi munere x. x. annos maxima cum laude posuit, & ad extremum vsque spiritum perseuerauit; quem in D. Rochi professa domo Olyssiponensi piè sancteque effudit, anno salutis M. DC. II. Octobris. Vir fuit omnibus ornatus virtutibus, sed potissimum patientia, animi submissione, lacrymarum dono, & in aduersarios caritate. Scripsit materna atque eleganti lingua libros x.

De

*De Vita B. Patris Francisci Xavier, de quæ rebus, ipso vivente, à nostris in India gestis.*

IOAN. LVDOVICVS DE LA CERDA, natione Hispanus, multæ vir lectionis atque indefessi studij, Eloquentiæ ac Poëticæ in Societate assiduus in Carpetanis professor, accuratum dedit *Commentarium in Bucolica & Georgica Virgily*; breuiorem mox in XII. *Aneidos libros* daturus: polliceturque, si vitæ vsura longior DEI benignitate dabitur, manumissurum se & *Tertullianum* antiquissimum & gravissimum scriptorem à se edolatum.

IOANNES MACIRVS, natione Germanus. Scripsit *Breuiem admonitionem in epistolarem disceptationem inter se & Dauidem Paræum Calvinistam Heidelbergensem.*

IOANNES MAIOR, natione Belga, Atrebas patria, edidit à se emendatum, Exemplis ac notis auctum, *Speculum Exemplorum* anonymi, sæpius Duaci nunc euulgatum.

IOANNES MALDONATVS, natione Hispanus, patria Bæticus, vel potius ex ea parte antiqua Lusitaniæ, quæ *Estremadura* hodie dicitur, ex oppido quod vulgò vocatur *Fuente del Maestro*. Primam ætatem in Academia Salmanticensi egit, doctissimis & celeberrimis vsus præceptoribus; inter quos *Franciscus Toletus* S. R. E. postea Cardinalis fuit. Deinde studiis confectis, se nostræ Societati consecrauit. Tum Romam euocatus, in Collegio nostro Theologiam docuit. Sed dum Collegij nostri Parisiensis scholæ primùm aperiuntur, singulari Dei consilio Lutetiam est missus: vbi primus è nostris Theologiam totos x. annos professus est, magna celebritate, ingentiq; auditorum concursu, nec mi-

nore fructu : nam eius è ludo prodierunt viri eruditi quamplurimi, Episcopi, Doctores, Concionatores, Parochi. Fuit vir ingenij subtilis, iudicij admirabilis, memorię excellentis, diligentię incredibilis, indefessi studij, laboris supra vires patiens. Atque hæc DEI dona aliis maioribus obscurabantur. Magna enim in eo erat rerum despicientia, magna laudis & aurę popularis contemptio, humilitas ac modestia eximia, ardens ac iuge Orationis ac Meditationis studium, summa in cibo potuq; parcitas, paupertatis Euangelicę rigida obseruatio : in summa, vir fuit mundo sibiq; crucifixus : qui denique à GREGORIO XIII. Pont. Max. è Gallia in Urbem accersitus, vt operam suam præstaret ad editionem Græcam LXX. Interpretum, quã parabat; haud multo post Romę cessit è vita, piorum laborũ præmia à DEO cõsecuturus, ætatis vixdũ anno L. salutis verò M. D. XXCIII. ineunte. Scripsit eruditissimos *Cõmentarios in quatuor Euangelia*, in II. Tom. diuisos, qui in Lotharingiæ præclara Academia Musipontana apud Stephanum Mercatorem anno salutis M. D. XCVI. primũ, & deinceps passim in Gallia, Italia, & Germania editi sunt. Scripsit etiam, *Summam casuum conscientie.*

*Commentarios in Prophetas maiores.*

Atque alia præstantissimi sui ingenij nobis reliquit monumenta, quę nondum tamen typis excusa sunt.

IOANNES MARIANA, natione Hispanus, patria Talabricensis, Diœcesis Tolet. adolescentulus XVII. annos natus, cum litteris Compluti operam daret, nuncium mundo remisit, seque Societati nostrę dedicauit, anno salutis M. D. LIV. Deinde maximo ingenio, peracri iudicio, singulari memoria, multo-

rum

rum annorum studio, omne disciplinarum genus diligentissimè excoluit, & ad S. Theologiam, raram omnium liberalium artium & Historiarum Ecclesiasticæ tum profanæ cognitionem, & præterea Latine, Græcæ, atque Hebraicæ linguæ peritiam adiūxit. Romæ, in Sicilia, in Academia Parisiensi D. Thomam Aquinatem magna cum laude publicè est interpretatus. Est enim in inueniendo acutus, in iudicando seuerus, in disponendo distinctus, perspicuus in explicando, acer in disputando: sed morbis impeditus, coactus est studiorum cursum vel interrumpere vel remittere, & animum ad studia leuiora transferre. Itaq; in Hispaniam rediit, & Toleti commoratur; vbi ne nihil ageret, scripsit hæcenus,

*Annalium Hispaniæ libros xxx.* Latine & Hispanicè. De cuius Historia sic Cardinalis Baronius Tom. VII. Annalium Ecclesiast. *Sensit hoc atque sugillauit veritatis amator, & pietatis optimus cultor, qui erudito stylo postremam manum apposuit rerum Hispanicarum historie, Hispanus & ipse, sed affectu priuato carens, IOANNES MARIANA dignus Professor Societatis IESV.* Item,

*De Rege & Regis institutione, lib. III.*

*De ponderibus & mensuris, lib. I.*

*Tractatus VII. cum Historicis, tum Theologicis: nimirum,*

*De aduentu B. IACOBI Apostoli in Hispaniam.*

*De editione Vulgata SS. Bibliorum.*

*De die & anno mortis CHRISTI.*

*De annis Arabum cum annis nostris comparatis.*

*De spectaculis.*

*De moneta mutatione.*

*De morte & immortalitate lib. III.*

*Biblio-*

*Bibliothecam Photij, in Epitomen redegit: & Latinas fecit B. Cyrilli Alexandr. Episc. & optusinas Homilias: quæ duo tamen lucem nondum aspexerunt.*

IOANNES PETRVS MAFFÆVS, natione Italus, patria Bergomas, vir si quis alius nostro sæculo Latinè Italicèque scribendi peritus. Cùm iuuenes aliquot nobilissimos Liguriæ in ciuitate Genuensi instituisset, & ad eloquentiam conformasset, Romam venit, & se in probationis domum ad Societatis nostræ regulam formandum tradidit, anno salutis, nisi memoria fallit, M. D. LX. ætatis circiter xxx. Scripsit pereleganti stylo,

*Historiarum Indicarum lib. xvi.*

*Selectarum item ex India Epistolarum lib. iv.*

*De vita B. P. N. IGNATII LOVOLÆ lib. iiii.*

*Item, Vitæ xiiii. sanctorum Confessorum, Italicè.*

*Fertur & reliquisse De Vita GREGORII XIII.*

*Pont. Max. libros xiiii.*

Obiit ingenti Sociorum luctu, anno salutis M. DC. III. xx. Octobris.

IOANNES MULHVSINVS, natione Germanus, patria Thurinus, S. Theologiæ Doctor & Professor. Scripsit pro Catholica religione, contra Dauidem Paræum Heidelbergensem Ministrum,

*Speculum miseriarum Dauidis Paræi.*

*Censuram disputationis primæ de sacra Scriptura auctoritate, necessitate & usu, Dauidis Paræi: adiectis etiam Notis & Animaduersionibus cum Vindicatione. Item,*

*Censuram Moguntinam disputationis eiusdem Paræi.*

*Auctarium speculi miseriarum eiusdem Calvinistæ.*

IOAN.

IOANNES ORANVS, natione Belga, patria Leodiensis, vir fuit virtute, litteris, prudentia, & rerum agendarum peritia insignis, qui Theologiam Lutetia Parisiorum professus est, & aliquot Collegiorum nostrorum Rector, & Belgicę Prouincię Viceprouincialis fuit: anno salutis M. DC. III. pię vita defunctus est Montibus Hannoniæ. Transtulit eleganti stilo in Latinam linguam ex Hispana librũ

*P. Petri Ribadeneira, de Principe Christiano, aduersus Nicolaum Machiavellum, ceterosque huius temporis Politicos.* qui liber Antuerpiæ primũ editus est apud Ioachimũ Trognesium, anno M. DC. III. & deinceps in Germania. Scripsit &

*Litteras Iaponicas, Magarenicas, & Chinenses.*

Breuem item pro Societatis innocentia Defensionem aduersus Lugduno Batauos.

IOANNES OSORIVS, natione Hispanus, patria Burgensis, ex oppido Villafandino, adolescentulus XVI. tantũ natus annos, Societati se tradidit Salmantica, anno salutis M. D. LVI. in qua grauiores disciplinas didicit, & professus est Vtilem atque assiduam in concionibus ad populũ habendis operam posuit; & vt stylo posteris prædesset, sicut presentibus voce profuerat, *Tomos quinque Concionum* in lucem emisit, *sextum* absolutum, & prælo paratum reliquit, qui denique in Collegio nostro Methymnensi, cursu huius vitæ feliciter confecto, migravit ad Dominum, anno salutis M. D. XCIII. ætatis LII.

IOANNES PELECYVS, natione Germanus, Ingolstadtij S. Theologiæ Professor. Scripsit,

*De Virtutibus Theologicis, Fide, Spe, & Charitate, singulos libros.*

De



*De Ecclesia CHRISTI militante in terris.*

*De Iustificatione hominis iniusti coram DEO.*

*De B. MARIÆ Virginis vita ad publicam disputationem proposita.*

*De Deo quàm is ex creaturis à nobis cognoscitur.*

*De originali hominis iustitia & iniustitia.*

*De Sacramentis novæ Legis.*

*De augustissimo Eucharistiæ Sacramento & sacrificio.*

IOANNES PINEDA, natione Hispanus, patria Hispalensis, vix ephebus, ætatis anno xv. nondum expleto, salutis M. D. LXXII. sæculo valedixit; & CHRISTI vexillum secutus, Societati nostræ nomen dedit, in qua & Philosophicas litteras & Theologicas præclarè didicit, & professus est: nam & Aristotelem quadriennium feliciter exposuit, & D. Thomam biennium interpretatus est, & sacros Diuinæ Scripturæ fontes v i i. annos tum Cordubæ tum Hispali patefecit. Scripsit excellenti ingenio, magno iudicio, varia eruditione,

*Commentariorum in Job, Tomos i i. meditaturq; & alia in S. Scripturam.*

IOANNES POLANCVS, natione Hispanus, patria Burgenfis, humanioribus litteris excultus, & Philosophicis etiam disciplinis in Parisiensi Academia eruditus, Romam venit, vbi Scriptor (vt vocant) Apostolicus factus, in ipso iuuetutis flore animum appulit ad nostram Societatem, anno salutis M. D. XLII. Deinde Patauij S S. Theologiæ dedit operam, magno ingenio, graui iudicio, labore assiduo. Postea Romam à B. P. nostro I G N A T I O reuocatus, omnium per ix. annos consiliorum, actionum, totius denique gubernationis præcipuus minister illius

illius atque adiutor fuit. B. verò IGNATIO in cœlum sublato, apud *Jacobum Laynem* (cuius etiam Assistentis fuit) & apud *Franciscum Borgiam*, qui proximè in Generalatu IGNATIO successerāt, eundem locum tenuit. In gubernanda namque Societate illi plus IOANNE POLANCO utebantur nemine. Ille à secretis erat; ille omnium litteris ac consultationibus respondebat: ille negotiorum, ille rei familiaris curam gerebat; vt vnus omnium fermè obire officia, & suis humeris vniuersam quodammodò Societatem sustineree videretur: exquisita obedientia, diligentia singulari, rara patientia atq; modestia. Illud prætereà sæpenumerò non absque admiratione animaduertimus, in ipso maximarum occupationum concursu, eundem semper vultum, eandem in IOANNE POLANCO frontem fuisse. Post obitum *P. Francisci Borgiæ* factus est Vicarius Generalis, præfuitque Congregationi Generali, qua *P. Euerardus Mercurianus* Præpositus Generalis creatus est: à quo missus in Siciliam, vt Prouinciam illam visitaret, suo munere egregiè perfunctus, Romam rediit; vbi haud multò post ex morbo decubuit, & optimè de Societate, atque adeò de vniuersa Ecclesia meritis, sexagenario maior, è vita decessit, anno salutis M. D. LXXVII. Scripsit Libellos tres pios atque eruditos:

*Directorium Confessariorum.* alterum,

*Methodum iuuandi eos, qui animam agunt, ac morti proximi sunt.* tertium,

*De septem Peccatis mortalibus.*

*De Humilitate* item paulò ante mortem aptissimè ac luculenter scripsit.

IOANNES RABELLYS, natione Lusitanus, patria  
ex op-

ex oppido Prato, Diœcesis Lamecensis, puer xv. tantum annos natus Societatem nostram expetiuit, & complexus est xxij. Julij, anni salutis M. D. LXX. Is ad omnem se virtutum disciplinam mirum in modum exercuit, oratione excelluit, mortificatione præstitit, caritate erga proximos fuit admirabili. Itaque totos ipsos pænè xliij. annos, quos in Societate vixit, audiendis confessionibus, concione commouendis populis ad pietatem, congregationibus instituendis, sanctè vtiliterque traduxit. Animarum que in purgatorio culparum suarum pœnas exsoluit, assiduus atque pius auxiliator fuit. Dominicæ passionis perpetuus meditator, beatissimæ Virginis MARIÆ addictissimus seruus, in cuius patrocinio acquiescebat, in eaque colenda, laudibusque prædicandis multus erat. Ex quo populos maximè hortabatur, vt piis precibus, ieiuniis, elemosynisque, defunctorum in CHRISTO animas à Purgatorij acerbissimis cruciatibus liberarent, & CHRISTI Saluatoris in Cruce affixi memoriam perpetuò retineret, & ad sacratissimam VIRGINEM tanquam ad portum, siue adspirante, siue reflante fortuna, confugerent. Et vbiicumque locorum poterat Sodalitates piorum hominum ad hæc tria præstanda instituit, & legibus informat; itaque eius opera, pietas, orationis studium, & in Deiparam deuotio in Lusitania mirificè est propagata. Sed IOANNEM RABELLVM hæc meditantem, agentem, perficientem, mors sustulit, atque ad beatam vitam, vt speramus, transfudit, xiv. Julij, anni salutis M. DC. II. Scripsit librum *de Rosario* (sic enim vocant) *B. Virginis MARIÆ*. Item,

*Dialogos duos de eadem sanctissima Virgine.*

*Commen-*

*Commentationes ad doctrinam Christianam.*

*Tractatum de Vita CHRISTI.*

Alia præterea multa scripsit, quæ nondum lucem aspexerunt, breui fortè tamen aspicient.

IOANNES RENAVDIANVS : scripsit librum cui titulus,

*Affectus anime deuotæ ex Psalmodia Davidica.*

IOANNES RHETIVS, natione Germanus, patria Colonienſis, ex familia patricia Conſulari, Romam anno ſalutis M. D. LIV. profectus eſt, iuuenis, uiuente adhuc B. P. noſtro IENATIO : deinde in Collegio Romano excultus, & grauioribus diſciplinis eruditus, rediit in patriam, vbi Theologiam docuit, & concionibus populum vehementer inflammauit ad pietatem; & tum ſingulari animi modeltia & lenitate, tum exquisita ſolidaque doctrina hæreticorum conatus repreſſit, multumque Catholicæ religioni attulit adiumenti. ſed vir maximè religioſus ac pius ab homine infano (iudicia DEI abyſſus multa) miſerabili caſu interfectus eſt, anno ſalutis M. D. LXXIV. Scripsit ſuppreſſo nomine,

*Obſeruationes in librum primum Epift. M. Tullij Ciceronis ad T. Pomponium Atticum.*

IOANNES THEODORICI MACHERONTINVS, natione Belga, ex oppido Macheron, quod dittonis Luxemburgenſis ad Moſellam fluuium ſitum, prodiit in lucem; atque anno ſalutis M. D. LXVII. Martij die octaua in Societatem Treueris admiſſus eſt: qua in ciuitate, & Colonie item, Aquisgrani & Spiræ, docendo, concionando, confeſſiones ſacras audiendo, idoneum ſe CHRISTI fidelemque miniſtrum præbuit. Eſt enim vir ſincerus, religioſus, & gloriæ Dei ſalutiſque hominum amans. Scripsit

I

pro

pro eruditione Parochorum, *Catechismum*, Treuerensis Archiepiscopi auctoritate euulgatum.

IOANNES TORRES, natione Hispanus, patria Methymnensis, quindecim annorum dumtaxat se addixit Societati, & volumen scripsit Hispanicè, variæ eruditionis, quo *Christianam Philosophiam de moribus* xxv. lib. complexus est, Burgis excusum. Qui thesaurus è Patribus & Philosophis sententias summo delectu quæsitæ continet.

IOANNES ROXAS, natione Hispanus, patria Toletanus, adolescentulus xvii. annos natus Societatem nostram ingressus est, anno salutis M. D. LXIX. & postea ad Religionem institutus, & litteris probè instructus, tum docendo, tum concionando, tum etiam gubernando, benè meritus est de Societate, &

*Libros Horatii Turfellini de sacra domo Lauretana*, ex Latina in Hispanicam linguam conuertit. Sed cùm opus ingens *De vita ac morte CHRISTI Domini nostri* haberet in manibus, ac prælo subiicere cogitaret, ad felicioram vitam translatus est, in Collegio nostro Madritano xxix. Septembris, anno salutis M. DC. V.

IOANNES VÖELLVS, natione Gallus, Eloquentiam apud suos annos plurimos professus, composuit, & typis euulgauit,

*Artificium componende Orationis.*

*De ratione conscribendi Epistolas.*

In Mathematicis verò,

*De Horologiis sciothericis.*

IOANNES VVIALIVS, natione Roxolanus, patria Leopoltanus, Romæ iuuenis, atque artium Magister cùm esset, ad nostrorum numerum adscriptus est, vir mitis omnino, eruditus, Musarumq; amantissimus.

tiffimus. Scripsit Polonicè,

*Meditationes Vitæ CHRISTI.*

*Meditationes* item B. MARIE *Virginis*; & *Formam Vitæ Christianæ*, adiunctis variis precationibus.

IOSEPHVS ACOSTA, natione Hispanus, patria Methymnèsis, à puero se Religioni nostræ addixit, & quatuor alios natu maiores fratres habuit in Societate: quorum duò mortui, duo alij *Hieronymus* & *Bernardinus* superstites adhuc sunt. Ipse verò IOSEPHVS præstanti ingenio, acri iudicio, labore indefesso, omne disciplinarum genus didicit & professus est. Deinde in occidentis Solis Indiam nauigauit, & Peruānam nostræ Societatis Prouinciam, Præpositus Prouincialis gubernauit. In Hispaniam reuersus, in Aragoniæ ac Baticæ prouinciis Visitatoris partes egit; aliis etiam regendi muneribus functus est. Scripsit,

*De CHRISTO reuelato* lib. IX.

*De Temporibus nouissimis* lib. IV.

*De Natura Novi orbis* lib. II.

*De procuranda Indorum salute* lib. VI.

*Historiæ Naturalis & Moralis India* lib. VII.

*Concionum* Tomos III. graui & eleganti stylo.

Demum cùm Salmanticensis Collegij nostri habenas regeret, atque integritatis, doctrinæ, ac prudentiæ laude floreret, morbo oppressus & extinctus est, anno salutis M. D. XCIX. ætatis fermè LX.

IOSEPHVS BLONDVS, natione Siculus, patria Bibonensis, Prouincialis tum Longobardiæ tum Siciliæ munere functus est, ac librum scripsit *Meditationum*, ad iuuandos & promouendos eos, qui in spiritu proficere cupiunt.

**IOSEPHVS CRESVELVS**, natione Anglus, patria Londinensis, nonnulla suppressio nomine euulgauit ad refutandas hereticorum calumnias, & detegendas fraudes, quibus Politici ad circumueniendos atque opprimendos Catholicos abutuntur.

Descripsit & *Martyrium P. VValpoli*, in Anglia passum: quod & Gallicè atq; Hispanicè circumfertur.

**IVLIVS FACIVS**, natione Italus, patria Neapolitanus, à prima ætate sæculi inanitate reiecta, institutum nostrum amplexus est: in Lusitania diu vixit, & litteris eruditus est. In Italiam reuersus, Domui probationis sancti Andree Romæ præfuit, Patri *Euerardo* Præposito Generali à Secretis fuit: postremò Siciliae Prouincialis, & pie vitam cum morte commutauit. Scripsit Italicè,

*De Mortificatione.*

**IVLIVS MAZARINVS**, natione Siculus, patria Panormitanus, sed Genua oriundus. Adolescentulus in Sicilia nostræ se Societati dicauit, in qua & excultus ad pietatem, & humanis atque diuinis disciplinis expolitus est. Vir est acuto, prompto, & facili ad omnia ingenio; sed ad concionandum, & populum verborum copia & elegantia retinendum, aptissimo. Itaque in præcipuis ac celeberrimis Siciliae atque Italiae ciuitatibus, de loco superiore verba faciens, magno auditorum concursu & plausu auditus est. Scripsit Italicè,

*In Psalmum Davidis l. discursus*, sic enim vocat, *centum*: in quibus ipsius Davidis lapsi, pœnitentis, & sanctè efflorescentis status ac formas depinxit, & ad viuum expressit. Viuit adhuc, Panormitanæ domus Professæ Societatis Præpositus.

**IVLIVS NIGRONIVS**, natione Italus, edidit à se  
habi-

habitam *Orationem in laudem S. HYACINTHI*, cum à CLEMENTE VIII. in SS. numerum referretur.

IULIVS PRISCIANENSIS, natione Italus, patria Florentinus, Ingolstadij in Sacrarum litterarum professionem Theodoro Peltano successit. Edidit Dilingæ, *Regulas D. Augustini, cum Commentariis doctissimis Umberti S. R. E. Cardinalis, & Hugonis de S. Victore.*

## L.

LAMBERTVS AVER, natione Germanus, patria Papenbergensis ex comitatu Tirolensi, adolescens se CHRISTO in Societate nostra consecrauit; & Philosophicas & Theologicas scientias nostro in Collegio Romano didicit, easque in Academia Moguntina egregiè professus est: fuitque primus Collegij Moguntini Rector, Danieli Archiepiscopo mirum in modum gratus. Sed dum nomine Prouinciæ Rheni ad tertiam Congregationem Generalem proficiscitur, quæ anno salutis M. D. LXXIII. celebrata est, in eaque P. Euerardus Mercurianus quartus Præpositus Generalis electus, magno omnium dolore, vix finita electione, extinctus est. Erat enim vir humilis, deuotus, sincerus, & omnibus virtutibus ornatus: in quo splendebat maximè ardens DEI gloriæ zelus, & singulare ad hæreticos vel frenandos vel ad fidem Catholicam conuertendos studium, animique contentio. Scripsit eruditas *Affertiones Theologicas de Verbo DEI, & de Sanctis.*

LAVRENTIVS ARTVRVS, natione Anglus, in Germania cum versaretur, atque litteris nauaret



operam, animum applicuit ad nostram Societatem, in eaque prouincia artem dicendi, ac Philosophicas disciplinas, Romę verò Theologicas didicit, & confectis studiis in Poloniam missus, magnam toto in Poloniæ regno existimationem consecutus est ab insignis vitæ, probitatis, & præclaræ eruditionis opinione commotam. Lucubrationes quæ ab ipso litteris mandate prodierunt in lucem, hæ sunt:

*De CHRISTI in terris Ecclesia, quanam, & penes quos existat.*

*Libri tres contra Antonium Sadeelum Calvinistã. Tractatus de controuersis inter Ordinem Ecclesiasticum & Sæcularem in Polonia, suppresso nomine Auctoris.*

*Apologia Thesium de Inuocatione Sanctorum, contra Danielem Tossanum Sacramentarium.*

*Apologia item Thesium oppugnationis Cœnæ Lutheranae & Calvinianæ contra eundem Tossanum.*

*Oratio habita in Synodo Petricouensi Prouinciali, de causis & remediis hereseôn.*

*Theses de variis Controuersis: videlicet,*

*De CHRISTI Ecclesia.*

*De D. Petri, & Romani Pontificis successoris eius in Ecclesia CHRISTI principatu.*

*De Sanctorum Inuocatione & Veneratione.*

*De Cœnæ Lutheranorum & Calvinistarum oppugnatione, & Catholica Eucharistia defensione.*

*Obiit Doctissimus Pater Vilnæ anno salutis M. D. XCI. cum xxv. circiter annos religiosè pieq; in Societate exegisset.*

*LAVRENTIVS GILENVS. Scripsit,*

*De Vita æterna.*

*LAVRENTIVS MAZELLVS, natione Italus, patria*

*tria*

tria Neapolitanus, scripsit Italicè volumen in signe  
*De vita B. VIRGINIS Matris DEI*, continens  
 quidquid haftenus ad eius memoriam & dignita-  
 tem apud graues auctores reperiri potuit, cum

*Vita S. IOSEPHI sponsi.*

LEONARDVS LESSIVS, natione Belga, patria  
 Brechtanus in Brabantia, vir cum reliquis scientiis,  
 Graecis, Latinis, expolitus, tum maximè S. Theolo-  
 giæ cognitione ornatissimus, quam plurimos annos  
 in Academia Louaniensi magna cum laude & au-  
 ditorum frequentia professus est. Eruditissimos  
 quatuor libros emisit

*De Iustitia & Iure ceterisque Virtutibus Cardina-  
 libus*: primùm Louanij, mox Parisiis excusos; nunc  
 Plantinianis typis recudendos auctiores; valdè sa-  
 nè probatos, multorumque manibus tritos. Reli-  
 qua illius in D. Thomam breui expectamus.

LVCAS PINELLVS, natione Italus, patria Neapo-  
 litanus, ex pueritia vix excefferat cum Societatem  
 est ingressus, in qua & virtutes & litteras imbibit,  
 Theologiam & Ingolstadij & Musiponti laudabi-  
 liter professus est. Scripsit Italicè,

*De statu animarum post hanc vitam.*

Item,

*Gerson, sive de perfectione Religiosa, & de obligatione  
 qua unusquisque Religiosus tenetur ad eam coparan-  
 dam.* quem libellum verè aureum P. Iosephus Ar-  
 riaga Hispanus è nostra item Societate ex Italica  
 lingua in Hispanam conuertit, Belgicè verò reddi-  
 dit Antuerpiæ Gisbertus Bahusius Carthusianus.

Item,

*Meditationes deuotissimas B. MARIAE Virginis.*

*Meditationes breues sanctissimi Eucharistia Sa-*

*cramenti, & preparationē ad sanctam communionem, & aliarum rerum ad cultum sancti mysterij pertinentium.*

*De Missa sacrificio, eiusque fructibus.*

*De sacramento Pœnitentiæ.*

*Meditationes mysteriorum Rosarij. Item,*

*De Peccatis mortalibus, & de quatuor Nouissimis.*

LVDOVICVS CRVCIVS, natione Lusitanus, patria Olyssiponensis, Conimbricæ nomen Societati dedit II. Decembris anni M. D. LVIII. ætatis verò XVI. homo ad Latinam eloquentiam & extemporalem natus, & Græcè Hebraicæque peritissimus; Poëta eximius, Cõcionator egregius; qui postquam dicendi artem & Sacras litteras permultos annos professus est, Latino atque eleganti versu

*Davidis Psalmos c l. felicissimè expressit, ac typis mandauit.*

Multas præterea *Tragœdias*, ac *Poëmata* varia scripsit. Excessit è vita Conimbricæ xviii. Iulij anni salutis M. DC. IV.

LVDOVICVS FROES, natione Lusitanus, multos iam annos in Iaponensi vinea excolenda feliciter ponit, atque insignis Concionatoris apud cæcas illas nationes munere fungitur; de quarum moribus, consuetudinibus, institutis, ritibus, ceterisque quæ ad Iaponiorum naturam, ingenium, ac Religionem pertinent, egregium volumen edidit.

LVDOVICVS GVZMAN, natione Hispanus, patria ex Osorno Castellæ veteris oppido, Diœcesis Palentinæ. Adolescens se in Academia Complutensi ad nostram Societatem adiunxit, anno salutis M. D. LXIII. cùm iam Philosophiæ curriculo decurso, sacræ Theologiæ operam daret, quam postea

in

in Societate didicit atque excoluit. Absolutis bonarum artium studiis, magister Nouitiorum factus est, quos eximio virtutis exemplo, singulari prudentia, præclara rerum spiritualium cognitione, atque industria, ad perfectam religionis formam instituit. Rectoris deinceps sæpè munere, Prouincialis item Præpositi primùm Baticæ, tum etiam Toletanæ prouinciæ, semel atq; iterùm functus est. quo in munere vitam cum morte feliciter commutauit Madridi x. Ianuarij, anno salutis M. DC. V. Fuit vir omni genere virtutum cumulatus, & numeris omnibus absolutus. Humilitate, modestia, & affabilitate, orationis assiduitate, turbidorum motuum mortificatione, sui contemptu, silentio, mansuetudine, atque eodem semper tenore, & perpetua vitæ cōstantia excellens. Denique expressa quædam sanctitatis imago. Scripsit materno sermone,

*Rerum à Societate in India gestarum lib. XIII.* quibus initia, progressus, propagationem Christianæ Religionis, tum ceteris in Regionibus comprehendit, tum maximè in Iaponensi regno, & nostrorum labores, infidelium conuersiones, tyrannorum persecutiones, crebra & magna miracula, profanos idolorum ritus, varias & inter se discrepantes ac superstitiosas sectas, diuersos hominum mores ac consuetudines, facili ac sincero stylo perscribit.

LVDOVICVS FERRERIVS, natione Hispanus, patria Murcianus, ex oppido Carauaca, adolescentulus xviii. annorū cū esset, atq; humanioribus litteris nauaret operam, caelesti illustratus lumine, res sæculi prorsus abiicit, & Societatem nostram anno salutis M. D. LXXV. ingressus est: in qua pri-

mum ad nostrum institutum conformatus, tum grauioribus disciplinis in Collegio Complutensi expositus est. vbi, & in aliis item Collegiis nostræ Societatis, sacris confessionibus audiendis, domesticis ad profectum spirituales excitandis, externis ad pietatem omnisque virtutis studium adducendis, vtilem operam posuit. Transtulit ex Latina in Hispanicam linguam

Aureum P. *Francisci Costeri De Congregatione B. Mariæ Virginis* libellum, in quo vitæ Christianæ institutiones traduntur. Item,

Eiusdem P. *Costeri Meditationes l. de eadem Beatissima VIRGINE.*

LVDOVICVS MACEBLIDIVS, natione Belga, patria Flander, populari sermone scripsit,

*Paradisum Exercitationum & Precationum spiritualium, seu Exercitationum Capita decem*, suppresso auctoris nomine semel iterumq; edita.

LVDOVICVS MOLINA, natione Hispanus, patria Conchenfis, vix adolescētiam ingressus cū XVIII. esset annorum, nomen CHRISTO in Societatem dedit, in qua Philosophicas ac Theologicas litteras feliciter didicit, & feliciter docuit in Eborensi regni Lusitaniæ Academia, vbi permultos annos primas inter Professores Theologos partes docēdo tenuit, & Aquinatem Thomam est interpretatus: postea animum ad stylum conuertit. Itaque scripsit perdoctos Commentarios

*In primam partem D. Thomæ.* Item,

*De concordia Gratia & Liberi arbitrii* librum singularem.

*Appendicem ad eandem concordiam.*

*De Iustitia & Iure* Tomos VI. partim Moguntia,

riæ, partim Antuerpiæ excusos Nutij typis. In quibus tantum eminent L V D O V I C I ingenium, tanta apparet Iuris Ciuilis comprehensio & dispositio, vt mirum sit hominem, qui in Theologicis studiis ab adolescentia totam pænè ætatem contriuit, tantam consecutum fuisse Iuris scientiam, eamque tam exactè tradere potuisse. Reliquit etiam duos alios Tomos ad Iuris prudentiam pertinentes, sed quos limare & absoluerè morte intercepit non potuit. Excessit vir religiosissimus, & doctissimus Pater Madriti x 1. Octobris, anno salutis M. DC. ex dysenteria, annum agens LXV.

LVDOVICVS PONTANVS, natione Hispanus, patria Pincianus, ab ipsis incunabulis factus atq. educatus videtur ad pietatem. Societatem nostram expectauit annum agens xx. atque admissus est anno salutis M. D. LXXV. cum iam & Philosophicis disciplinis esset instructus, & duos annos in sacra Theologia vtiliter posuisset. Deinde prosecutus est studia litterarum, in quibus longo post se interuallo condiscipulos omnes reliquit, propter ardorem animi, ingenium, atque acre iudicium. Itaque Aristotelis cursum (vt vocant) docendo confecit, & sacra etiam Theologiam professus est acutè, grauius, eruditè. Sed cum non minus vitæ integritate ac religione quàm ingenio atque doctrina excellat, Magistri nouitiorum atque Rectoris partes L V D O V I C O sæpè mandata sunt, easque peregre obiit: sed tenui, vel potius nulla valetudine, qua semper conflictabatur, coactus est interrumpere & gubernandi & docendi cursum, & animum ad ea scribenda transferre, quæ longo vsu, assidua meditatione, perpetua sui mortificatione didicit, & non tam ex aliorum li-

bris

bris hausit, quàm in se ipse expertus est. Scripsit  
materna lingua pias, doctas, perutiles

*Mysteriorum Fidei meditationes*, quas duobus Tomis complexus est.

LVDOVICVS RICHOMIVS, natione Gallus, vir doctus, religiosus, disertus, & prudens, qui Prouinciam Aquitanix cum laude gubernauit. Scripsit materna lingua, in qua mirè excellit,

*Peregrinum Lauretanũ*, & *De peregrinationis bono.*

*Defensionem peregrinationis aduersus interpretem Epistola Gregorij Nysseni*, cum Tractatu *De sacris Reliquiis.*

*De ratione migrandi ad meliorem vitam.*

*De Miraculis, Sanctis, atque Imaginibus.*

**B. VIRGINEM** *inxta Crucem stantem.*

*Figuras Eucharistia: ad Reginam Gallix.*

*Victoriam Veritatis contra Plesseum.*

*Epistolas ad Henricum IV. Regem Gallix.*

*Apologias aliquot pro Societate IESV aduersus calumnias hereticorum.* Quarum vna ab And. Valaderio Latinè reddita est: altera Franc. Montani nomine inscripta exiit. Nuper

*Idololatriam Huguenoticam* libris VII. venustè exposuit.

LVDOVICVS ROGERIVS, natione Italus, patria Romanus. Scripsit,

*Defensionem aduersus Matth. Dresserum hereticũ*, pro operibus ROBERTI Cardinalis BELLARMINI.

## M.

**M**ARCUS GEORGIVS, natione Lusitanus, patria Conimbricensis, in eiusdem ciuitatis Collegio Societatem nostram complexus est xvi. Martij anno salutis M. D. xlvij. cum iam egregiam Iuri Canonico operam nauasset, atque inter ceteros eius Academiae scholasticos, ingenij scientiaque opinione excelleret. Postea Doctoris Theologi gradum in Academia Eborensi adeptus, sacram Theologiam in eadem Academia professus est. In Collegio verò sancti Antonij Olyssiponensi quaestiones de moribus sapienter primus explicauit, innumeris pænè sacerdotibus. Vi dicendi, verboque DEI è suggesto enarrando, emicuit. Romam missus est vt apud P. Franciscum Borgiam, Praepositum Generalem, Procuratoris munus obiret; atque inde reuertens, piè admodum Eboræ excessit è vita, mense Decembri anni salutis M. D. lxxi. Atque hic vir tantus, qua erat charitate atque humilitate, exiguum libellum, sed peregregium,

*De Doctrina Christiana, ad puerorum rudiumque institutionem, Lusitanicè scripsit.*

MARTINVS BECANVS, natione Belga, patria Brabantus, magno ingenio, & ad omnem litteraturam nato, in Philosophia ac Theologia, quam multos iam annos in Germania profitetur, clarus. Scripsit,

*Enchiridion variarum disputationum De fide haereticis seruanda. cum appendice in fœderatorum inferioris Germaniae defensionem tertiam contra calumniam pacis perturbata.*

De



*De officiis Angelorum circa homines.*

*Disputationem de Antichristo reformato contra  
Magdeburgensem Calvinistam: cum Appendice,  
An Romana Ecclesia defecerit à fide.*

MARTINVS DELRIVS, natione Belga, patria  
Antuerpianus, sed, quod nomen ipsum indicat, Hi-  
spano patre natus, anno salutis M. D. XXC. ætatis ve-  
rò vndetricesimo, ad Societatem nostram adductus  
est, cum Regius Brabantiaë Consiliarius esset, ac  
multarum litterarum cognitione probè instructus:  
quocirca Hebraicam linguam in Societate profes-  
sus est, Philosophicas scientias exposuit, quæstiones  
de moribus explicauit, & sacram Scripturam variis  
in locis interpretatus est. Scripsit iuuenis,

*In Claudianum Poëtam & in Solinum Notas.*

*In Seneca Tragœdias Aduersaria. Item,*

*Miscellanea in totum Ius Ciuile.*

*Repetitiones in l. Transigere, C. de Transact. &  
Commentarium multiplicem in l. Contractus de Reg.  
Iuris. In Societate autem,*

*Florida Mariana, siue De laudibus sanctissimæ Vir-  
ginis DEIPARÆ Panegyricos.*

*Desquisitionum Magicarum Tom. III. sæpius  
locupletatos.*

*Tragœdiæ Latine Syntagma.*

*Commentaria in Cantica Canticorum.*

*Notas in D. Orienty Commonitorium carmen, &  
in D. Althelmi enigmata.*

*De difficilioribus & utilioribus sacrae Scripturae  
locis Tom. III.*

*Vindicias Areopagiticæ, aduersus Ios. Scaligerû.*

*Commentarium litteralem in Threnos Ieremia.*

*Pharum sapientia, seu Cōmentarium in Genesin.*

MAR-

MARTINVS FORNARIVS, patria Brundisius, scripsit *Institutionem Confessariorum.*

MARTINVS LATERNA, natione Roxolanus, patria Drehibecensis, adolescens Societati nostræ se addixit, anno salutis M. D. LXXI. & vsque adeò in virtute profecit, maximeque in omnium Virtutum Regina charitate, vt diu noctuq; nõ cessaret, neque vel concionibus habendis, vel confessionibus audiendis vnquam defatigaretur, dumodò piis ipsius laboribus peccator aliquis ad meliorem frugẽ conuerteretur. Scripsit,

*Orationes duas funebres, alteram In exequiis Stephani primi Polonia Regis, alteram*

*De præclaris in Ecclesiam & Rempub. meritis Valeriani Episcopi Vlnensis.*

Polonicè autem edidit,

*Librum Precationum* è Patribus piisque recentium Catholicorum libellis concinnatum, cui Titulum fecit: CITHARA, vel *Decachordon spirituale.*

Sed dum bonus Pater in Sueciam cum Sigismundo Polonię Rege proficiscitur, ex nauigationis molestiis morbum contraxit, & suadente medico in Poloniam rediens, captus à militibus classis Caroli Ducis, patruī Sigismundi, hæreticis, nostrique nominis hostibus infestissimis, in mare proiectus ac submersus est, prid. Kalen. Octobris, anno salutis M. D. XCVIII.

MARTINVS CLAVIVS, natione Hispanus, patria Cantaber, ex oppido Victoria. Vir fuit ingenio, iudicio, doctrina, eloquentia, disputandi vi, argumentorum robore atque efficacia, cum paucis comparandus. In Academia Parisiensi sapientiæ laude floruit,

floruit, & inter Doctores Theologos primas omnium opinione tenuit. Curiam deinceps Caroli V. Imp. secutus est. In Concilio Tridentino, Otthonis Truchsis Card. Episcopi Augustani nomine, sententias dixit: sed dum Tridenti versatur, mirabiliter à DEO ad nostrum institutum amplectendum vocatus est. Concilio autem sub IULIO III. propter varia impedimenta suspenso, Romam venit, anno salutis M. D. LII. seque totum B. P. nostri IGNATII permisit potestati: à quo & ad Religionis normam apprimè institutus, & ad perfectionem mirum in modum accensus est. Primus fuit qui sacram Theologiam D. Thomæ Aquinatis nostro in Romano Collegio publicè professus est; eiusq; prælectioni initium dedit anno salutis M. D. LIII. eamq; per triennium tantummodò profecutus est. Nam anno M. D. LV. eum B. P. nostro IGNATIO parentasset, & sanctissimi viri corpus Kal. Augusti in sepulcro condidisset, XV. post die, Patrem suum sequens, in cælum vocatus, terram reliquit, & præmatura morte nobis ereptus est, ut in vita P. Iacobi Laynez diximus. Scripsit præclaras

*Affertiones de conditione, lapsu, & reparatione hominis: & alias itidem collectas ex lectionibus, quæ in Collegio Societatis IESV Romano habitæ sunt.*

MARTINVS ROA, natione Hispanus, patria Cordubensis, adolescentulus, ac vix xv. annos natus, sæculo renunciauit, & Societatem nostram expetiuit: admissus, probatus, & humanis ac diuinis literis expolitus est. Postea cum magnas ex puerorum institutione redundare utilitates in Rempubl. animaduertteret, totos XVI. annos erudiendæ iuuentuti impendit, atque Artem dicendi in nostro Cordubensi

dubensi Collegio professus est. Scripsit Latinè librum, cui titulum fecit,

*Singularium S. Scripturae atque externorum auctorum* lib. v. Item,

*De die Natali* librum singularem.

Hispanicè verò,

*Vitam illustrissimæ ac sanctissimæ Annae de la Feria Comitissæ.*

MARTINVS SINGLERIVS, natione Roxolanus, patria Leopoltanus, adolescens Romæ Societatem nostram amplexus est, anno salutis M. D. XXXI. deinde insigni ingenio ac iudicio, improboque studio humanas ac diuinas scientias didicit, & cum doctrina, singulare omnium virtutum studium, & morum eximiam quamdam suauitatem copulauit. Itaque duobus Collegiis Præfectus, bonis omnibus, Religione, prudentia, ac benignitate se probauit. Scripsit Polonicè,

*De æterna CHRISTI Filij DEI diuinitate*, contra Arianos, Sacræ scripturæ testimonia collecta inter se, atq; expensa. quibus addita est *Responsio ad cuiusdam Anabaptistæ scriptum*, aduersus libellum P. Iacobi Viuecij.

*De usura, & de tribus præcipuis contractibus, nempe de Venditione cum pacto retrouendendi, de Censibus, & de Contractu societatis compendiosam doctrinã.* Latinè verò edidit,

*Zacharia propheta pro CHRISTI diuinitate illustre testimonium*, aduersus Fausti Soncini Anabaptista cauillationes explicatum.

MATTHIAS PVTZIUS, natione Belga, patria Macroduro Menapiorum oppido ortus, anno salutis M. D. XXXVI. IV. Martij Societati nomen de-

K

dit,

dit, & XXI. Februarij M. D. XCV. Moguntię obiit  
phthifi. Iuuenis fuit ingenio eximio.

*Vincentij Bruni librum de B. VIRGINE ex Itali-  
co Latinum fecit, & Altare templi Moguntini car-  
mine descripsit.*

MATTHÆVS RADERVS, natione Germanus,  
patria Sueuus, adolescentulus se DEO in Societate  
sacrauit; in qua & humanioribus & feuerioribus lit-  
teris non minùs quàm Religione excultus est. De-  
inde permultos annos iuuetuti erudiendę impen-  
dit. Excellit enim cùm omni dicendi elegancia at-  
que ingenuarum artium cognitione, tum Poëtica  
facultate. Scripsit,

*Commentarios in Martialem à se emaculatum.*

Idem edidit,

*Petri Siculi historiam de Manichæis. Item,*

*Concilium octauum Oecumenicum. Item,*

*Viridarium Sanctorum ex menais Græcorum col-  
lectum.*

*Syntagma de statu morientium.*

MATTHIAS MAYRHOFIVS, siue MAYRHOF-  
FER, natione Germanus, patria Monachiensis, So-  
cietatē in Germania complexus est pænè puer. Ro-  
mæ tirocinium posuit, & Philosophicas & Theolo-  
gicas scientias didicit, & feliciter Ingolstadij docuit,  
atque Academia Dilinganæ Rector præfuit. Scri-  
psit Germanicè,

*Speculum Prædicantium. & Latinè,*

*Theses de restitutione. &*

*De S. Incarnationis mysterio.*

MELCHIOR CERDA, natione Hispanus, patria  
ex oppido Cifuentes Diœcesis Siguntinæ, adole-  
scens vicesimum annum agens Iurisprudentiæ stu-  
diis

diis ( quibus per quinquennium operam dederat ) reiectis, ac sæculi vanitatibus abdicatis, sic Societatem nostram suscepit, vt se puerorum instituendorum vtilitati penitus dicasse videatur. Itaque xxx. ipsos annos, tum Hispali, tū Cordubæ, in erudienda & ad eloquentiam formanda iuuentute consumpsit. Scripsit duobus Tomis

*Apparatum Rhetoricæ*, ad eam artem perdiscendam, omnemque Latinæ facundiæ copiam atque elegantiam comparandam.

MICHAEL CARDANEVS, natione Germanus, patria Saxo, *varia Opuscula contra hereticos* scripsit, atque illis conuincendis conuertendisque singularem à Deo gratiam consecutus est.

MICHAEL COYSSARDVS, natione Gallus, patria Bessanus, vir tum ad humaniores litteras docēdas, tum etiam ad gubernationem aptissimus: itaque artem dicendi per diu professus est. Et vt rem litterariam amplificaret, *Theaurum in Virgilium & Locos communes* edidit, Poëticiæ studiosis perutiles. Præterea vt turpibus cantilenis abrogatis honestæ succederent, Versibus Gallicis, facilibus, leniter fluentibus, & ad modulos aptis, *Catechismum* totamque Doctrinam Christianam complexus est, quem & Antuerpię Trognęsius excudit. Præfuit Rector Collegio Lugdunensi, Turonensi, Aniciensi, ac Bisuntino.

MICHAEL EISELINVS, natione Germanus, dedit *Disputationes Theologicas de Diuina gratia.*

MICHAEL FERNANDEZ, natione Hispanus, patria Toletanus, ex oppido Mora, ingressus est Societatem, anno ætatis x i x. salutis verò M. D. L X I. Is Leocadię sanctissimæ Virginis ossa ex inferiori Ger-

mania iussu GREGORII XIII. Pont. Max. & PHILIPPI II. Hisp. Regis Catholici in Hispaniam transfuit, ipsique PHILIPPO Regi & Gaspari Quiroge Cardinali Archiepiscopo Toletano in manus Toleti tradidit, atque eiusdem translationis *Historiam* materna lingua conscripsit.

\* MUCIVS ANGELVS, natione Italus, patria Spoletinus, Philosophiæ, sacraeque Theologiæ ad XVI. annos publicus professor, cessit è vita vix XL. annum attingens. Reliquit

*Commentarios in omnes ferè libros Philosophicos Aristotelis. Item,*

*In Summam D. Thome. Item,*

*Notas in Epistolas D. Pauli. &*

*In Euangelium D. Matthei. &*

*In Tomos Conciliorum.*

## N.

NICOLAUS BOONARTIVS, natione Belga, patria Bruxellensis, Philosophiam Duaci, Theologiam Louanij docuit, raro ingenij acumine. Edi permisit habitam à se Bruxellis coram Archiducibus Austriæ Alberto & Isabella

*Orationem funebrè in exequiis Gregoria Maximiliane Caroli Archiducis Austria filia, PHILIPPO III. Hispan. Regi desponsa.*

Breuem item *Apologiam* Gallicè ac vernaculè pro B. VIRGINE Aspri-collis; presso tamen utrobique nomine. Maiora deinceps daturus, si longiorem vitæ vsuram Dei benignitas largietur.

NICOLAUS SERRARIUS, natione Lotharingus, patria Raberulanus, Societati nomen dedit Colonie Vbiorum, anno salutis M.D.LXXIII. Primos XXIV. annos

annos in Academia Herbipolensi vixit, & docuit humaniores litteras, Philosophiam, Theologiam, sacram Scripturam. Est enim vir in omni genere scientiarum apprimè versatus, Græcæ, Hebraicæ, Syriacæ cum paucis doctus, & propter morum in congressu familiari suauitatem, & nostris & externis gratissimus. Scripsit ferè alieno, id est, discipulorum suorum nomine, sequentes Disputationes,

*De Ecclesia* Disputationem Theologicam.

*De sacris Ecclesie Catholicæ processionibus* lib. II.

*De XII. Apostolis.*

*De S. Paulo, & proditore Iuda,*

*De extrema Vnctione.*

*De Legibus.*

*De Dei omnipotentia.*

*De Lutherana Catholicarum Litaniarum correctione.*

*De Symbolo Lutherano.*

*De Catholicorum cum hereticis matrimonia.*

*De Salomonis peccato & pœnitentia.*

*De Symbolo Athanasij contra Amphidoxos disputationem.*

*De Iosuanis sacerdotibus.*

*Tribere seon de Phariseorum, Sadduceorum, & Essenorum sectis: & aduersus Ioannis Drusij de Aſi-  
dais sententiam.*

*De S. Pauli Epistolis.*

*De animo humano.*

*Contra nouum Pelagianum & Chiliastem, Franciscum Putium, Philodonum Italum, de Efficacia gratia CHRISTI* lib. II.

*De S. Kiliano Francia orientalis Apostolo.*

*In Tobiam, Iudith, Hester, Machabeos Commentarios.*



Item, *De Lutheri cum Diabolo disputatione*, Germanicè & Latinè. Item,

*Alogiam Apologia pro Luthero & Diabolo*, quæ & *Orationes Luthero-turcica* pòst inscriptæ.

*De tota Rabinorũ gente* lib. III. aduersus Scaligeri Eusebianas Notas & Drusij responsum.

*Minerual Grammaticis Scaligero & Drusio triharresij auctati ergò de pensum.*

Comitum par inclitũ *Beatum Gothofridum Westphalum & Sanctum Romaricum Austrasium*, cum Notis.

*Lutherum Theofdoton*, Rostochiensis Rhetori remissum cum discipulo suo Caluino.

Et hæc quidem hæctenus prodierũt in lucem: habet autem præ manibus alia, vt audio, quæ nondum sunt typis excusa: videlicet,

*Commentarios in Pentateuchum, in Iosue, in Iudices, in Ruth, in IV. lib. Regum.* Item,

*Commentarios in Acta Apostolorum, & in Epistolas omnes Canonicas.*

*Contra Schelesendum de gloria CHRISTI* lib. I.

*De SS. Trinitatis Doxologia* lib. III.

\* NICOLAUS ORLANDINVS, natione Italus, patria Florentinus, nostram à teneris annis Societatem complexus est; & cùm aliis, tum dicendi arte est ornatissimus. Scripsit,

*Annales nostræ Societatis* magna elegantia & nitore, qui editi adhuc in lucem nõdum sunt, sed breui, vt speramus, edentur. Antea conscripsit Sociis

*Annua litteras* anni M. D. XXCIII. & duorum ordine sequentium.

## P.

**P**AVLVS COMITOLVS, natione Italus, patria Perusinus, impubes adhuc, nostræ se Societati addixit; & cum aliis disciplinis omnibus, tum maxime humanioribus eximiè perpolitus fuit. Itaque *Catenam illustrium Auctorum Græcorum in lib. Iob* è Græco in Latinum sermonem eleganter transtulit. Scripsit item,

*Tractatum Apologeticum pro monitorio Sedis Apostolicæ ad Venetos.* Item,

*Confutationem libelli VII. Theologorum Venetorum aduersus interdictum Apostolicum.*

Pluraque scripsisset, nisi imbecilla tenuique semper esset vsus valetudine.

**P**AVLVS OFFEVS, natione Germanus, adolescens ex Collegio Germanico, nostræ se Societati adiunxit anno, ni fallor, M. D. LIII. postea ad nostrum institutum formatus, ac scientiis probè instructus, Rectoris, Prouincialis, Visitatoris, atque Assistentis munus obiuit, & optimè de Societate meritus est. Viuit adhuc, & suppresso nomine

*Catechismum Romanum* ex Latina lingua in Germanicam vertit: & librum scripsit

*De communionem sub una tantum specie*, editum nomine Theologorum Bauariæ.

**P**ETRVS ALAGONA, natione Siculus, *Manuale D. Martini Aspilcueta Nauarri de questionibus morum ac conscientia*, in compendium redegit atque euulgauit.

**P**ETRVS BVSÆVS, natione Belga, patria Nouiomagensis, vir excellenter doctus, & sacræ Theologiæ profes-

professor eruditus, *Opus Catechisticum*, siue, *Summam Doctrinæ Christianæ P. Petri Canisij Theologi eiusdem Societatis*, præclaris diuinæ Scripturæ testimoniis & SS. Patrum sententiis illustrauit locupletauitque magna cum Reipub. vtilitate: Opus enim hoc plurimum negotij exhibuit hæreticis.

PETRVS BVRGVNDVS, natione Gallus, *Didacum Stellam Minoritam De contemnenda mundi vanitate*, ex Hispanica lingua Latinum reddidit.

PETRVS CANISIVS, natione Belga, Patria Nouiomagensis, à puero se dedit studio pietatis. Cùm nata nondum esset Societas, fæmina quædam opinione Sanctitatis vulgò nobilis, matrem eius admonuit, vt magna PETRVM filium cura educaret, quòd breui Religio quædam Clericorum instituida foret, quæ eximias DEI Ecclesiæ vtilitates esset allatura, in quam Religionem filius eius adscriptus, vir apprimè insignis haberetur. Vaticinium seu præfensionem fæminæ, rei probauit euentus. Nam paulò post Societas instituta est, in eamq; PETRVS anno salutis M.D. XLIII. P. Petri Fabri opera, primus omnium Transalpinorum cooptatus, illam exemplo, doctrina, præstantis ingenij monumentis recens natam mirum in modum illustrauit. Germaniam superiorem Præpositus Prouincialis rexit, concionibus auxit: Hæreticos disputationibus repressit, Catholicos confirmauit. Ex quo hæretici CANISIVM *canem Austriacum* per ignominiam appellabant, quòd in Austria plurimum versaretur: sed haud canem mutum, aut non valentem latrare, sed qui latratu & morsu lupos passim grassantes ab ouili CHRISTI arceret. Episcopatum Viennensem à FERDINANDO Romanorum

norum

norum Rege sibi oblatum, constanter repudiavit.  
Scripsit

*Catechismum, siue Summam Doctrinae Christianae,*  
breuem quidem illam, sed præclarissimam, & quæ  
copiosæ Bibliothecæ instar sit: quam *Petrus Busæus*  
nostræ Societatis Theologus pereruditus locuple-  
tauit, explicatis & integrè ad verbum adductis san-  
ctorum Patrum testimoniis, quæ *CANISIUS* in mar-  
gine indicauerat, & in angustum coaceruarat, quasi  
digitum in fontes intendens. Scripsit etiam *aduersus*  
*Magdeburgenses Centuriatores Commentariorum de*  
*Verbi DEI corruptelis Tomos II.* quorum prior est,

*De venerando CHRISTI Domini Præcurfore*  
*Ioanne Baptista.* posterior,

*De sanctissima Virgine MARIA Deipara.* ingens  
atque spissum opus in sex libros diuisum: in quo  
quidquid impij ac pestilentes nebulones mentiun-  
tur, & ad deprauandas Scripturas, & Præcursoris  
& DEI Matris gloriam obscurandam adferunt, lu-  
culenter, grauitè, eruditeq; confutat. Scripsit etiam

*Martyrologium.* Item,

*Concionum Tomos II.* seu *Notas aureas in Euan-*  
*gelia Dominicorum & Festorum per totum annum*  
*dierum.*

Et extrema iam ætate duos alios libellos aureos,  
*Exercitamenta videlicet Christiana pietatis, & Ma-*  
*nuale Catholicorum,* in vsum piè precandi collectum.  
Et hæc quidem Latinè: Germanicè verò scripsit,

*Conciones in quatuor Dominicis aduentus, & in*  
*Natalem Domini.*

*Librum Precationum.*

*Librum de Confessione & Communione.*

*Vitas SS. Fridolini, Mauritij, & socior. Thebaorum.*

K 5

Item,

Item, *Vitam & exercitamenta pietatis B. Nicolai Eremita.* Denique euulgauit & Latinè, *Selectas à se D. Hieronymi Epistolas.* & *Leonis Papa Opera omnia.* Coloniae in Vbiis.

Porro de CANISII candore animi, puritate, humilitate, deuotione, orandi studio, perfecta omnium humanorum affectuum mortificatione, ardore fidei, animarum zelo, indefesso labore, & perpetua contentione, qua Religionem Catholicam semper tueri, ornare, amplificare non destitit, ceterisque eius ornamentis virtutum, multa dici possent, quae iustum volumen desiderant. Obiit B. Pater Friburgi apud Helueticos xx i. Decembris, anni salutis M. D. xcvi. ætatis lxxvii. ubi magno in honore eius corpus habetur apud Catholicos omnes Helueticos: qui eius & uiuentis voce, & scriptis, & mortui precibus in Apostolica & Romana fide confirmati sunt. Cenotaphium atque elogium gratitudinis ergo Ingolstadiense Collegium Theologicum CANISIO posuit. Epitaphium verò benè merentis tumulo hoc impositum Friburgi cernitur:

D. O. M.

VENERANDVS IN CHRISTO PATER  
 PETRVS CANISIVS THEOLOGVS  
 NOVIOMAGI NATVS  
 SOCIETATEM IESV  
 TERTIO A CONFIRMATIONE ILLIVS ANNO  
 INGRESSVS  
 AC SACERDOTIO INSIGNITVS

OB

OB MAGNI SIMVL ET PLACIDI ANIMI

PRAESTANTIAM

A COLONIENSI ECCLESIA AD CAROLVM V. IMP.

AB OTTONE CARD. AVGVSTANO

AD S. CONCILIVM TRIDENT.

A CAROLO V. IMP. WORMATIAM

CONTRA MELANCHTHONEM HAERETICVM

A PIO IV. PONT. MAX. AD PRINCIPES GERMANIAE

IN FIDE CONFIRMANDOS

MISSVS

POSTQVAM ROMAE IN SICILIAE ET GERMANIAE

ACADEMIIS DOCVISSET

DIV APVD FERDINANDVM IMP.

ET PASSIM SVMMA CVM LAVDE

VERBVM DEI PRAEDICASSET

PRIMVS PROVINCIALIS SOC. EIVSDEM IN GERMANIA

AB IP SO SOC. AVCTORE P. IGNATIO

DATVS FVISSET

SCRIPTISQVE FIDEM CATHOLICAM

EGREGIE ILLVSTRASSET

AVSPICIIS REVERENDI D. IOANNIS FRANCISCI

EPISCOPI VERCELLENSIS NVNCII APOSTOLICI

FRIBVRCVM SEXAGENARIVS VENIT

COLLEGII SOCIETATIS FVNDAMENTA IECIT

MVLTA PRAECLARA DOCVMENTA DEDIT

ET QVASI QVIDAM FRIBVRCENSIVM PATRONVS

ECCLESIAE PER HELVETIAM PATRIARCHA

RELI-

RELIGIONIS CATHOLICAE SVI TEMPORIS COLVMNA  
 TOTO CHRISTIANO ORBE NOTISSIMVS  
 FIDE PRVDENTIA INDEFESSO SCRIBENDI LABORE  
 ABSTINENTIA PERENNI GRAVITATE  
 ANIMI PVRIŒATE,  
 FLAGRANTISSIMO DEI AMORE  
 MVLTAQ. SANCTITATE CLARISSIMVS  
 MIGRAVIT AD CHRISTVM  
 FESTO S. THOMÆ APOSTOLI  
 M. D. XCVII. ANNO ÆTATIS LXXVII.

PETRVS COTTONVS, natione Gallus, Patria Foreſianus, ex Lugdunenſi Diceceſi, rara vir ſcientia, eloquentia, pietate: ea porrò morum ſuauitate, vt mirabiles amores excitet ſui, & omnibus Principibus, ſummis, mediis, infimis iuxtà ſit carus: HENRICO verò IV. Galliarũ Regi cariffimus: apud quẽ Concionatoris munere fungitur, magna hominum admiratione ac fructu. Ab hæreticis sæpè eſt appetitus infidiis, atque ita aliquando in ceruice vulneratus, vt parum ab extremo periculo abſuerit. Edidit Gallicè eruditum opus & pium

*De Miſſe ſacrificio, aduerſus miniſtrum Gratianopolitanum. Item,*

*Apologias plures. &*

*Interiorem deuota mentis occupationem.*

*Epiftolas Apologeticas de fide Catholica, aduerſus Danielem Chanuerum Delphinatem Calvinianę ſectæ apud Allobrogas miniſtrum.*

Habet & tertium opus in manibus

*De locis ſacra Scriptura à Calvinianis corruptis.*

PETRVS

PETRVS FONSECA, natione Lusitanus, patria Vi-  
fensis, adolescens xx. annos natus xvii. die Mar-  
tij anni salutis M. D. XLVIII. Societatem nostram  
ingressus, grauiores in ea disciplinas excellenter di-  
dicit, & laudabiliter professus est. Fuit vir eximio  
ingenio, acri iudicio, prudentia singulari. Scripsit,

*In Isagogen ad Porphyrium.*

*Dialecticam* libris viii.

*Metaphysica Aristotelis* ex Græca lingua in La-  
tinam feliciter transtulit, atque eruditus Commen-  
tariis illustrauit Tomis iii.

In gubernatione etiam excelluit; itaque Conim-  
bricensis Collegij nostri Rector, Domus Professæ  
Olyssiponensis Præpositus, Societatis Romæ Assi-  
stens, denique Prouinciæ Lusitaniæ Visitator fuit.  
Quibus in muneribus multa prudenter constituit,  
multa tum ad domesticos tum ad exeros utilia ex-  
cogitauit, dixit, fecit, & ab aliis fieri curauit. No-  
stris integritate vitæ erat exemplo; alienis admira-  
tioni, omnibus adiumento. Olyssiponæ Catechu-  
menorum domus, puellarum (quarum pudicitia in  
lubrico atq; in discrimine versabatur) domicilium,  
orphanorum item egentium perfugium, Monaste-  
rium sanctæ Marthæ, aliaq; nonnulla pietatis ope-  
ra, eius potissimum industria facta sunt, & sanctis  
legibus stabilita: ex quibus magna in vniuersam  
Remp. Lusitanam manat utilitas. Erat enim FON-  
SECA præstanti vir auctoritate, & ad perrumpendas  
difficultates rara industria, magnanimitate, cōstan-  
tia. Quamobrem PHILIPPVS I I. Hispaniarum Rex  
Catholicus, ipsum inter alios elegit, quos in Lusita-  
niæ regno quasi censors morumque reformatores  
esse voluit, Episcopumque Iaponis primo loco no-  
mina-



minauit: & GREGORIUS XIII. summus Pont. vir admirabili rerum usu, tanti FONSECAM fecit, vt multa ei committeret, nō ad Societatem modò pertinentia, sed etiam ad vniuersæ Ecclesiæ utilitatem. Cùm igitur anno salutis M. D. XCIX. Congregatio Prouincialis celebraretur, euocatusque ipse Eboræ, Olyssiponem venisset, morbo ipsa in Congregatione correptus est grauissimo; quo tandem IV. Nouembris consumptus est, & ad feliciorē vitam translatus. Vixit PETRVS FONSECA annos LXXI. ex quibus XX. in sæculo, vnum & quinquaginta exegit in Societate.

PETRVS GYSMANVS, natione Hispanus, patria Abulensis, *Vitam B. P. Francisci Xauerij*, ab Horatio Tursellino Latinè scriptam, Hispanicè euulgauit.

PETRVS IOANNES PERPINIANVS, natione Hispanus, patria Valentinus, ex oppido Elche, vir fuit ad eloquentiam natus. Ab incunabulis se DEO in Societate dicauit, & cùm scientias alias omnium verò Artem dicendi mirabiliter complexus, & vsque ad eò affecutus est, vt cum summis nostri sæculi oratoribus conferri posse videatur. In Academicis celeberrimis, Conimbricensi, Romana, Parisiensi, cum ingenti plausu atque admiratione auditus est, omniumque disertissimorum virorum eius æqualium consensu, primæ illi eloquentiæ partes deferebantur. Quod ne cui fortè amoris non iudicio, amicitia non veritati datum esse videatur; referam hîc breuiter, quæ tres summi nostri temporis Oratores atque Eloquentiæ lumina, de PERPINIANO scripta reliquerunt. Q. Marius Corradus in epistola ad PERPINIANVM: *Marcellus* (inquit) *frater*

ter meus, omnino tibi vix vnum aut alterum confert, plurimarum artium scientia, splendore orationis, acumine iudicij, & omnium elegantia & gravitate studiorum. Paulus autem Manutius Zerbino Ritio de obitu PERPINIANI ita scribit: Decessit alienissimo tempore, cum ad eum salutaris doctrinae dogmata de loco superiore ostendentem, omnis omnium concursus fieret, cum haereticæ factionis insidias patefaceret, impetum frangeret, tela retunderet; decessit (inquam) florente adhuc etate, nimis immatura morte, summo ingenio vir, incredibili scientiæ copia, maxima iam apud omnes bene sentientes existimatione & auctoritate PERPINIANVS noster. M. verò Ant. Muretus nullum nostro tempore fuisse ait, in quem illud de Nestore elogium melius conveniret, cuius ex ore melle dulcior fluebat oratio. Hæcilli. Adolescens PERPINIANVS in Lusitania cum primis dicendi laude floruit, & in Italia ac Gallia luce sic excelluit, ut paucos haberet pares, superiorem fortasse neminem. Hic vir tantus, Lutetia Parisiorum, par ingenio & virtuti suæ theatrum nactus, in Religionis Catholicæ propugnatione, annos nōdum XL. natus, non minore Catholicorum mærore quàm impiorum gaudio spiritum effudit. Habuit, scripsitque *Orationes duodeviginti* ornatissimas atque elegantissimas; quæ in eloquentiæ studiosorum gratiam PERPINIANO mortuo nostrorum opera prodierunt in lucem.

*De Laudibus S. Elisabethæ Lusitaniæ Reginae Orationes III.*

*Quarta, De Societatis IESV Gymnasiis.*

*Quinta, In funere Ludonici Principis Lusitaniæ.*

*Sexta, De Rhetorica discenda.*

*Septima, Ad Carolum Borromæum Cardinalem.*

*Octava,*

*Octava, De DEO Trino & Vno, ad PIVM IV. Pont. Max.*

*Nona, Ad PIVM item IV. cum Gymnasium Societatis Romæ inuiferet.*

*Decima, De auita docendi laude recuperanda.*

*Undecima, De retinenda veteri Religione, ad Lugdunenses.*

*Duodecima, De eodem argumento, ad Parisienses.*

*De eadem re, ad eosdem, XIII. XIV. XV.*

*Decimasexta, De humana ac diuina Philosophia.*

*Decimasextima, De retinenda veteri Religione, iterum ad Parisienses.*

*Decimaoctaua, De perfecta Doctoris Christiani forma.*

PETRVS LEDESMA, natione Hispanus, edidit Hispanicè, qui ibidem ad verbum ediscitur,

*Catechismum, seu Doctrinam Christianam summam, quæ & Belgicè legitur.*

\*PETRVS LOYERVS, natione Gallus, Aquitanix prouinciæ Præpositus fuit Prouincialis. Scripsit

*Commentaria erudita in Apocalypsim: quæ tamen morte impeditus, in lucem emittere non potuit.*

PETRVS MATVRIVS, natione Gallus, eruditas *Annotationes* scripsit in *Historiam Dini Antonini Archiepiscopi Florentini*, quibus totam historiam illustrauit, & collatione aliorum auctorum locupletauit.

PETRVS MICHAEL, cognomento BRILMAECKER, natione Germanus, patria Colonienfis, natus est anno salutis M. D. XLII. & in Societatem ingressus anno M. D. LVIII. XIX. Maij: qui positis Religionis rudimentis, & litteris politioribus atque Philo-

Philosophicis eruditus, Lutetiam Parisiorum missus est, vbi P. Ioanne Maldonato præceptore vsus, sacrę Theologiæ operam nauauit, quem reddita vice Hebraicè docuit. In Societate Rhetoricen professus est, deinde & Hebręas litteras. Erat enim Germanica, Latina, Hebraica lingua facundus, Græca verò & Gallica mediocriter doctus. Cum eloquentia coniunctam habuit prudentiam, & quoddam excelsum animi robur. Itaque multis Germaniæ Principibus familiaris & carus fuit, & legationibus ipsorum nomine præclarè functus. Rectorem egit Spiræ annos sex, totidē Monasterij Westphaliæ, vbi sola fiducia in DEVM fretus, licet obolum non haberet, magnificum ædificium pro scholis cœpit & perfecit: atque eadem animi magnitudine noui templi fundamenta iecit. Erat vir verè humilis, eximia caritate, nullo fastu, nullo supercilio; cuius institutione & opera multi hæretici ad Ecclesiam Catholicam redierunt. Stephanum Isaacum (qui ex Iudæo malè Christianus, ex Christiano factus Minister Caluinista in cultum sanctarū Imaginum est debacchatus) scriptis confutauit ac fregit. Ioannem à Munster Westphalum, obscura nobilitate, & Grammatices cognitione inflatum, & stolidè concionantem, atque ad certamen prouocantem, Apologetico scripto repressit, ac silere compulit. Sed dum hæreticos vita, voce, stylo vrget, ab illis circumuentus, & per speciem amicitia ad mensam inuitatus, semel atque iterum venenum incautus hausit; quo tandem Moguntiaë extinctus est, xxv. Augusti, anno salutis M. D. xcv. ætatis LIII. Scripsit Pater MICHAEL partim Germanicè, partim Latinè, *De communionē sub altera tantum specie.*

*Sertum item precatorium.*

*De Eucharistia lib. v. per Dialogum.*

*Catechismum.*

*Christianam & solidam detectionem errorum Ioannis à Munster.*

*Epistolam ad amicū, qua tāquam spongia deterguntur calūnia Stephani Isaaci, ex Iudæo Pseudochristiani.*

*Quiddiothecam, hoc est, libellum qui multorum librorum loco de omnibus Christianę fidei dogmatibus ita tractat, vt facilè agnosci possit, vbi est vera fides.*

PETRVS MORALES, natione Hispanus, patria ex oppido Valdepeñas, Diœcesis Toletanę, xxxii, annum agens Societatem nostram ingressus est, in qua adhuc viuit in prouincia Mexicana. Philosophiam de Moribus quatuor annos docuit, & aliquot collegiorum Rector fuit. Scripsit librum

*De Reliquiis Sanctorum ex Europa in nouam Hispaniam inuectis, & magna pompa atque veneratione in Mexicana ciuitate per nostros collocatis.*

PETRVS ROVERIVS, natione Gallus, patria Auenionensis, edidit,

*Panegyricum HENRICO IV. Gallorū Regi Christianissimo dictum, in instauratione Godrani Societatis IESV Collegij.*

PETRVS SANCTIVS, natione Hispanus, patria ex oppido Sancti Martini Diœcesis Toletanę, cūm Academia Complutensis Rector fuisset, & Aristotelicas disciplinas publicè explanaret, magna probitatis atque eruditionis opinione, rebus omnibus seculi contemptis ac pro nihilo habitis, in nostrorum numerum aggregatus est Compluti, anno salutis M. D. LVIII. maxima totius Academiae admiratione at-

ne atque ædificatione, deducuntibus illum nostrum in Collegium Præceptoribus ac discipulis, & multas lacrymas profundentibus. Postea verò quàm ad normam Societatis est conformatus, Rectoris nostri Collegij Complutensis munere functus, in occidentis Solis Indiam Superiorum iussu nauigauit, anno salutis M. D. LXXI. primusque nouæ Hispaniæ prouinciam laudabiliter administravit, & in ea hætenus permanet. Scripsit Hispanicè volumen

*De Regno DEI*, in octo libros diuisum; in quibus omnium penè virtutum Sanctorum adducit exempla Ecclesiastica ex historia deprompta, vt doceat virtutis cuiusque obiectum, modum, finem, & quibusdam quasi calcaribus admotis legentium animos per Sanctorum exempla magis accendat ad pietatem.

PETRVS SKARGA, natione Polonus, vir iam maturus, & XXXIII. annos natus, Canonicus, & Concionator, in Societatem adscriptus est, anno salutis M. D. LXIX. quo ego tempore, illo, nostro in Collegio Romano, familiariter vsus sum: deinde ad instituti nostri normam expolitus, in patriam rediit; in qua concionandi munus, quod in sæculo cū laude obierat, per annos xxx. indefesso labore profectus est, magna auditorum frequentia, admiratione, vtilitate. Per multos enim hæreticos, & in iis haud paucos Procere ac Principes viros, ad fidem Catholicam conuertit; & SIGISMVNDI III. Poloniæ Regis annos iam xv. ordinarij Concionatoris partes agit, tanta modestia, humilitate, atque erga Superiores suos obedientia, vt in aula religiosam disciplinam ad vnguem conseruet, & de studio conatuque in virtutibus proficiendi nihil omnino remittat: quo

etiã nomine & Regi gratissimus, & omnibus Principibus carissimus est. Rector fuit Collegij Vilnensis, & prouincię Poloniae Præpositus Vice-prouincialis. Scripsit Latinè,

*Pro augustissimo Eucharistia Sacramento, contra Andream Volanum hæreticū Zuinglianum, lib. III.*

Item contra eundem Volanum, *XII Artes quibus hæretici Sacramentarij oppugnant præsentiam DEI in Eucharistia, & totidem quibus Catholici eandem propugnant & defendunt.*

Polonicè autem scripsit,

*De unitate Ecclesie DEI sub uno Pastore, & De schismate Græcorum, cum admonitione ad Ruthenos, Græcorum schismati adherentes.*

*Septem columnas, in quibus fundatur Catholica fides de Sacramento altaris, contra Zuingianos & Caluinistas.*

Librum perutilem, in quo continentur *Selecta Sanctorum vite*, digestæ in singulos dies totius anni, additis documentis ad mores formandos aptis, & sententiis ex scriptis sanctorum Doctorum contra præsentis hæreses collectis.

*Postillas seu Conciones in singulos dies Dominicos & Festos.*

*Conciones de Sanctis, & de rebus variis.*

*Compendium X. Tomorum Cardinalis Baronij.*

PETRVS TYRÆVS, natione Germanus, patria Nouesienfis, in ditioe Archiepiscopi Coloniensis, vir omni litterarum genere cumulatus, & in Academicis Treuerensi, Moguntina, & Herbipolensi publicus per XXVII. annos continuos Professor. Scripsit præclarum librum, cui titulus est:

*Loca infesta, hoc est, De infestis ob molestantes demoniorum*

*niorum & defunctorum hominum spiritus locis: in quo spirituum infestantium genera, conditiones, vires, discrimina, opera, mala, quæ viventibus adferunt, rationes item quibus partim cognoscuntur, partim proscribuntur; modi denique quibus loca ab ipsorum molestia liberantur, iisque similia discutuntur & explicantur.*

*Libellum item De terrificationibus, nocturnisq; tumultibus, quæ hominum mortes pretendere solent,*

*De Apparitionibus spirituum Tractatus II. quorū prior agit de apparitionibus omnis generis spirituum, DEI, Angelorum, dæmonum, & animarum humanarum, lib. I. Posterior continet Diuinarum seu DEI in veteri Testamento apparitionum & locutionum, tam externarum quàm internarum, libros IV.*

*Diuinarum noui Testamenti, siue CHRISTI Filij DEI noui Testamenti mediatoris apparitionum lib. I.*

*De Sacrorum hominum continentia.*

*De nouo & falso Antichristo.*

*De iure vocationis & missionis Ministrorum in Pseudoeuangelicorum Ecclesiis.*

*Disputationem de vera fide duplicem, in quibus simul demonstratur eam non esse in Protestantium Ecclesiis.*

*Disputationes de potestate Ecclesie.*

*De Festo corporis CHRISTI, & DEO in Sacramento Eucharistie adorando.*

*De Sacramentali confessione.*

*De clandestinis matrimoniis.*

*Examen Apologeticum Thesèon Danielis Tossani Calviniani Theologi in Academia Heydelbergenfi.*

*De Sanctorum inuocatione.*



*De legitimo Sanctorum cultu, deque Imaginum consecratione.*

*De multiplicibus suffragiis, quibus pie defunctorum spiritus iuantur a viventibus.*

Sed dum P. TYRÆVS Religionem Catholicam ingenij sui monumentis illustrare, & pro sua virili subleuare non cessat, rude scholastica donatus, laborum suorum præmia percepturus, nouem mensium tabe, in cælum à DEO euocatus est Herbipoli, anno salutis M. DC. I. 3. Decembris.

PETRVS SILVIVS, natione Belga, natus in Houtem S. LÆVINI, ad Societatem aggregatus est Louanij, anno salutis M. D. LXXI. XXVI. Ianuarij. Obiit Moguntia anno M. D. XCII. x. Iulij. Scripsit,

*Disputationes de DEO ac de sacramento Pœnitentiæ.*

PETRVS VARGAS, natione Hispanus, scripsit,  
*De conscribendis Epistolis, & Progymnasmata Rhetorica.*

PHILIPPVS SVEVENZELIUS, natione Belga, patria Brugensis agri, linguæ vtriusque, quas annos plurimos in Societate docuit, apprimè doctus, & Belgicæ linguæ admirator, vertit è Græco,

*Anastasijs Sinaitæ in Psalmum v I. Davidis Explanationem: extatque Tomo III. antiquarum Læctionum Henrici Canisij I. C.*

Patrio vero sermone dedit, suppresso tamen nomine, *Rectam viam ad pietatem.*

## R.

**R**APHAEL RIERA, natione Hispanus, patria  
Barcinonensis, scripsit Italicè,

*De anno Iubilæi M. D. LXXV. Item,*

*De Miraculis B. Mariæ Virginis Lauretana.*

RICHARDVS ESIVS, natione Belga, scripsit,

*Institutiones Grammatica Latina. &*

*Institutiones Græca lingua.*

RICHARDVS GIBBONVS, natione Anglus, edi-  
dit Duaci *Decachordum Christianum M. Vigerij.*

Meditatur ingens Opus materiarum omnis ge-  
neris ac disciplinæ, alphabeti serie.

ROBERTVS BELLARMINVS, natione Italus, pa-  
tria Politianus, MARCELLI II. Pont. Max. so-  
roris Cynthia Cernaia filius. adolescentulus se  
DEO nostra in Societate consecrauit, atque excel-  
lenti ingenio, magno iudicio, improbo & perti-  
naci studio, liberales artes didicit, docuit, professus  
est. Scripsit,

*De controuersis Christiane fidei aduersus sui tem-  
poris hæreticos, opus spissum sanè atque operosum,  
& omnibus numeris absolutum, in tres Tomos di-  
stinctum, & LXIV. libris comprehensum: cuius ge-  
neralis operis diuisio hæc est:*

Tomus primus in VII. generales controuersias  
diuisus:

*De verbo DEI scripto & non scripto lib. IV.*

*De Christo Capite totius Ecclesie lib. V.*

*De Summo Pontifice capite militantis Ecclesie  
lib. V.*

*De Ecclesia tum in Conciliis congregata, tum sparsa  
toto orbe terrarum, lib. IV.*

*De membris Ecclesie militantis, Clericis, Monachis, Laicis, lib. III.*

*De Ecclesia qua est in Purgatorio lib. II.*

*De Ecclesia qua triumphat in caelis lib. III.*

Tomus secundus in quinque cōtrouersias generales:

*De Sacramentis in genere lib. II.*

*De Baptismo & Confirmatione lib. II.*

*De Eucharistia & Sacrificio Missae lib. VI.*

*De Pœnitentia lib. IV.*

*De extrema Vnctione, Ordine, & Matrimonio, lib. III.*

Tomus tertius in tres controuersias generales:

*De gratia primi hominis & statu innocentiae lib. I.*

*De gratia amissione lib. VI.*

*De gratia reparatione & statu Iustificatorum per*  
**CHRISTVM** *lib. XIV.*

Scriptit etiam,

*Indicium de concordia Lutheranorum.*

*De Indulgentiis & Iubilæo.*

*De translatione Imperij.*

*Liturgiam Apostolicam.*

*In hereticum carptorem fulminis XISTI V.*

*Institutiones linguae Hebraicae.*

*Catechismum Italicè. itemque,*

*Declarationem Symboli. &*

*Responsonem ad Doctorem Theologum, de Censuris aduersus Venetos, & ad Tractatum Io. Gersonis de excommunicatione.*

*Aliam responsonem ad VII. Theologos Venetos.*

*De Religione porro ROBERTI BELLARMINI, pietate, demissione animi, modestia, ceterisque virtutibus, tacere meliùs puto, vt ille de Carthagine ait, quàm pauca dicere; ne eius adhuc viventis auribus,*

NON

non veritati testimonium dedisse videar. Illud tamen dicam, ea vitæ integritate, eruditione, prudentia præditum esse ROBERTVM, tam benè de Ecclesia DEI meritum, vt CLEMENS VIII. Pont. Max. ipsum neque appetentem, neque ambientem, immò verò abhorrentem atque repugnantem, in Collegium S. R. E. Cardinalium cooptauerit, anno salutis M. D. XCVIII. die tertia mensis Martij. Sed ille quidem sacra purpura donatus, nihil de pristina modestia mutauit, sui que omnino similis, & pauper Societatis I E S V presbyter, & Ecclesiæ Romanæ princeps idem semper fuit, in vnum Religiosæ vitæ & Sacræ dignitatis munia coniungens.

ROBERTVS PERSONIVS, natione Anglus, patria Somersetensis, vir non magis doctrina quam prudentia & integritate vitæ laudabilis, qui in Anglia multos à Catholicæ fidei veritate aberrantes ad viam salutis reduxit, plurimos Catholicos confirmavit, incredibiles labores pertulit, vitæ discrimina sæpenumerò adiuit. Perquisitus ad necem, & omnibus indiciis atque indagine exploratus, vestigiis deprehensus, fraudibus circumuentus, ac penè ab hæreticis captus, diuinæ prouidentia beneficio sæpè liberatus est, vt non semel tantum, sed per totam vitam Martyr fieret, multorum que Martyrum pater; collabentemque tota Anglia Religionem Catholicam fulciret, ac suis quodammodo humeris sustineret. Seminaria Anglorum & Catholicorum adolescentum Romæ ac Rhemis prius instituta, ne vel hæreticorum impetu atque insidiis labefactata conciderent, vel rerum inopia tabescerent, multum laborauit, & alia Seminaria Hispali & Pincia in Hispaniis, & apud sanctum Audomarum in inferiore

Germania PHILIPPI II. Hispaniarum Regis Catholici liberalitate excitari curauit. Quibus in Seminariis nobiles adolescentes ex tota Anglia lectissimi, ad Catholicæ Religionis regulam informantur, & litteris expoliuntur, vt ætate confirmati, scientia instructi, sacris initiati, spiritu robusti, in patriam redeant, & acre cum hæreticis bellum gerant, futuri quocumque euentu victores. Quæ quidem Seminaria refugia sunt Catholicorû Anglorum, naufragantium portus, ipsorum adolescentum salus, hæreticorum exitium, Apostolicæ Sedis propugnaculum, auitæ Religionis præsidium. Scripsit ROBERTVS PERSONIVS varia atq; vtilissima opuscula, tum Anglicè, tum Latinè, in hunc vsque diem: vt ad edictum Anglicanum Regina Angliæ: item, *Questiones de Sacris alienis non aduendis*: sed suppresso nomine; ne, si verum nomen proferret, reiceretur, atque dilacerarentur propter odium Auctoris. Sed inter alia ROBERTI opera perutile imprimis esse aiunt qui linguam Anglicam callent, & illud legerunt,

*Directorium ad Christianam fidem*, quod elegantissimo stylo Anglicè scripsit. Item,

*Martyrologium Catholicum*, contra pestilens opus Foxij pseudomartyrum.

ROBERTVS SOTVELLVS, natione Anglus, patria Suffolcensis. Scripsit *Libellum* siue *Solatum ad sacerdotes, qui pro fide Catholica in vinculis detinentur*. Detentus est ipse, & martyrij corona donatus est, anno M. D. XCV. III. Martij.

## S.

SEBASTIANVS BARRADAS, natione Lusitanus, patria Olyssiponensis, in Collegio Conimbricensi vix ephebus, & xv. tantum agens annum, Societati nomen dedit, Septemb. die xxvii. anni salutis M. D. LVI. Deinde Rhetoricen atq; Philosophicas facultates professus est, Sacras litteras tum Conimbricæ, tum Eboræ, magna auditorum celebritate est interpretatus, concionatoris etiã partes laudabiliter egit. Scripsit in *Historiam & Concordiam Evangelicam præclaros Commentarios*: ex quibus duo iam Tomi excusi, sunt in manibus, duo alij prælum expectant.

SEBASTIANVS BERETARIVS, natione Italus, humaniores, vt vocât, litteras annos plurimos professus, scripsit disertè *Litteras annuas Societatis, annorum M. D. XCIV. & M. D. XCVI.*

SEBASTIANVS HEISSIVS, natione Germanus, patria Augustanus, controuersarum cum hæreticis disputationum Professor. Scripsit,

*De vera Christi in terris Ecclesia, de quæ proprietatibus ac notis, quibus ab omnibus falsis hereticorum Ecclesiis internoscatur.*

*De triumphante in celis Ecclesia.*

*De cultu & inuocatione Sanctorum, & Veneratione sacrarum Reliquiarum atque imaginum.*

*Dialogos de S. Eucharistia.*

SIGISMVNDVS ERNHÖFFER, natione Germanus, patria Monachiensis, vix ex ephebis exierat, cum nostrum institutum arripuit, & in eo laudatè perseueravit vsque ad mortem, quam Græcij obiuit.

luit. Scripsit Opuscula aliquot Germanicè contra hæreticos.

SIMON NICOVIVS, natione Polonus, Philosophicis disciplinis institutus, atque laurea magistrali donatus, anno salutis M. D. LXXV. Societatem nostram amplexus est, vir raræ virtutis, candidus humilisque. Vertit in linguam Polonicam,

*Martyrologium Romanum*, GREGORII XIII. iussu editum; & *Sanctorum vitas*, qui extant in Breviario Romano.

SIMON VISOCHIVS, natione Roxolanus, admiffus est in Societatem Romæ, anno salutis M. D. LXIX. ætatis verò XXIV. & per XXX. & eo ampliùs annos verba de superiore loco ad populum fecit, & incensis cõcionibus multorum animos ad fidem Catholicam, & ad pietatem colendam inflammavit. Scripsit Polonicè librum cui titulum fecit, *Monstrantia*. Vertit etiam in Polonicum idioma pios aliquos libros.

STANISLAVS GRODITIVS, natione Polonus, patria Pofnaniensis, in nostrorum gregem annumeratus est anno salutis M. D. LXXI. ætatis verò XXX. Vir si quis alius magnæ orationis, instituti Societatis tenax, & ad commouendos auditorum animos acer inprimis ac vehemens. Scripsit Polonicè,

*Conciones sex de usu Sacramenti Eucharistia sub una specie.*

*De emendatione Kalendarij GREGORIANI conciones duas.*

*Regulas fidei hæreticorum*, quibus demonstrat hæresiarchas non Scripturam sacram, sed sui cerebri somnia pro regulis habere.

*Conciones duas de Purgatorio*, quas habuit Vilnæ in

in duorum Principum exequiis.

*Euangelium*, siue *Dialogos duos*, quibus probat ex ipsorum principiis hæreticos non esse Euangelicos.

*Sermones in quatuor Dominicas Aduentus, & ab Aduentu ad Septuagesimam*, Coloniae Latinè euulgatos.

*Concionem item de probandis spiritibus.*

STANISLAUS VARSCHEVICIUS, natione Polonus, cum nobilitate, ingenio, doctrina, auctoritate, in seculo floureret, & ad honores amplissimos vocaretur, oblatum à SIGISMUNDO Rege Episcopatum repudiavit; & omnibus mundi illecebris vanitatibusque reiectis, anno salutis M. D. LXVII. ætatis verò propemodum XL. ad CHRISTI vexillum conuolauit, crucisque ignominiam aulæ splendori in Societate prætulit. Vir verè religiosus, ac maximè pius, orationis apprimè studiosus, in qua sic semper erat defixus, ut cum oraret, extra se positus videretur. Elucebat præterea in STANISLAO rara prudentia, cuius specimen edidit Collegiis Vilnensi & Lublinensi gubernandis. Scripsit, seu potius Latinitati donauit, *Lib. x. Historia Ethiopia*, eosque SIGISMUNDO Augusto Poloniae Regi dicauit.

Transtulit etiam in Polonicam linguam aureum atque elegatissimum P. Ludouici Granatensis Dominicani librū, qui Hispanicè, *Guia de peccadores*, id est *Dux peccatorum*, inscribitur. Denique XXI. & eo amplius annis magna religione in Societate consumptis, anno salutis M. D. XCI. ad cælestem patriam commigravit.

STEPHANVS DE AVILA, natione Hispanus, patria Abulensis, in ea Hispaniæ prouincia, quæ vulgò Ca-



gò Castilla vetus dicitur. Societatem nostram etate adhuc tenera ingressus, post absolutum spirituales tirocinij tempus Theologicis litteris applicuit animum, tam felici ingenio, vt nihil suprâ; vix discipulus esse desit, cum aliorum magister & doctor renunciatus est: miraculo fuit adolescentis sapientia summa, eruditio singularis; hæc Præpositos mouit, vt eum ad nostros Peruani regni incolas olim transmitterent. Excepit America tantum virum, vt par erat; cumque tacente ipso, quantus esset, prædicaret fama, Theologiam in Academia Limentis profiteri publicè iussus est. Credi vix potest, quam plausibilis omnibus eius docendi ratio: admirationi erat acumen ingenij, in indagandis rebus solertia, in tradendis exquisitissima methodus, in euoluendis auctoribus indefessum studium, præsertim in re morali. Hæc sic STEPHANVM commendarunt omnibus, vt *Doctor Doctorum* vulgò diceretur. Illum totius Regni proceres, tribunalia summa, vt absolutissimum Theologum, & vtriusque iuris peritissimum consulebant. Omnes hominum status, ciuitates omnes, & Prouinciæ, quod AVILA dixisset, verum, certum, securum; quod reticuisset, suspectum, incertum, periculosum iudicabant. Respondebat doctrinæ egregia probitas morum. Vir fuit incredibili sui despicientia, honoris perpetuus contemptor, abiectiois cupidissimus; qui que cum in ore omnium esset, solus ipse seipsum ignorabat. Obiit post illustratas ferè omnes quatuor summæ Theologiæ Angelici Doctoris partes, cuius acerri- mus semper defensor fuit, daturusque forsan fuisset in lucem quamplurima, nisi satis immatura mors pios conatus hominis vnà cum vita abstulisset.

Quod

Quod ex omnibus suis lucubrationibus, quæ certè multæ sunt, absolutum magis nobis reliquit, *Opus de Censuris Ecclesiasticis* est, posthumus filius patri.

\* STEPHANVS TVCCIVS, natione Siculus, patria ex oppido Monfort, Diœcesis Messanenſis, adolescens se nostris adiunxit, & permultos annos in Sicilia humaniores litteras docuit. Vir fuit ad omne disciplinarum genus natus, Orator, Poëta, Philosophus, atque Theologus eximius. Scripsit,

*Chronicon ab orbe condito ad CHRISTI natiuitatem.* Item,

*Orationes plurimas.* Item,

*Dramata & actiones sacras Heroico carmine compositas: & alia id genus multa.*

*Disputationes varias de Theologicis Philosophicisq; rebus, quæ in controuersia versantur.*

*Ingens volumen disputationum aduersus nostri temporis Atheistas.* Sed hæc per mortem limare STEPHANO ac perpolire non licuit.

## T.

**T**HEOBALDVS N. natione Germanus, patria Sueuus, libros quinque *De vitâ B. P. IGNATII Societatis IESV Institutoris*, à P. Petro Ribadeneira conscriptos, ex Latina lingua in Germanicam tranſtulit, & varias etiam *Epistolas Iaponicas annuas.*

THEODORVS PELTANVS, natione Belga, vii fuit Latinè Græcèque doctissimus, & in aliis scientiis probè versatus: cuius hîc Elogium adscribere placeat è S. Theologiæ Professoribus Academiæ Ingolſtadienſis, auctore Valentino Rotmaro.

THEODORVS ANTONIVS PELTANVS, ex inferioris

rioris Germaniæ Pelta pago oriundus, Societatis IESV Theologus, anno Domini M. D. LVI. cum aliis quibusdam Patribus de Societate IESV *Thoma Lentulio* Nouiomagenſi, *Ioanne Cuvillonio* Inſulenti, & *Hermanno Tyrao* Noueſienſi, Doctoribus Theologis, mense Auguſto ad Ingolſtadienſem accedit Academiam, & Græcæ Hebraicæque litteraturæ Profeſſor ordinarius cõſtituitur. In Theologia omnes gradus, tã Baccalaureatus quàm ſupremos, eſt adeptus. Anno Domini M. D. LXII. menſe Aprili Doctoralia recipit inſignia, & in lectione Theologica *D. Cuvillonio*, qui ad Concilium Tridentinum proficiſcebatur, ſuccedit. Si quis, vel propter ingenij candorem & acumen, vel in diſputando tam in Philoſophica quàm Theologica arena ſubtilitatem & promptitudinem, meretur laudem, certè ille ampliffimis dignus eſt encomiis; vt interim linguarum cognitionem, quam publicis ſcriptis & verſionibus & aptiffimis & ornatiffimis toti Eccleſiæ iam teſtatam reliquit, ſilentio præteream. Docuit Theologiam ab anno LXII. vſque ad annum LXXIV. frequentibus in materia Theologica diſputationibus habitis. Seceſſit poſteà Auguſtam Vindelicorũ, vt ſe quieti ſenex traderet, quæ etiamnum huiuſmodi fuit, vt cum ſumma totius Eccleſiæ & religionis Catholicæ vtilitate eſſet coniuncta. Nunc de ſcriptis videamus.

*Theſes plurimas De diuerſis fidei controuerſiis & publicè PELTANVS diſputauit, frementibus hæreticis, & typis, vt ad alios quoque emanaret vtilitas, euulgauit. Sunt in manibus,*

*Propoſitiones de Purgatorio igne, De animarum ſediſibus, De vita ſanctorum ſuffragiis, De Chriſtiano-*

*rum*

*rum sepulturis, exequiis, & anniuersariis. Item,*

*De CHRISTI satisfactione & nostra libri duo.*

*De Matrimonio.*

Vtilissimum quoque opus vernis Quadragesimæ  
aptum ieiuniis dedit,

*De tribus bonorum operum generibus, Eleemosy-  
na, Ieiunio, & Oratione.*

Præterea,

*De peccato Originis tractatus duodeniginti.*

Quæ verò de Græcis Latina fecit, hæc Ingolstadij  
& alibi excusa:

*Synodi Ephesinae primæ Acta libris iv. Latina pri-  
mus ciuitate donauit, & Periochis illustrauit ac  
Notis.*

*Septemdecim quoque Græcorum Patrum Homi-  
lias in præcipua CHRISTI Saluatoris festa Latinè  
reddidit.*

Similiter, *Victorem Antiochenum in Marci Eu-  
angelium* conuertit. &

*Titum Bostrorum Episcopum in Lucam. itemque,  
Andree Cesarea Cappadocia Episcopi Commenta-  
rios in Apocalypsin.*

Reliquit & postumum partû *Catenam Græcorum  
Patrum in Proverbia Salomonis Latinam factam: in  
eademque Proverbia Commentarios ac Paraphrasim:*  
docta, pia, & laboriosa, verbi DEI ecclesiasticis per-  
utilia, ne dicam necessaria. Obiit Augustano in  
Collegio Societatis I E S V, quieuitque in Domino  
v i. Nonas Maias, anno redemptionis humanæ  
M. D. X X C I V.

THOMAS SAILLIUS, natione Belga, patria Bru-  
xellensis scripsit Gallicè,

*Instructionem ad Milites.*

M

Latī-

Latinè verò, *Theſaurum Precum ac Meditationum, cum Apologia pro Litanis.*

Collectas item à ſe edidit *Funebres laudationes in obitum Alexandri Farnesij Ducis Parmæ ac Placentiæ, & Belgici exercitus Gubernatoris atq; ductoris.*

*Narrationem itineris Illuſtriſſimi D. Franciſci de Mendoza Almirantij Aragoniæ, in legatione ſua ad S. Cæſaream Maiestatem, Sereniſſimũ Polonia Regem, ac Sereniſſimum Archiducem Ferdinandum, &c.*

*Veram item narrationem expeditionis Sereniſſimi Archiducis Alberti ad Ambianum.*

Belgicè denique reddidit,

*P. Iulium Facium De mortificatione.*

THOMAS SANCTIVS, natione Hiſpanus, patria Cordubeniſis, à puero noſtrum inſtitutum complexus eſt, atque in Societate liberales diſciplinâs didicit, & quæſtionem de moribus docuit. Vir eſt in quo virtus cum doctrinâ, ingenium cum aſſidua legendi auiditate certat, & qui non minùs vtriuſque iuris quàm Theologiæ cognitione excultus eſt.

ſcripſit pereruditos *De Sacramento Matrimonij* Tomos tres, doctis viris valdè probatos.

Scribit etiam *Summam caſuum* (vt vocant) *conſcientiæ.* Fama eſt, THOMAM SANCTIVM, quo tempore Societatem noſtrâ ambiebat, ſæpè à Superioribus repulſam paſſum, quòd impeditioris eſſet linguæ, Cordubæ in templum Sanctiſſimæ Virginis MARIÆ quod à Fonte ſancto nomen habet confuſiſſe, & multis ſuſpiriis lachrymiſque à DEIPARA Virgine efflagitaſſe, impedimentum illud vt auferret, quo in Societatem admitteretur, atque etiam profeſſum ſe domum ſuam non reuerſurum, niſi quod petebat, impetraſſet. Quid multa? impetrauit,

uit; & sublato impedimento, ad Societatem aggregatus est.

## V.

**V**ALENTINVS, GERARDVS, natione Gal-  
lus, patria Ambronensis, scripsit Gallicè  
*Triumphum B. Mariæ Virginis, à calumniis  
Caluianorum ministrorum vindicatum.*

VENCISLAVS STVRMIUS, natione Bohemus,  
patria Tinenfis, Græcas & Latinas litteras in So-  
cietate docuit, & diu multumque concionatus in  
missionibus est, quarum incommoda multa alacri  
animo tolerabat, paupertatis amator, obedientiæ ap-  
primè cultor, proximorum salutis studiosissimus.  
Collegiorum Pragensis & Crumlouiensis Rector  
fuit, primusque qui Bohemico idiomate contra Pi-  
cardos scripsit, videlicet,

*Concordiam fidei.*

*Apologiam contra Siluium Huberinum, & contra  
Concionale Picardicum, & alteram Apologiam defen-  
sionis Concionalis.* Migravit ad DOMINVM expleto  
ætatis anno LXVI.

VINCENTIVS BRVNVS, natione Italus, patria  
Ariminensis, cum Medici officio fungeretur, cu-  
randisque ægtotis operam daret, nostram ingressus  
est Societatem, ac diuinis litteris eruditus, propter  
eximiam probitatem, modestiam, & prudentiam,  
Collegio nostro Romano præfectus est, illudque per  
multos annos integrè, suauiter, atque prudenter  
gubernauit. Romæque anno, ni fallor, salutis M. D.  
XCIV. de corporis ergastulo liberatus, ad cælestes  
sedes, vti speramus, à DOMINO translatus est, an-

num agens circiter LXV. Scripsit præclarè materna lingua, quæ & Latinè conuersa Colonia Agrippinæ exierunt,

*De Vita, Passione, & Resurrectione DOMINI* Tomos tres; in quibus præcipua eius mysteria explicantur, & modus ea meditandi traditur.

*De Vita Beatissimæ Virginis MARIÆ, Ioannis Baptista, & Apostolorum, Martyrum, Confessorum, Virginum in communi,* Tomum vnum.

*Meditationum in Euangelia, quæ Dominicis diebus leguntur in Missa,* Tom. I.

*De sacramento Pœnitentiæ, cum examine generali ad confessionem generalem,* lib. I.

## Z.

**Z**ACHARIAS ROTH, natione Belga, patria Flander, diligens concionator & copiosus, zeloque promouendæ diuinæ pietatis ardens, in castris Frisæ militibus operam consolando dans extinctus est. Scripsit in Eburonum agro,

*Catechismi lectiones XII.* cum Gallicè, tum Belgicè.

**P**ETRVS RIBADENEIRA, natione Hispanus, patria Toletanus, omnium totius Societatis IESV minimus atque indignissimus filius, anno salutis M. D. XL. die XVIII. mensis Septembris, ad Societatem nostram tunc nascentem, & nondum à Sede Apostolica confirmatam, Romæ singulari Dei beneficio puer adductus sum, & à B. P. nostro IGNATIIO admissus, & multis ac magnis perfunctus labori-

boribus, scripsi ad hunc vsque annum M. DC. V. que sequuntur :

*De Vita B. P. N. I G N A T I I Societatis auctoris,*  
tum Latinè, tum Hispanicè, lib. v.

*Alteram item eiusdem B. P. vitam breuiorem, sed multis ac nouis miraculis illustratam.*

*De Vita P. Iacobi Lainez Secundi Præpositi Generalis lib. I. I. Hispanicè.*

*De Vita P. Francisci Borgie Tertij Præpositi Generalis lib. IV. item Hispanicè.*

*De schismate Anglicano lib. III.*

*De tribulatione priuata & publica lib. II.*

*De Principe Christiano aduersus Machianellum & Politicos lib. II.*

*De Vitis Sanctorum omnium qui per totum annum ab Ecclesia Romana celebrantur, quorumque in Breuiario fit commemoratio, Tomos II.*

*De Vitis Sanctorum extra ordinem Breuiarij, quos propterea extraneos appellant, Tom. I. Item,*

*Officia propria Sanctorum Ecclesie Toletane.*

*De Instituto Societatis IESV lib. I. Item,*

*Manuale Orationum in usum pie precandi collectum.*

*Libellum aureum Alberti Magni de Virtutibus, qui Paradisus animæ inscribitur, è Latino Hispanicum feci, & Orationibus ad singulas virtutes petendas locupletauit.*

*Confessionum, Meditationum, Soliloquiorum, & Manualis D. Augustini libros, meæ linguæ hominibus dedi.*

Denique hunc ipsum

*De SCRIPTORIBVS NOSTRÆ SOCIETATIS Tractatum ad finem Dei gratia adspirante perduxit, hoc ipso die quo lætissimæ omnium Sanctorum Feriæ*



182 CATALOGVS SCRIPTORVM SOC. IESV.  
celebrantur, quique mihi vitæ initium fuit, &  
LXXIX. annis expletis LXXX. ætatis ingredior. DEO  
Opt. Max. vitæ & omnium bonorum auctori, eius-  
que matri Beatissime Virgini MARIE, & ipsis San-  
ctis, atque cælitibus cunctis, sit laus, honor, gra-  
tiarum actio, & iubilatio in sæcula sæculorum.

A M E N.



CEN-